

رواية

Des: Mai Hussam

المشوه

الجزء الثاني

تأليف / Shimoo



المشوه
الجزء الثاني

Shimoo

حكاوي الكتب للنشر الالكتروني

www.hakawelkotob.com

مكاوي الكتب

التصميم الداخلي: فاطمة الزهراء

المشوه

قاسي كثيرا في حياته وقابله عقبات وعثرات ولكنه
تحمل
كرهه والداه وقاسي الامرين واصيب بحادثه غيرت مجري
حياته واصبح مشوه
لقبوه بالمسخ وتعاش مع لقبه والامه واغلق علي قلبه
ونسي ان له قلب اصلا ينبض
وبعد ان رضي بقدره وتقبله يهاجمه الحب ويدق بابه
فهل يفتح قلبه ام انه مسخ فعلا وليس له حق ان يحب!!!!!!

الحلقه الاولى الجزء الثاني

خلصت حكايتنا علي الحوار بين ادهم وليلي

ليلي: حبيبي مالك؟؟؟ استنيتك كثير مش هتبطل التقل

ده بقي ولا ايه؟؟؟

ادهم: _____:

ليلي: انت عايزني انا اترجاك ولا ايه؟ تعال فوق بقي يالا

بتشده من ايده بس هو فضل قاعد مكانه

ليلي: ادهم في ايه؟ مالك؟

ادهم: _____:

ليلي: حبيبي في ايه؟؟؟

ادهم: في اني زهقت!!! زهقت من كل حاجه!!! زهقت

منك ومن ابوكي ومن كل حد فاكر نفسه احسن مني

ليلي: ادهم في ايه مالک؟؟؟

ادهم: جوازي منک کان اکبر غلطه في حياتي انتي

فاهمه؟؟ جوازي منک غلط

ليلي :: انت بتقول كده ليه؟ في ايه؟؟؟

ادهم: في اني زهقت.... مش عايز جروح تانيه كفايه لحد

كده

ليلي: ادهم انا بحبك

ادهم: وانا مش عايز حبك ده مش عايزه ...

ليلي: ادهم ارجوك

ادهم: ترجوني ايه؟ انا االي برجوكي ابعدني ابوس

ايدک ابعدني بقي هو بالعافيه ولا ايه؟؟؟ انا _ مش _

عايزک

فهمتي ولا اقول تاني؟؟ مش عايزک

من يوم ما شفتک وانا کل ما ابعدک عني بترجعي تاني

وبحاول اقنع نفسي اني افضل معاکي بس برجع وابعد

وانتي تقربي لحد امتي مش عارف؟؟؟ ايه ما بتحسش
 ابعدني عني بقي كفايه كده مش قادر هتخنق
 كنت فاكرا اني هتجوز والحياء هتبقي عادي بس لا
 هتخنق مش قادر استحمل

لعلكم يومين وهسافر لوحدي ومش هتشوفي وشي تاني
 وبعدين هبعثلك ورقتك واطلقك

ليلى: ادهم

ادهم: فهمتي؟ خلاص فوقي بقي انتهي كله انتهي.....
 بعد اذنك

سابها ومشى وهيا واقفه مذهوله
 بقي هيا دي ليله العمر؟

هيا دي الليله اللي بتحلم بيها من زمان؟

هو ده ادهم اللي حبه وعشقه؟؟

هيا صاحيه ولا ده كابوس وهتصحي منه؟؟

حياتها انتهت من قبل ما تبدأ

اخيرا استوعبت ان ده بجد واخيرا قعدت في الارض تعيط
وتندب حظها

طلع النهار وهيا مكانها بتعيط وهو بره في الجنينه دماغه
عاجزه عن التفكير

اخيرا لقي النهار نور وقام يدخل علشان يقلع بدله الفرح
ويدوب دخل لقي ليالي نايمه في الارض مكانها والدموع
اثارها علي وشها

ليالي حست بيه وهو لسه هيدخل فعملت نفسها نايمه
كانت عايزه تشوفه بيحبها وهيشياها من مكانها ولا فعلا
هيا متفرقش معاه وهيسيبيها ويكمل طريقه مستنيه
مغمضه عنيا وبتدعي انه يقرب لانها رافضه تصدق انه
فعلا ما بيحبهاش

ادهم واقف وحرب جواه يقرب يشياها ولا يسيبيها ويكمل
طريقه

عقله: سيبها واطلع كفايه بقي جروح انت ايه ما بتتعيش

قلبه: بس دي ملهاش علاقه ما ينفعش نسيبها نايمه كده
 في البرد ده علي الارض كده وبعدين انت جرحتها في
 اسعد ليله في حياتها يبقي اقل حاجه انك تحطها في
 سريرها علي الاقل

قلبه: اه تحطها في سريرها وتفضل جنبها حبتين صح؟؟؟
 والبقية تاتي

قلبه: لا نخطها في السرير ونمشي علي طول
 عقله: بلاش سيبها وهيا لما تصحي تلاقى نفسها كده
 هتصدق انك ما بتحبههاش فعلا
 قلبه: معاملتك بعد كده هتخليها تصدق بس دلوقتي
 ممكن تاخد برد ولا تتعب

واخيرا قفل باب العقل وراح يشيها لانه ما استحملش
 منظرها علي الارض كده

شالها وطلع بيها فوق وحطها علي السرير وغطاها وراح
 الحمام يغير هدومه

وقف تحت الدش يتخيل الليله دي كانت هتبقي ايه
 واتحولت لايه؟؟؟

ليلي بسمه امل جواها وفكرت ممكن يكون حاجه اثرت عليه؟؟ ممكن يكون خايف من الارتباط؟؟ او خايف من المسؤليه؟ او حتي خايف من الليله نفسها؟؟ هيا مستعده لاي سبب غير انه فعلا يكون مش بيحبها

غير هدومه وسابها ونزل حتي من غير ما يبص ناحيتها بعد ما هو نزل اتصلت بامامتها وفضلت تعيطلها وحكتها كل اللي حصل معاها وبعد ما خلصت كلامها مامتها: بصي يا ليلي اللي انا اعرفه وحسيته ان ادهم بيحبك وبيموت فيكي كمان.. بصي علي العصر كده هجياك عايزه بس اتأكد من حاجه الاول وانتي نامياك شويه وريحي يالا سلام دلوقتي

قضت وراحت لجوزها

ام ليلي: كلمت ليلي

عم محمود: وايه اخبارها؟ حالتها ايه؟ ؟

ام ليلي: كويسه وظايره من الفرح وبتقول انها قضت احلي ليله في عمرها

عم محمود: ايه طايره ومبسوطه؟؟؟؟

ام ليلى: ايوه انت مستغرب ليه؟؟؟

عم محمود: سيبيني في حالي دلوقتي

ام ليلى: اسيبك ليه؟؟؟ انت عملت ايه امبارح لادهم

وقولتله ايه؟

عم محمود: مالكيش دعوه.... قلت اللي قلتاه بقي اهو

مجبش نتيجته

ام ليلى: يعني انت فعلا قلتاه حاجه وكلمته !!

يعني انت السبب؟؟؟

عم محمود: السبب في ايه بالظبط؟

ام ليلى: السبب في تعاسه بنتك وانك دمرت احلامها في

اول ليله في حياتها وبدال ما تعيش فرحه ليله العمر خلتها

تعيش اتعس ليله في حياتها وخلت جوزها بيقولها انه

هيطلقها

عم محمود: انتي مش لسه قايله انها طايره ومبسوطه؟؟؟

ام ليلى: كنت بضحك عليك علشان اعرف انت قولت ايه
لادهم... ادي الي قولته جاب نتيجة وبنتك هتتطلق افرح

بقي

عم محمود: هو في حد بيفرح لتعاسه عياله

ام ليلى: ايوه انت.... انت مش عايزها تفرح

عم محمود: انا اقدر حد في الدنيا دي كلها بيحبها

وبيخاف عليها

ام ليلى: وعلشان كده انت اقدر واحد بتتعسها وتدمر في

حياتها... هيا اختارت سيبها بقي

عم محمود: اختارت غلط

ام ليلى: بالنسبالك انت لكن بالنسبالها هيا صح وصح

قوي كمان سيبها بقي تعيش مع الي اختارته بطل كل ما

تبني طوبه تهدها

عم محمود: عايزاني اقف اتفرج من بعيد؟؟

ام ليلى: ايوه اقف اتفرج من بعيد ولو لقيتها بتفرق ابقى
ساعتها اتدخل لكن انت مش واخد بالك ان انت اللي
بتفرقها وكل ما تحاول تتطلع تنزلها تاني كفايه بقي
سابته ومشيت لتانيب ضميره بس برضه مصر ان ادهم

وحش

راحت ام ليلى لبنتها اخر النهار قابلت ادهم وسلمت عليه
وطلعت لبنتها لقيتها نايمه في السرير عينيها منفخه من
العياط ومتبهدله من اثار الميك اب وشكلها كله غلط في

غلط

ام ليلى: بقي دي خلقه اي راجل يفضل معاها؟

ليلى: عايزاني اعمل ايه يعني؟

ام ليلى: تقومي وتلبسي وتبقي عروسه بجد ودي صباحيتها

انتي مبتشوفيش البنات بيبقوا عاملين ايه في

صباحياتهم؟؟؟

ليلى: لا بشوف بس البنات دول بيبقوا مع اجوازهم مش

ناويين يطلقوا

ام ليلى: هو طلقك رمي عليكى اليمين؟؟؟

ليلي: لا

ام ليلي: يعني انت حاليا مراته

ليلي: عايزه تقولي ايه؟؟

ام ليلي: عايزه اقول متبقيش هبله وقومي رجعي جوزك

لحضنك هو مش هيجي من نفسه هو مقتنع حاليا انه

بيعمل الصح ابوكي برمجله دماغه

ليلي: بابا تاني؟

ام ليلي: سيبنا من ابوكي دلوقتي خرينا في جوزك

ليلي: اعمل ايه هو مش بيكلمني خالص

ام ليلي: ومش هيكلمك طول ما انتي قاعده تندبي

حظك كده

ليلي: اعمل ايه؟

ام ليلي: تقومي تحضري اكل وتدخليه معاكي في كل

حاجه اندهيلوه كل شويه واطلبي منه اي حاجه وقولي اي

حجه حاجه عاليه مثلا مش طايلها حاجه يفتحها اي

حجه

ليالي: طيب ماهو هيعرف ان انا بتحجج

ام ليالي: ويعرف ايه يعني.... بس مش هيقولك لا
هيقاومك شويه بس في الاخر هيستسلم هو بيحبك ما
تنسيش ده.. هو فاكر نفسه قوي انتي بقي اثبتيله
العكس البسي واغريه بكل طريقه تقدري بيها من بعيد
لبعيد بحركاتك بنظراتك بلبسك جننيه ومن غير ما
تلمسيه يا بت انا اللي هقولك يعني

ليالي: ولو عملت كل ده وفضل زي ماهو؟؟؟

ام ليالي: استحاله مفيش راجل بيقاوم اغراء الستات كتير
ما بالك لما تبقي حلوه وما بالك بقي لما تبقي حبيبته
ومراته كمان!!! اخلي الظروف اللي تخليه ديما جنبك
واوعي تخليه يمشي من غير ما يلمسك لانه لو مشي مش
هيرجع وهينفذ اللي قاله لكن يا ليالي لو لمسك مش
هيقدر يبعد عن حضنك ابدافاهماني؟؟

ليالي: فاهماكي ادعيلي يا ماما؟؟؟

ام ليالي: قومي بقي كده البسي وخليكي قمر 14 زي ما
بيقولو

قامت اخدت شاور وطلعت

ام ليالي: البسي ده

قميص نوم عريان لونه اسود

ليالي: انا مقدرش البس ده

ام ليالي: وليه بقي ان شاء الله؟؟؟

ليالي: كنت ناويه البسه لما اخد عليه شويه انا اتكسف

منه

ام ليالي: تتكسفي؟؟؟ طيب خلاص سيبيه بقي يمشي

ويبعلك ورقتك

شدت ليالي القميص من ايد امها ولبسته

ام ليالي: هسيبك انا بقي وابقي طمنيني بس ما تتوقعيش

انه هيستسلم علي طول هو راجل اه بس ظروفه وعيشته

وشغله هيخلوه يقاوم كتير مش هيستسلم بسهولة فخلي

نفسك طويل

ليالي: حاضر

مشيت امها وليلي لبست روب خفيف قصير فوق القميص
زادها اغراء ونزلت تحضر الاكل اللي مامتها جيباه
واكتشفت انها جعانه جدا

ادهم شافها نازله استغرب من شكلها ومعرفش يفسر ده
بايه

ليلي في المطبخ بتنادي علي ادهم وهو راحلها ليلي: ممكن
لو سمحت تناولني الاطباق اللي فوق دي مش طيلاها
ادهم: الحاجات اللي هتستخدميها خليها قريبه منك
ليلي: ليه بقي؟ جوزي طويل ربنا يخليهولي
ادهم بصلها جابلها الاطباق وحطها قدامها
ادهم: انا مش هعيد اللي قلته امبارح ولا انتي محتاجه اني
اعيده؟؟؟

ليلي: لا طبعا بس انت قولت هتفضل كام يوم وتسافر...
في الكام يوم دول انت جوزي ومش هطلب منك حاجه
غير ان احنا علي الاقل نتعامل بشكل متحضر وناكل مع
بعض

ادهم: ولازمتها ايه؟؟؟

ليلي: انا مبعرفش اكل لوحدي وعايظه اي حد يشاركني
وبعدين احنا مش اعداء ولا ايه؟؟؟

ادهم: لا مش اعداء بس ما تصعبيش الامور وتعقديها
ليلي قربت منه ووقفت قصاده وهو حاول يرجع لوري بس
كان وراه المطبخ

ليلي: اعقدها لمين؟؟؟ ليا ولا ليك؟؟؟

ادهم: تعقديها وخالص بعد اذنك
ولسه هيخرج

ليلي: اعتقد ان انا قلت ان احنا هناكل مع بعض؟؟؟
ادهم: وانا قلت خلينا بعيد احسن

ليلي: بقولك ايه انت جيت بلدنا وشقبت حياتي كلاها
ومره تقول بتحبني ومره تقول فارضه نفسي عليك مره
تطرمني ومره ترمي نفسك عليا علشان تحميني مره
ترعلني ومره تموت علشاني واتجوزتني ودلوقتي عايذ
تطلقني بس حاليا انا مراتك وليا حقوق عليك

(كل ده بتقوله ورا بعض بسرعه ومش بتاخذ نفسها وعلت صوتها) يبقي اقل حقوقي انك تتفضل تقعد وتاكل معايا فاهم ولا لأ؟

ادهم تنح ليها هو مش مستوعب ثلاث اربع الي قالته بس حس انه لو مشي ممكن تقتله او تحاول علي الاقل

ادهم: حاضر هاكل معاكي بس خدي نفسك

ليلي لاحظت انها كاتمه نفسها فعلا فاخذت نفس طويل

ليلي: كويس انك اتقيت شري

ادهم: والله انا خفت من رد فعلك لو قلت لا

بس انا عايز اقولك ان ده مش هيغير حاجه من وضعنا

ليلي: وانا مقولتش اني عايزه اغير وضعنا ولا ايه؟؟

اكلو مع بعض في قعده ماليها التوتر والترقب واغلبها كان

صمت

عدي اول يوم وتاني يوم ليلي محاولاتها مستمره وادهم

واقف قدامها ما بيستسلمش ولا بيحن وهيا بتخترع مليون

حجه وحجه تشغله بيها كل ما بتقرب هو يبعد

وكل شويه تلبس حاجه مجنونه اكثر ومره تعمل حاجه
 حلوه ومره تعمل نسكافيه وكل شويه تقربله بحجه
 شكل وهو بيشاركها بس وهو بعيد برضه

وبالليل بيسبها لوحدها ويخرج يمشي هو وكلبه لحد
 الفجر ويرجع ينام في اي مكان المهم بعيد عنها

هو كمان خايف يستسلم لها ومش عارف رد فعلها ده ايه؟
 هو مش فارق معاها واهو زي ما تيجي تيجي؟؟ ولا هيا بتحاول
 تغريه بس هيا ما بتحاولش تلمسه ابد؟؟؟ ولا هيا بتعمل
 ايه؟ وبما انه جديد في عالم الحب فمش عارف يعمل ايه
 ولا فاهم اي حاجه من اللي بتحصل ولا عارف حتي يتصرف
 ازاى؟؟؟

خلاص اخذ القرار انه ينهي بقي المسرحيه اللي شغاله
 بينهم دي

لازم يسافر بقي قبل ما يتورط اكثر وما يعرفش يبعد

راح يجهز شنتطته فليلي دخلت عليه

ليلي: انت بتعمل ايه؟

ادهم: انتي شايفه ايه؟

ليلي: بتجهز شنطتك ليه؟؟

ادهم: علشان كفايه كده بقي الكام يوم خلصوا

ليلي: ادهم انت بتتكلم بجد هتمشي؟؟

ادهم: وانت كنتي فاكراني بهزر؟؟؟؟

ليلي: انت بجد عايز تسبني؟؟

ادهم فكر

لا مش عايز اسيبك ابدًا ونفسي اغرق في حضنك وما

اخرجش منه ابدًا

بس طبعا كان رده غير كده

ادهم: انا سبق واتكلمت في الموضوع ده

دموعها نزلت بصمت

وقعدت علي السرير بصمت وبصت للارض تبكي بصمت

هو طبعا شاف دموعها ومش قادر يقاوم اكثر من كده لازم

يخرج بسرعه والا هيضعف

ادهم: انا ورايا مشوار هروحه وارجع اكمل شنطتي وامشي

سابها ومشي وهيا حست خلاص انها خسرتة بجد طب تعمل
ايه؟؟ ولو اترجته ممكن يفضل؟؟

مش عارفه تفكر

عدي وقت مش عارفه قد ايه فقامت تاخد شاور يمكن
تقدر تفكر احسن

اخذت الشاور وهيا يدوب خرجت من تحت الدش وقفت قدام
المرايه

حاسه انها شايفه واحده غريبه عنها

مش هيا دي صورتها

وفي لحظه غيظ خبطت كل حاجه قدامها

وقعت قرايز البرفان كسرتها والمرايه كسرتها وكل

حاجه بتطولها بتكسرها زي المجنونه

ووقفت تعيط ويدوب هتخطي داست علي القراز اتعورت في

رجلها

قعدت علي حرف البانيو تعيط وتعيط

بصت حوالها الارض كلها قزاز وهيا عريانه وحافيه كمان
ومعرفتش تعمل ايه؟؟؟ ورجلها بتنزف اكر واکتر
وبتوجعها اكر
فکملت عياطها



الحلقه الثانيه

ليالي بصت حوالها الارض كلها قزاز وهيا عريانه وحافيه
 كمان ومعرفتش تعمل ايه؟ ؟ ورجلها بتنزف اكر واکتر
 وبتوجعها اكر

فکملت عياطها فضلت مكانها شويه بردانه تعبانه
 موجوعه

ادهم خرج يتنفس بره ورجع بسرعه لانه عايز يمشي قبل
 ما يفكر ويضعف

لازم يضحي علشان حبيبته حتي ولو علي حساب سعادته
 هو

رجع البيت وطلع يكمل شنطته دخل اوضه النوم واستغرب
 انه ملقيش ليالي ولا لمحها تحت وهو بيقل شنطته سمع
 صوت عياطها في الحمام فضل واقف مكانه مش عارف
 يتجاهلها ولا علي الاقل يطمئن عليها

خبط علي الباب

ادهم: ليالي انتي كويسه؟؟؟

ليالي بعياط: وانت يهمك؟ ولا انا افرق معاك اصلا؟؟؟

امشي وروح وسيبني

ادهم سمعها بتعيط اكرت وبتتاوه

ادهم: طمنيني عليكي انتي كويسه؟

ليالي: قلتاك ملكش دعوه بيه

ادهم: وقلتي اني جوزك لحد ما امشي وانا لسه ما مشيتش

فردى عليا

ليالي بتعيط ومش بترد

ادهم: ليالي انا هدخل..... ليالي ردي هدخل

ليالي: _____ ::::

ادهم بيفتح الباب لقاء مقفول من جوه

ادهم: ليالي افتحي الباب

ليالي: _____:

ادهم: افتحي الباب يا اما هكسره

ليلي: اكسره لو تقدر انا مش هقدر افتحه

ادهم بدأ يخبط الباب بكثفه بس الباب جامد وجديد

ومتين

ادهم: ليلي افتحي الباب

ليلي: ماهو انا لو هقدر اقوم كنت فتحته من بدري

ادهم: ليلي ايه اللي حصل عندك وليه مش قادره تفتحي

الباب

ليلي: في قزاز في الارض وانا حافيه

ادهم: طيب استني هنادي لاي حد يكسر معايا الباب

ليلي: ادهم انا عريانه

ادهم سكت ووقف يفكر للحظه راح لبره وجاب مسدسه

وحط فيه كاتم للصوت

ادهم: ليلي انتي فين بالضبط؟

ليلي: قاعده علي حرف البانيو

ادهم: طيب ممكن تدخل جواه

ليالي: ليه؟

ادهم: مش وقت ليه ادخلي واسمعي الكلام

دخلت ليالي وقالتله خلاص

ادهم بمسدسه كسر الباب برصاصتين وخبطه برجله وقع

الباب كله

ادهم دخل لقي كل حاجه متكسره القزايز والمرايات

كل حاجه ينفع تتكسر مكسوره

ادهم: ايه اللي حصل هنا؟

ليالي: حصل اللي حصل

لمح ادهم الدم في الارض

ادهم: ايه الدم ده انتي اتعورتى؟؟؟

جري ناحيتها ليالي كانت قاعده وضامه ركبها بايديها

فجسمها متغطي

ادهم: متعوره فين وريني

ليالي: رجلي..... لا متلمسهاش استني

ادهم: استني ايه؟

ليالي: انا عريانه

وقف شويه مش مستوعب يعني ايه وهيا قصدها ايه؟

ادهم: ايوه يعني ايه؟

ليالي: يعني عايزه حاجه اغطي نفسي بيها

ادهم: اه لحظه

جاب اقرب فوطه قابله في وشه وعطاها

ليالي: ادهم دي صغيره قوي

ادهم: ليالي انجزي وريني رجلك

ساعدتها تقف وقعدتها علي حرف البانيو

مسك الدش وفتحته وغسل رجلها براحه

جاب عليه السعافات وضمد لها الجرح

كان منتهي الرقه والحنيه وكان متأثر جدا بالمها وهيا

عماله تبصله وتقول لنفسها استحاله يكون مبيحبهاش

كل حاجه فيه بتنطق نيابه عنه انه بيعشقها

فكرت ممكن تكون دي اللحظة المناسبه

ادهم خلص وبصلها

ادهم: الجرح مش كبير قوي هيلم علي طول ما تقلقش

ليالي: بس بيوجع قوي،، رجالي كلاها بتوجعني

ادهم: معاش.. استحملي.. قرص مسكن وهتبقي اخر تمام

ليالي: انا بردانه

ادهم: تعالي ادفي علي السرير

قرب منها ووطي عليها وشالها وهيا اديها اتلفت حوالين
رقبته ضمته قوي وخبت وشها في رقبته نفسها كان في
رقبته جننه

كل اجراس الانذار ضربت

حطها علي السرير براحه وهيا فضلت ماسكه رقبته جامد

حاول يرفع دماغه علشان يبعد مقدرش

ادهم مسك ايديها علشان يفكهم من حوالين رقبته

ادهم: ليالي ارجوكي

ليلي اخدت نفس طويل قوي

ليلي: انت اللي ارجوك استني اشبع من رحيتك شويه)
 حطت ايديها علي وشه) احفر تفاصيلك جوايا.... عايزه
 اشبع منك قبل ما تسبيني..... ينفع تخليني اشبع منك
 قبل ما تمشي ينفع

ادهم مش عارف يرد ولا يفكر ولا يتكلم انفسها القريبه
 نظرتها المليانه رغبه وحب حركات ايديها شعرها المبالول
 جسمها اللي شبه عريان واهم من كل ده حبه هو ليها

لازم يبعد والا مش هيبعد تاني ابدأ
 حاول يبعد مسك ايديها وبعدهم عنه ووقف

هيا مسكت ايده واتقابلت العيون في نظره طويله ابلغ من
 اي كلام

هنا ادهم انهارت كل مقاومته ولقي نفسه فجأه بينقض علي
 ليلي بقسوه ناعمه بحنيه عنيفه
 كل ذره في كيانه محتاجه لليلي

واخيرا التقى الحبيبان في الجنة عاشوا لحظات او دقائق
او يمكن تكون ساعات وهما غرقانين في بحر الشوق
اخيرا بقوا مع بعض من غير قيود من غير تفكير في
بكره كل المهم انهم مع بعض وبس

اخيرا ليالي بقت مراته شرعا وعرفا وبكل المعاني بقت
مراته

ليالي نايمه علي صدره وبتلعب بايديها

ادهم: ليالي ارجوكي كفايه

ليالي بدلع: كفايه ايه؟

ادهم مسك ايدها ثبتها علي صدره

ادهم: كفايه دي

ليالي: ودي مضايقاك في ايه؟

ادهم: مش حكايه مضايقاني حكايه ان انتي مش

هتقدري تتحملي النتيجة

ليالي: مين قال اني مش هقدر انا اقدر اتحمل اي حاجه

اتعدلت وسندت عليه وبصلته وهيا فوقه

ليلي: بطل تحكم نيابه عني وتاخذ قرارات تخصني نيابه
عني فاهم

ادهم سكت وغمض عليه

ليلي: ادهم متفكرش كثير وتتعب نفسك

ادهم: وبعدين اللي حصل بينا دلوقتي كان

قاطعته: اوعي تقول كان غلط... اللي حصل ده كان
المفروض يحصل يوم فرحنا بس بدال ما تعيشني ملاكه
قتلتني

ادهم: انا اسف بس مكنش بايدي

ليلي نامت علي صدره

ليلي: امال بايد مين؟؟ انت اللي جرحتني وبايدك انت

ادهم: حقك عليا ده مش هيحصل تاني ابدًا

قام قعد وقعدها معاه

ادهم: اوعدك اني مش هسمح لاي حد يتدخل بينا تاني

ايه رايك؟ ومش هخبي عنك حاجه تاني مهما كانت

ليلي: وانا كمان اوعدك اني مش هسمح لاي حد يدخل
بيننا اتفقنا ولا اخبي عنك اي حاجه مهما كانت

ادهم: اتفقنا

ليلي: ممكن اطلب منك طلب؟

ادهم: شاعوري احلامك اوامر

ابتسمت: تعال انا وانت نركب العربيه ونروح اي مكان
دلوقتي

ادهم: وابوكي

ليلي: انت لسه واعدني

ادهم: وعدتك ان محدش يدخل بيننا اه لكن وعدته هو
كمان اني مش هاخدك وهسافر

ليلي: ايوه وعدته اني مش هروح معاك القاهره لكن ما
وعدتوش ان احنا نروح شهر عسل

ادهم ابتسم

ادهم: يالا بينا

قام وقف ويدوب هيخطي

ليلي: سيادتک مش ناسي حاجه؟؟؟

بصلها: ايه؟؟؟

ليلي: انا شيلني وهاتلي حاجه الاول اتغطي بيها الاول

بص حواليه لقي الفوطه الصغيره

ليلي: ما تفكرش تديها لي ثاني

ادهم: عندك حق ملهاش لازمه (وراح شايها زي ما هيا)
انت لي جبتيه لنفسك

نسيبهم مع بعض بقي عرسان

مكاوي الكتب

جهزوا وركبوا العربيه واتحركوا

ليلي: هتوديني فين؟؟؟

ادهم: انتي عايزه تروحي فين؟

ليلي: اي مكان فيه بحر انت وذوقك بقي

ادهم: فيه الساحل او شرم اختاري

ليالي: شرم بس انت قلت ان بعد الفرح هتبقى مفلس
 ادهم: مش لدرجه اني معرفش اخليكي تقضي شهر العسل
 ما تعلقيش وبعدين هيا الفلوس لازمته ايه لو مش
 هتبسطنا

ليالي: علي فكره صح بابا حطلي فلوس المهر باسمي في
 البنك انا ممكن اسحبهم و
 ادهم: وايه؟؟؟ ترجعيهملي؟؟؟

ليالي: مثلاً

ادهم: انتي عبيطه ولا هبله فلوس ايه اللي ترجعيها دي
 مهرك انا هزودهملك مش اخدهم
 فضل سايق فتره طويله وقعدوا في استراحتة شويه... ليالي
 فعلاً بقت عروسه وادهم بقي عريس ورايحين يقضوا شهر
 العسل طول الطريق هزار وضحك زي اي اتنين بيحبوا بعض
 ووعدو لبكره ليالي نامت اخيراً وهو كل شويه يبصلها
 علشان يصدق انها فعلاً جنبه ومعاه
 وهو سايق تليفونه رن واول ما رد

عم محمود بصوت مجنون: بنتي فين؟

ادهم: اهدي بس ووطي صوتك

عم محمود: اهدي؟؟؟ اهدي ازاي؟ انت عملت ايه في بنتي

انطق بنتي فين؟

ادهم: حضرتك ممكن بس توطي صوتك شويه علشان

اعرف اتكلم مع حضرتك

عم محمود: اوطي صوتي؟؟ ده انا لو شفتك هقتلك علي

اللي انت عملته في بنتي

ادهم: ايه اللي عملته في بنتك هاه؟؟؟

عم محمود: ايه اللي عملته؟ انت بتسأل؟ اغتصبتهأ صح؟

ادهم اتفاجئ جدا بكلام عم محمود

ادهم: ايه اغتصبتهأ؟؟؟؟ ايه اللي انت بتقوله ده؟؟؟

عم محمود: حاولت تنام معاها وهيا رفضت ومسكتها

بالعافيه وجريت منك ودخلت الحمام وقفلت علي نفسها

وطبعا ده جنك صح؟ رحت زي المجنون خلعت الباب من

مكانه ودخلت عليها كسرت الدنيا كلها وعورتها او هيا
 اتعورت من جنونك ده ورحت شايلها وطلعت بيها علي
 السرير واغتصبته والدليل دمها اللي في الحمام واللي في
 الفوطه جنب السرير

اخذت شرفها واغتصبته كل ده ليه هاه؟

اتجرحت لما رفضتك ولا ايه؟؟؟ لاخر مره هسالك بنتي
 فين؟

ادهم مصعوق من اللي بيسمعه للدرجه دي هو شايفه وحش
 بالطريقه دي؟؟؟

للدرجه دي معندوش اي ثقه فيه نهائي
 عم محمود: رد عليا بنتي فين؟

ادهم: بما انك اصدرت حكمك عليا اني وحش ومش
 ناوي تغير الفكره دي يبقي بنتك زي ما انت قلت
 اغتصبته ولما هددتني انها هتسبني الامور خرجت عن
 سيطرتي وقتلتها ورايح ادفنها ايه رأيك؟؟؟

قال جملته وقفل السكه وقفل تليفونه خالص

الحلقه الثالثه

ادهم قال لعم محمود انه قتل ليلى وقفل السكه وقفل
تليظونه

وقف علي جنب ونزل بره العربيه كان حاسس انه مخنوق
وان العربيه بتضيق عليه فنزل يشم هوا

مش عارف يعمل ايه لحماه علشان يثبتله انه بيحب بنته
وانه كل همه سعادتها

ليلى صحيت لما العربيه وقفت واستغربت انهم واقفين
وادهم مش جنبها

اتلفتت حواليتها ولقيته بره قاعد علي الرصيف وحاطط
راسه بين ركبته

نزلت وراحتله قعدت جنبه

حست ان في حاجه مضايقه

ليلى: حبيب قلبي في ايه مالك؟ ايه اللي مضايك
كده؟

ادهم: متشغليش بالك انتي

ليلي: ولو مش هشغل بالي بيك اشغله بمين؟؟ وبعدين هو
 احنا مش لسه واعدين بعض ان احنا ما نسمحش لحد يدخل
 بينا ولا نخبي حاجه عن بعض ايه رجعت في وعدك ولا
 ايه؟

ادهم: لا ما رجعتش بس حاليا مش عايز اتكلم

ليلي راحت قدامه ونكست علي ركبها بين رجليه وقربت
 قوي ومسكت وشه بايديه

ليلي: طول ما انا جنبك مش عايزه اشوفك كده مهموم
 او حزين او مخنوق بالشكل ده انا جنبك يبقي ما
 تبعدنيش عنك

ادهم: انا مش ببعدك

ليلي: امال انت بتعمل ايه؟ لما همومك تحتفظ بيها
 لنفسك يبقي ده ايه؟

ادهم: اتخانقت مع ابوكي

ليلي: ابويا تاني؟؟؟ احنا مش قلنا محدش يدخل بينا؟؟؟

ادهم: اتصل بيسالني انتي فين؟

ليلي: وايه اللي يضايق في كده اكيد لازم يتصل؟؟؟؟

ادهم: هو ما سألش بس هو بيتهمني اني اتحولت لوحش

كسر عليك باب الحمام وكسرت الدنيا كلها

وجرجرتك من شعرك واغتصبتك

ليلي: ايه اغتصبتني؟؟؟؟ وتغتصبي ليه ماهو عارف ان انا

بحبك وهسلمك نفسي طول ما انا بحبك

ادهم: فوقتي لنفسك

ليلي: وبعدين قولتله ايه؟؟؟

ادهم ابتسم وسكت

ليلي: ادهم انت قلتله ايه بالضبط؟؟؟؟

ادهم: قولتله فعلا اني اغتصبتك وانت هددتيني انك

هتسيبيني فقتلتك وحاليا رايح اخبي جثتك

ليلي فتحت بوقها وتنحت: قولتله ايه؟؟؟ انت اتجننت

صح؟؟؟

ادهم: جنون بجنون بقي؟؟ كان المفروض اقوله ايه؟ هو ما
 ادانيش فرصه اصلا اتكلم هو كان بيوجه اتهامات
 وبس.... ليلى ابوكي شايفني وحش عارفه يعني ايه
 وحش... مش قادر يحس ولو لحظه اني بحبك

ليلى: معلىش انت عارف انه هياخد وقت لحد ما يتقبلك

ادهم: يعني المفروض اعمل ايه هاه؟؟؟

ليلى: تعمل اللي انت قلت هتعمله تحاول توريه قد ايه انت
 بتحبني مش تقوله قتلتني

هو شاف بابا الحمام مكسوز والقزاز في كل حته والدم
 اتجنن عايزه يعمل ايه؟

ادهم: يتهمني اني اغتصبتك؟؟؟

ليلى: معلىش حقك عليا انا بس علشان خاطري انا استحملة
 شويه علشاني انا

ادهم: علشانك انتي مستعد لاي شئ

ليلى: وده اللي عايزاه منك ممكن بقي تديني تليفونك
 علشان انا مجبتش موبيلي

ادهم عطاها تليفونه واول ما رنت رد

عم محمود: والله لقتلك انت فاهم

ادهم سمع صوته العالي من بعيد وضحك بسخريه

ليالي: ممكن تهدي شويه

عم محمود: ليالي انتي فين هاه؟ عمل فيكي ايه المجنون

ده؟ ردي عليا انتي فين وانا هجيك اجيبك

ليالي: اولاً انا كويسه جدا

ثانيا ادهم معملش معايا اي حاجه

قاطعها ابوها: الدم في الحمام وجنب السرير وتقوليلي

معملش حاجه انتي بتحبيه ليه؟؟ خايفه منه ليه؟؟

ليالي: انا مش خايفه منه انا بحبه لاعمرى خفت منه ولا

عمرى هخاف

الحمام أنا اللي كسرت الدنيا لما قالي انه خلاص هيسيبني

ويسافر مكنتش عارفه اوقفه ازاي او اقوله ايه؟ ولا قدرت

اغريه مع اني عملت كل اللي اقدر عليه بس انت كنت

مبرمجه انه لازم يبعد

كسرت الدنيا واتعورت ومعرفتش اخرج لحد ما ادهم رجع
وكسر الباب علشان يعرف يطلعني من الحمام

اما بقي الدم في السرير ده نتيجته حب مش اغتصاب فاهم
وادهم كان حنين جدا ورقيق جدا معايا فاهمني ولا لا؟؟؟
ادهم بيحبني وعمل زي اي راجل ما بيعمل مع مراته

وبعدين انا فضلت اغريه لحد ما قرب مني

وحاليا احنا رايعين نقضي شهر العسل

فياريت تكون مبسوط علشاني لاني حاليا في قمه سعادتي
وقبل ما اقبل احب اقولك اني مش هخليه يفتح التليفون
تاني هكلمك كل كام يوم سلام

عم محمود: ليالي استني

ليالي قضت المكالمه وقضت التليفون وادته لادهم

ليالي: ممكن بقي تخليه مقفول وتقوم توديني لشرم زي ما
قلتلي ونبدا بقي شهر العسل ولا ايه؟؟؟

ادهم: يالا بينا

بدا شهر عسلهم نزلوا في قريه في شرم وشكلها كان فخم
جدا

ليلي: ادهم شكلها غالي قوي

ادهم: مفيش حاجه تغلي عليكى يا قمر وبعدين هو احنا
هنقضى كام شهر عسل هاه؟؟

اجمل حاجه عجبته في المكان ان كل واحد في حاله
واغلبيه النزلاء في الفندق اجانب فمبيد ققوش علي حد او
شكل حد

ادهم محسس ابدا انه مشوه او حد شاور عليه او حد يببصله
بطريقه غريبه

ليلي كمان جوزها كان بيتعاكس منها لدرجه ان في
بنات طلبوا انهم يشاركوها فيه وردحتلهم

ادهم: اول مره اعرف انك بتعرفي تردحي كده

ليلي: امال عايزني اسكتلهم ولا ايه دول قلايل الادب

ادهم: طب خلاص اهدي بقي وسيبك منهم

الايام كانت جميله وحلوه وبتجري بسرعه

استأذن من ليالي يخلص شغله بسرعه ويرجعها ويعوضها عن
الوقت اللي قضاه بره

رجع ادهم اخر اليوم بالليل ودخل اوضته بس مالقاش ليالي
خرج دورعلي البسين وعلي الشط ملقهاش راح المطعم
برضه مفيش

سال الاستقبال عليها قالوا انها مخرجتش بره الفندق
دور عليها في كل حته ملقهاش ما فاضلش غير الديسكو
بس هو مستعبد انها تروح تسهر هناك لوحدها
دخل الديسكو واول ما دخل شافها
علي المسرح واقفه ومتحزمه وبترقص والكل بيسقف
وواقفين حوالها

رجاله كتير حوالها

مش مستوعب اللي هو شايفه

راحها وقف قدامها وهيا واقفت قدامه بتضحك

ليالي: تعال ارقص معايا

مردش عليها فك الحزام من علي وسطها وبيشدها ينزلها

واحد: سييها ترقص

ادهم: ابعده من قدامي حاليا لان انا عفاريت الدنيا كلها

بتتنطط قدامي ابعده

الراجل بعده ماكان ناوي يتخانق شي جواه خوفه من ادهم

وحس انه مش من النوع اللي بيتكلم بس

ادهم اخذ ليالي علي اوضتهم وهيا كذا مره كانت بتقع

وهو بيشدها راح شايلها علي كتفه

دخلوا الاوضه ونزلها علي السرير بصلها لقاها مغمضه

عنيها

ادهم: انتي ملحقتيش تنامي فمتستعبطيش

ليالي: _____

ادهم: ليالي

ليالي: _____

ادهم خاف للحظه يكون جرالها حاجه قرب منها وحاول

يفوقها

ليالي: يوووو سييبي بقي

ادهم شم ريحه بوقها فهم

ادهم: سيادتک سکرانه

غيرلها هدومها وقعد جنبها

تاني يوم الصبح صحيت فضلت تتلفت حواليا لحد ما شافت

ادهم في البلكونه واقف سرحان حاولت تقوم بس ما

قدرتش

ليالي: اه دماغي.... ادهم

ادهم حس بيها بس طنشها

ليالي: ادهم انا مش بنادي عليك

ادهم: عايزه ايه؟؟؟

ليالي: انت بتكلمني كده ليه؟؟؟

ادهم: سيادتک عايزاني اكلک ازي؟؟؟

وقف يكلما هو مشبک ايديه علي صدره

ليالي: مالک في ايه؟؟

ادهم: سيادتک مش عارفه في ايه؟؟ اه صح ماهو سيادتک
کنت سکرانه هتعرفي في ايه ازاي؟؟

ليلي: هو کاس واحد کنت عايزه اجرب

ادهم: عايزه تجربتي تجريبي وانا موجود معاكي مش انتي
لوحدهک انتي مجنونه افرضنا حد عمل فيکي حاجه ولا
اي حد استغل انک سکرانه کنتي هتعملي ايه هاه؟؟

ليلي: مش للدرجه دي؟ اکيد مش هعمل حاجه غلط

ادهم: اه وايه اللي اکده؟؟ اول مره تشربي ومتعرفيش رد
فعل جسمک هيبيقي ايه

وبعدین الاکيد بتاعک ده خلاکي امبارح کنتي علي
المسرح متحزمه وبترقصي وکل الرجاله حوالیکي
بیرقصوا معاکی ولو اتاخرت شويه مش بعيد کنت
اجيبک من اوضه واحد فيهم

ليلي: انت بتقول ايه؟

ادهم: بقول اللي حصل امبارح

ليلي: استحالته انت اكيد بتضحك عليا علشان تبينلي اني
غلطانه خلاص مش هعملها تاني

ادهم: لا والنبي اعملها!!! ابقى اطلعي اسالي الجرسونات
بره وهما يقولولك ولا علي ايه مش بعيد تلاقي صورك
ورقصك نزل علي الفيس ولا اليوتيوب

ليلي: انت اللي غلطان؟؟

ادهم: أ. انا اللي غلطان؟؟؟؟

ليلي: انت موافقتش

ادهم: ولما انا موافقتش بتعملي ليه حاجه مش موافق عليها
وبعدين لما الموضوع مهم قوي كده كنت هخليكي
تجربي بس مش بالطريقه دي بعد اذنك

ادهم سابها ومشى وهيا مش مصدقه انها ممكن فعلا تكون
عملت كده وفعلا سالت العمال قالو انها فعلا رقصت وكذا
حد من الرجاله حاول يكلمها

حاولت طول النهار تصالح جوزها اللي كان هيتجن منها بس
هيحاسبها علي حاجه عملتها مش في وعيها

كل ما تكلمه يرفض يسمعها لحد اخر الليل

ليلي: ادهم علشاني خاطري بقي كفايه كان عندي
فضول اجرب وانت قلت لا

ادهم: لو كنت عارف ان الموضوع مهم قوي كنت
هخليكي تجريبي بس هنا في اوضتنا وانتي معايا يبقي
حتي لو سكرتي مفيش حاجه غلط تحصل مش تسكري
وانتي لو حدك وسط رجاله محدش فيهم هيتردد لحظه
ياخدك اوضته فكري للحظه لو ده حصل كنتي هتعملي
ايه؟؟ لو صحيتي لقيتي نفسك نايمه في حضن واحد
غريب حتي متعرفيش اسم؟؟ كنتي هتعملي ايه؟؟
والمفروض ساعتها انا اعمل ايه؟؟ انا دماغي هتجنن من
كثر التفكير لو ده حصل اعمل ايه؟؟

ليلي: والحمد لله محصلش

ادهم: ولو حصل؟؟؟؟

ليلي: محصلش ومش عايزه افكر في حاجه محصلتش لاني
خلاص استوعبت الدرس وعرفت غلطتي فين انا اسفه

وهفضل اتاسفلك لحد ما ترضي خلاص بقي ما تزعلش مني
حقك عليا

ادهم: تصبحي علي خير عايز انا
سابها ادهم ومرضيش يسامحها ونام

صحي تاني يوم لقي نفسه في شقته في القاهره لوحده مش
فاهم هو ايه اللي جابه هنا وليلي فين؟ تليفونه بيرن ويرن
ادهم: الو ايوه؟

المدير: ايوه يا ادهم تعال بسرعه عايزك في مهمه بسرعه

الحلقة الرابعة

صحي ثاني يوم لقي نفسه في شقته في القاهرة لوحده مش فاهم هو ايه اللي جابه هنا وليلي فين؟ تليفونه بيرن ويرن

ادهم: الو ايوه؟

المدير: ايوه يا ادهم تعال بسرعه عايزك في مهمه بسرعه

ادهم: ربع ساعه واكون عندك قام من سريره كل حاجه في مكانها مش فاهم اي شئ ليالي فين واياه اللي بيحصل؟؟؟؟

لبس هدومه ونزل راح شغله

المدير: اتفضل يا سيادة المقدم

ادهم: أوامرني

المدير: الامر لله وحده يا ابني. عايزك في مهمه جديده

ادهم: حدد الزمان والمكان والمطلوب مني

المدير: مش تسأل الاول طبيعه المهمه ايه؟ مش يمكن ما
تعجبكش؟؟

ادهم: وانا من امتي بتفرق معايا طبيعه المهمه؟ مهما كانت
موافق عليها

المدير: شوف يا سيدي. في بلد صغيره بعيدة شويتين
وهاديه جدا بس المشكله ان في عصابه جديده استولت
علي البلد

ايه ده؟؟؟ ايه اللي بيحصل ده؟؟ هو الزمان بيتعاد تاني ولا
ايه؟؟؟

المدير: سياده المقدم حضرتك سامعني ولا ايه؟

ادهم: ايوه سامع بس حضرتك كلفتني بالمهمه دي قبل
كده؟

المدير: يعني ايه كافتك بيها قبل كده؟؟ ركز معايا

ادهم: وطبعا البوليس مش عارف مكانهم هما بينزلوا
 يضربو ضربتهم ويختفون تماما. ده غير انهم مسلحين
 ومحدثش بيعرف هيهجمو امتي

المدير: فعلا انت مين قالك وعرفت ازاي؟؟

ادهم: متشغلش بال حضرتك انا تقريبا عارف كل حاجه
 عن المهمه دي واوعدك اني مش هخب ظنك

كل الكلام بيتعاد تاني

خرج من عند مديره مش فاهم حاجه

راكب عربيته بص لا يده دبلته مش في ايده

معقول معقول كل اللي فات ده كان حلم

هو لسه هيروح البلد

ليالي حلم؟؟ حبها حلم؟؟ جوازه منها حلم؟؟

ايوه طبعا لازم يكون حلم هو كان نفسه يبقي حقيقه

نسي انه مشوه مسخ عمر ما في واحده جميله زي ليالي اللي

في خياله ممكن تحبه؟؟

كان نفسه يعيش زي اي بني ادم ولما معرفش يعيش في
الحقيقة عاش في عالم الاحلام

وصل البلد ونزل لقاهم مستنينه وفضل يتلصت حواليه يدور
علي حبيبه احلامه بس ملقهاش

نفس الكلام نفس النقد فيه كل حاجه زي ماهيا بس
فين ليالي

اوعي تكون مش موجوده

قاعد مش مركز بيفكر هيعمل ايه لو ليالي بالذات ملهاش
وجود؟؟؟

هيفضل عمره كله لوحده من غير حب؟؟؟

لا لا اهي ظهرت اهي

قلبه بيدق بسرعه حاسس انه عايز يقوم من مكانه
ياخدها في حضنه

مش عارف يتصرف او يتكلم او حتي يتنفس

بصت ناحيته وعادي مجتش ولا كلمته

تاني يوم الصبح مستنيها تيجي تخبط وتقوله يفطر بس
مجتش

كل يوم بيستناها بيقعد فوق الكرفان علشان يشوفها
رايحه شغلها

كل يوم بيستناها تكلمه بس ما بتكلموش

مش عارف يعمل ايه طيب يروح هو يكلمها؟

يتصرف ازاي؟؟؟

ازاي يخليها تحبه؟؟؟ وهيا ممكن تبص لواحد زيه ازاي؟؟؟

قرر انه لازم يكلمها لازم يعمل المستحيل علشان يوصلها

استناها اخر النهار وهيا خارجه من شغلها

ادهم: سلام عليكم

ليلي: وعليكم السلام افندم حضرتك عايز تسالني في

حاجه؟؟؟

ادهم: مش عارف يقول ايه؟ كل اللي بيضكر فيه شفايفها

وهيا بتتكلم... امبارح بس كانت في حضنه شفايفها

كانت من حقه دلوقتي ازاي يقف قدامها متكف

كده؟؟؟

ليالي: حضرتك عايز حاجه؟؟

ادهم: كنت عايز اسالك عن العصابه؟ هو انتي تقدر

تديني اي معلومات تفيدني او اي خيط امشي وراه

ليالي: اعتقد اللي يفيدك اكثر اي بنت من اللي اتعرضوا

للاغتصاب لكن انا مش هفيدك كتير

ليالي قربت منه ومسكت ايده

ليالي: اتمني بجد انك تقدر تعمل فرق في بلدنا وتخلصنا

من الكابوس ده

ادهم قلبه هيقف من مسكه ايديها

مش عارف يرد دماغه هتنفجر من التفكير

بس امل جديد انها مش خايفه منه... مسكت ايده يبغي

يمكن تحبه

بيقنع نفسه باي امل لازم يكون في امل؟؟؟

بتعدي الايام وكل حاجه بتتعاد بس من غير قصه الحب
ومن غير مصادماته وحناقاته مع ابوها بالعكس كان
راجل محترم جدا متفهم جدا بيتكلم مع ادهم بمنتهي
الاحترام

موقف الولد الصغير حصل

حادثه ليالي حصلت

بس المره دي كان تقدير اهل ليالي لا يوصف

كانو شايلين ادهم علي راسهم

واهل البلد كلهم بيحبوه جدا

لا هو مش عايز حب اهل البلد هو عايز ليالي وبس

حمدي كان موجود وكان خطيب ليالي

ادهم كان بيحاول يثبت انه له علاقه بالعصابه بس

معرفش يمكن لانه ملوش علاقه بالعصابه

ليالي مبسوطه مع خطيبها

واخيرا جت المواجهه الاخيره والعصابه هجمت وفعلا

مسكوا ليالي

في حامله هو اللي اضرب مش هيا

جري عليها وشالها من الارض حاطط ايده علي بطنها
بيحاول يوقف النزيف بس النزيف اكثر من انه يقدر
يوقفه

عمال يصرخ حد يطلب الاسعاف

ادهم: ليالي ارجوڪي ارجوڪي اوعى تموتي علشان خاطري
انا ارجوڪي

لیلی: انت عملت الی علیک متزعش علیا
ادهم: لا ارجوکی خلیکی معایا ارجوکی

ليلي: ب تت كلمه كاني حبي ب تك يا بختها حبيب
تك

ادهم: انتي فعلا حبيبتي انتي وبس... حبيبتي في
احلامي... واتمنى لك حقيقة ارجو كي

ليلي: ابتسمت

وقلبها وقف بين ايديه

خلاص حياته انتهت... اي امل انتهي

قام زي المجنون للزعيم يضرب فيه ويضرب عايز
يقتله

اخيرا شد الغطا من علي وشه واتفاجئ ان زعيم العصابة هو
ابوه

ادهم رجع لورا خايف مخضوض

ادهم: انت؟؟؟

ابوه: ايوه انا امل كنت فاكّر مين؟؟؟

ادهم: وقتلتها ليه؟؟؟

ابوه: علشان اوجعك





ادهم: لأ لأ لأ

::حبيبي اصحي مالك في ايه؟

ادهم: لأ ارجوك لأ لأ

:::ادهم حبيبي اصحي مالك ادهم

صحي ادهم زي المجنون بينهج وبيتلفت حواليه

ليلي: مالك اهدي ده مجرد كابوس

ليلي قدامه اهي ماسكه وشه بايديها

ادهم مش فاهم هو دلوقتي بيحلم ولا اللي فات حلم؟؟ فين

الحلم وفين الحقيقته؟؟

بس مش مهم المهم ان حاليا ليلى بين ايديه

ادهم: انتي كويسه فيكي اي حاجه هاه؟؟ بطنك وريني

بطنك

ليلى: ادهم انا كويسه

ادهم بصوت عالي: وريني بطنك

رفعت قميص نومها ورتة بطنها

ليلي: اهي

ادهم: حظ ايدة علي بطنها مفيش دم

ادهم: مفيش دم انتي كويسه صح انتي كويسه؟؟

فضل يردد انتي كويسه وهو واخدها في حضنه وبيبوس

في كل حته في وشها

زي ما يكون خايف انه يطلع بيحلم فيالحق يشبع منها قبل

ما تختفي تاني

اخيرا بدا يهدي الكابوس انتهي

ليلي: ادهم مالك؟

ادهم: هو انا صاحي دلوقتي ولا نايم وبحلم انك مراتي

وانك حاليا في حضني؟؟؟

ليلي: انا اهو في حضنك؟؟؟ اللي فات كان كابوس يا

حبيبي حاول بقي ترتاح شويه

كل ده علشان زعلتني

ادهم: انا مقدرش ازعلك اصلا

ليلي: انا بحبك قوي

اخذت راسه علي صدرها وضمته جامد قوي

ليلي: ودلوقتي نام في حضني واهدي واوعي تخاف انا

جنبك وعمرک ما هتخسرني ما تخافش ابدا

حاول ادهم ما ينامش لانه خايف يصحي ما يلاقيش ليلي

جنبه او تتطلع وهم بس النوم غلبه ونام

صحي من نومه وملاش ليلي جنبه

ادهم: ليلي — ليلي

طلعت ليلي من الحمام

ليلي: انا اهو مالک صوتک عالي كده ليه؟

اول ما شافها اخذ نفس بصوت عالي ونام تاني علي السرير

لما اظمن انها موجوده وانه مش حلم

ليلي جت جنبه

ليلي: مالک في ايه؟ نفس الكابوس تاني؟

ادهم: متشغليش بالک المهم انک جنبي وانک بخير

_____ اصلا الكابوس ده ما بيفارقنيش بس المره دي

باضافات جديده المهم ما علينا سيبك من الموضوع ده
قومي نفطر ونخرج مش جعانه؟؟

ليلي: جعانه طبعا بس مش للاكل

ادهم ضحك وهيا ونسيبهم مع بعض

خرجوا وفطروا بس ادهم كان مختلف بيضحك كثير
منطلق كده

ليلي: احكيالي بقي

ادهم: احكيك ايه؟

ليلي: الكابوس ولا ده كان حجه بس علشان تشوف بطني

ادهم ضحك بصوته كله ودي كانت اول مره ليلي تشوفه
بيضحك كده او يمكن تكون دي اول مره ادهم

يضحك كده

ادهم: اول انا مش محتاج اتحجج وبعدين انا لو هتحجج

علشان اشوف حاجه مش هتبقي بطنك يا هطلع لفوق

شويه يا هنزل لتحت شويه مش هاجي في النص كده

ليلي: ايه اللي انت بتقوله ده انت قليل الادب علي فكره

كانت بتتكلم بهزار طبعا

ادهم: وان مكنتش هقل ادبي معاكي هقله مع مين هاه؟ لو

مضايقه انا ممكن اقل ادبي مع واحدة تانيه عادي يعني

ليلي: ن____. ده انا اقتلك بص بس لواحد تانيه

وشوف انا هعمل فيك وفيها ايه

ادهم: لا يا قمر انا اصلا مكتفي بالقمر اللي معايا ما

تقلقيش

ليلي: المهم بقي احكي لي

ادهم: احكيك ايه؟

ليلي: تاني هنعيد تاني

ادهم: سيبك انتي المهم اكلتي خلاص؟ تعالي تمشي

شويه

خرجوا بيتمشوا وادهم واخدها في حضنه ومنطلق جدا

ومختلف جدا

كان الاول بيهتم بالناس وشكله ايه وما ينفعش ياخدها

في حضنه او يقرب منها لكن دلوقتي بيعمل كل ده

ليلي: انت النهارده مختلف

ادهم: مختلف للاسوأ ولا الاحسن؟؟

ليلي: للاحسن طبعاً،،،، حساك كده مشراب

ادهم: مش ايه؟

ليلي: ههههههه قصدي منفتح منطلق كده يعني

ادهم: امممم شوفي يا ستي الحكاياه ومافيها ان الحياه
اقصر من ان الواحد يعمل حساب لكل واحد او انه ميعش
كل لحظه بلحظتها

بس فانا قررت اعيش كل لحظه معاكي استمتع بيها
ليلي: والقرار ده بعد كابوس امبارح،،،، مش هتقولي بقي
الكابوس ده كان ايه؟

ادهم: انتي ليه شاغله بالك بالموضوع ده؟

سيبك بقي وبعدين ايه الفضول ده كله؟ حلم وخالص

ليلي: ماشي يا ادهم

طول اليوم وليلي كل شويه تسأله وهو برضه مش عايز

يقولها

مش عايز يفتكر الحلم او اي حاجه فيه بس هيا فاكـره
انه بيرخم عليها وخلاص

اخر الليل وهما مع بعض في السرير فجأه ليلي حطت ايديها
علي شفايف ادهم تمنعه يبوسها

ادهم: في ايه مالك؟

ليلي: عايزه اعرف حلمت بايه؟

ادهم: تاني انتي ما بتمليش؟

ليلي بعدت عنه شويه

ليلي: انت مش عايز تقولي ليه يعني؟

ادهم: هو ده اصلا وقته يعني؟

ليلي سككت وما ردتش

ادهم: ولا انتي قصدك يعني اني مش هنام معاكـي غير

لما تعرفي؟؟؟ اممم

قام ادهم وقف وبيلبس هدومه وده جنن ليلي لانها

متخيلتش رد فعله ده ابدًا

ليلي: انت رايع فين؟

ادهم: رايع مطرح ما رايع نامي انتي

ليلي: ادهم ادهم

مردش عليها وسابلها الاوضه كلاها وخرج يمشي علي
البحر

ساعات بيحس بحب ليلي وساعات بيحس انه مجرد تجربه
جديده بالنسبالها او حاجه بتتسلي بيها وبكره تزهدق
ساعات كتير بيحس انها ما بتفهموش او ما بتحسش بيه
ليلي في الاوضه رايعه جايه بتفكر تروحله ولا تطنشه...
هيا عايزه تعرف كل حاجه تخصه الصغيره قبل الكبيره
مش جريمه يعني

"لا بس انا غلطانه اني بساومه علي النوم معايا زودتها شويه
ايوه حقه انه ينام معايا وقت ما بيحب ما ينفعش احطله
شروط"

راحت ليلي تدور عليه لحد ما شافته قاعد علي الشط

ليلي: بقي القعده لوحدك احلي من القعده معايا؟؟؟؟

ادهم: _____

ليالي: فاكّر لما كنا بنسرق الحظّات علشان حتي نلمح

بعض؟؟

ادهم: فاكّر بس ساعتها مكنتيش بتشرطي عليا كان
اهم حاجة عندك اني تشوفيني مش دلوقتي انتي في
حضني وبتفكري ازاي تلوي دراعي... انا اه بحبك بس ما
بيتلويش دراعي وموضوع النوم معاكى اه حلو وفوق الرائع
وبعشقه بس مش ده اللي هيلوي دراعي نهائي

مش دي دخلتي ابدأ

ليالي: انا مش قصدي كده ابدأ وعلي فكرة انا كنت
واخده الموضوع بهزار انت قلبته جد زي حاجات كتيره
ابقي بهزر فيها ومره واحده الاقيك قفشت

ادهم: اولاً ده مش هزار ما ينفعش ابقي معاكى ومره واحده
الاقيكي خرجتي بره الموضوع خالص وبعدها تقولي مش
هكمل غير لما تعملي كذا او كذا

ثانياً انا يا ستي راجل معقد وما ليش في الهزار وانتى عارفه
كده كويس لاعمرى هزرت مع حد ولا حد هزر معايا
فمبضرقش بين الهزار والجد

ليلي: طيب علي العموم يا سيدي حقك عليا ما تزعلش
مني مش ههزر بالطريقه دي تاني ومش هخرج بره الموضوع
تاني خلاص بقي مش بحبك تزعل او تضايق مني
قعدت وراه واخده في حضنها وهيا بتكلمه

ليلي: حقك علي قلبي

ادهم: خلاص

ليلي: مش باين عليك انه خلاص

ادهم: لا عادي بس مخنوق شويه

ليلي: ينفع افضل معاك ولا عايز تبقي لوحداك

قامت وقعدت قدامه

ادهم: انا عمري كله لوحدي خليك طبعاً

شدها قعدها علي رجليه وفضلاوا قادين ساكتين باصين

للبحر وهو ضامهما في حضنه

ادهم: هو انتي ليه مصره تعرفي حلفت بايه؟

ليلي: لانك امبارح قمت زي المجنون خايف قوي قوي
وبعدين النهارده كنت مختلف قوي وبعدين احنا اتفقنا
نتشارك في كل حاجه

ادهم: انا مش قصدي اني اخبي عليك بس مش عايز
افتكره وانت في كل شويه مصره تفكريني بيه
ليلي: انا اسفه مفكرتش كده خلاص انساه

وبعدشويه وهما ساكتين
ليلي نايمه علي صدر ادهم وظهرها ليه وهو ضامها ووشهم
للبحر

خبي وشه في رقبتها واخذ نفس طويل
ادهم: حلفت يا ليلي اني صحيت من نومي في شقتي وما
لقتكيش جنبي ورحت الشغل لقيت مديري بيكلفني
بالمهمه بتاعت بلدكم نفس الكلام كله بيتعاد وبعدها
اكتشفت ان مهمتي لبلدكم كانت حلم وانتي حلم وحبنا
حلم ورحت بلدكم

ليلي: ووقعت في حبك من تاني

ادهم: لأ..... كنتي مخطوبه لحمدي وبتحبيه وقعدت في
بلدكم حاولت اقرب منك بس ما عرفتش كل حاجه
حصلت عدتها الا حبك وفي الاخر لما قابلت رئيس
العصابه معرفتش انقذك منه

ليلي: اغتصبني؟؟؟؟

ادهم: لا بس قتلك... ضربك بالسكينه في بطنك
وموتي بين ايديا

ليلي: علشان كده قمت تصرخ وشفت بطني
ادهم: كنت عايش كل لحظه كانها حقيقه حسيت
بكل لحظه في الحلم ده وفي الاخر رئيس العصابه طلع
ابويا وقال انه قتلك علشان انا بحبك..... علشان يضمن
اني افضل حزين لاخر لحظه في عمري لانه عارف ان
موتك معناه موتي انا

ليلي لفتله وضمته

ليلي: ادهم حبيبي بصالي.... محدش هيقدر يبعدني عنك
ابدا ابدا انا في حضنك وهفضل علي طول في حضنك
عدي الليل وعدي شهر العسل ورجعوا بلدهم

تاني يوم سهرانين واخر الليل ادهم ساب ليالي وقام الحمام
ولما خرج بيلبس

ليالي: سيادتك رايح فين؟

ادهم: رايح شغلي

ليالي: انت مش واخد بالك الساعة كام؟

ادهم: الساعة 4 انتي بقي مش واخده بالك ان قدامي 6
ساعات علشان اوصل يعني هوصل علي 10 وهكون متأخر
حوالي ساعتين

ليالي: امممم بس انا مش عايزاك تروح خليك ما لحقتش
اشبع منك شهر العسل عدي بسرعه قوي
قامت وحضنته ومتشعبطه في رقبتة

ليالي: خليك النهارده وروح بكرة

ادهم: حبيبته قلبي انا اجازتي خلصت من اسبوع فات ومش
هينفع اتاخر اكثر من كده وبعدين انتي عارفه ان انا لو
بايدي مش هتحرك اصلا من جنبك بس لازم اشتغل

ليالي: طيب هترجع امتي؟

ادهم: والله ما اعرف انا عندي راحه ساعتين الظهر بس
ممکن ما اخدهمش واخرج بدري اخر النهار بس حتي لو
خلصت بدري واتحركت هوصل هنا الفجر هطلع ثاني
امتي؟

ليالي: انا مقدرش يعدي يوم ما اشوفكش فيه ماليش دعوه
اتصرف هتوحشني

ادهم: سيبها للظروف يدوب كده الحق اتحرك سلام
فضلت متشعبطه فيه وهو مش عارف يسيبها ولا عايز يسيبها
بس لازم يروح شغله

فضل طول النهار في شغله وكان هيموت وينام ولو حتي
ساعه بس مفيش وقت

اخيرا خالص بدري علي الساعه 6 استأذن مديره يمشي
وطبعا لان مديره عارف الشروط اللي عليه وافق يمشيه
بدري

وقاله انه لازم يشوف حل للموضوع ده لان كده مش
هينفع

راح شقته وقال يريح شويه واتصل بليالي

ليلي: لا زعلانه زعلانه كثير كمان

ادهم: ليه بس وانا اقدر علي زعلك

ليلي: ما افتكرتنيش النهار كله ولا عبرتني

ادهم: قلبي انتي بس ما فضيتش لحظه ويدوب داخل البيت

حالا

ليلي: ايه ده كمان روح البيت ؟؟؟؟ يعني انا طول النهار

هموت عليك وبعد الدقايق علشان تخلص وتيجي وانت

خلصت ورحت بيتك وانا اخبط دماغي في الحيط ولا في

اي اعتبار لمشاعري ولا انك واحشني ولا اني هموت

واخذك في حضني لا سعلانه

ادهم: سعلانه ؟؟؟؟ طيب انا هموت وانا حتي ساعه

ليلي: فكر كده للحظه تنام ساعه وتيجي هنا متأخر ولا

تيجي هتوصل هنا علي 12 وتبقي في حضني الليل كله

وهدلحك اخر دلح

ادهم: هتدلعيني؟؟

ليلي: هدلحك بس انت تعال

ادهم: المشكله هوصل مش هيبي فيا نفس اتنفس اصلا

ليلي: خلاص يا ادهم براحتك.... يالا سلام

ادهم: ليلي استن-_-

قفلت السكه وعرف ادهم انها زعلت

"عقله : نام انت محتاج تنام

قلبه: وتسيبها زعلانه تقدر؟؟؟

عقله: هيا المفروض تقدر تعبك وكان المفروض تقولك

ريح النهارده

قلبه: هيا بتحبك وانت واحشها هو انت محدش يحبك

تشتكي ولما حد يتعلق بيك برضه تشتكي؟؟؟ مش

تحمد ربنا عليها وعلي حبها ليك؟؟؟

عقله: طيب هتروح وهتوصل نص الليل تقعد ساعتين وما

تضحكش علي نفسك انك هتنام هترجع امتي وبكره

مش هينفع تتأخر علشان الاجتماع اللي وراك

قلبه: انت لسه هتفكر وتضيع وقت قوم روح لحبيبك وما

تنساش انها لسه عروسه ومحتاجه جوزها يدلعها انت وافقت

علي شروط ابوها وهيا قالتلك متوافقش يبغي مش ذنبها
قوم

طبعا ادهم قام ووصل علي اخره فضل الساعتين في حضنها
هيا واحشاه وهو واحشها وما نامش طبعا وعلي الساعه 3 قام
علشان يلبس

ليلي: انت هتسوق ازاي وانت ما نمتش

ادهم: سيبيها علي الله... وبعدين انا بطبق باليومين مش
اول مره يعني

ليلي: طيب ما تروحش

ادهم: تاني؟؟ مش هينفع

وفضل ادهم رايح جاي يطبق باليومين ويريح يوم وطبعا ولا
عارف يبسط ليلي او يرضيها ولا عارف يدي شغله حقه

ومهما يعمل ليلي زعلانه وعائزاه يفضل اكر

وشغله كل يوم يتخانق مع مديره

جتله مهمه يسافر فيها بره مصر وطبعا ليلي كانت هتجنن
انه كمان هيسافر

سافر وفضل شهر غايب ورجع واخذ اسبوع اجازه ليالي كانت
طايره بيه

خلصت الاجازه ورجع نفس الوضع القديم بيسافر ويرجع
وكل ما يتقابل مع ابوها بيتخايق معاه

عدي كذا شهر ليالي حاليا كل يوم بتتخايق مع ادهم
ومديره بيتخايق معاه وابوها مش سايبه في حاله

اخر مره اتقابلو فيها كان يدوب ادهم داخل من السفر

ام ليالي: حمد لله علي السلامه يا حبيبي

ادهم: الله يسامك يا ست الكل

ام ليالي: انت هتخلص كده يا ابني ريح وتعال خميس
وجمعاه كفايه

ليالي: وانا اقعد طول الاسبوع لوحدي عايزاني اتجنن صح؟

ادهم: سلامتك من الجنان يا قمر

راح واخدها في حضنه

عم محمود: اضحك عليها بقي بحضن وكلمتين

ادهم: اهلا ازي حضرتك ما اخدتش بالي من حضرتك

عم محمود: وانت تاخذ بالك ليه اصلا؟ هو انتو ما
بتخلفوش ليه؟ ولا انت معيوب ولا ايه؟

ام ليلى: ايه اللي انت بتقوله ده يا حج؟

عم محمود: ايه اللي بقوله بقالهم اكثر من 7 شهور
متجوزين

ادهم: لا اظمن انا مش معيوب بس اللي اعرفه انه علشان
يحصل حمل اصلا لازم يكون في استقرار واحنا ابعد ما
يكون عنه

عم محمود: اه انت عايز تقول ان انا السبب

ادهم: طبعا حضرتك السبب

عم محمود: وليه متبقاش انت معيوب ما انت كل شويه
بتتصاب اصابه شكل في شغلك ما ممكن اصابه منهم
خلتك مش راجل

ادهم: افندم؟؟ مش راجل؟؟؟ انا مش هرد عليك

ليلى: ممكن تسكتو انتو الاتنين بقي بابا كفايه لو

سمحت

عم محمود: ايوه طبعا ما انتي لازم تبقي في صفه خلاص
بقيتي مراته لكن ما عدتيش بنتي

ادهم: انا تعبان وعايذ ارتاح بعد اذنكم

عم محمود: علي فكره انا لسه ما خلصتش كلامي معاك

ادهم: اتفضل قول حضرتك عايذ ايه؟

عم محمود: تروح تعمل تحاليل

ادهم: انت بتتكلم بجد؟؟

ام ليالي: بس بقي يا حج انت زودتها قوي انت مالکش دخل
بالموضوع ده هما حرين مع بعض

عم محمود: ما اطمئنش يعني علي بنتي ومستقبلها

ادهم: وده اللي هيظمنك عليها حاضر هروح بكره اعمل

التحاليل

عم محمود: يبقي ما تنامش معاها النهارده

كلهم بصولو وتنحوا انه زودها

عم محمود: بتبصولي كده ليه؟؟؟ التحاليل علشان تتعمل

لازم يكون مانمش معاها 3 ايام هو مسافر من يومين

والنهارده التالت وبكره يعمل التحاليل وبعدها هما حرين
ايه غلطت انا

ادهم: لا العضو وهو حضرتك تغلط برضه؟؟؟ بعد اذنكم
انا طالع انا وما تصحينيش

سابهه وطلع

ليالي: انت هتفضل لحد امتي تعامله كده؟

ابوها: انا عملت ايه؟ انا عايز اطمئن عليك غلطت

ليالي: اسلوبك نفسه انا وهو كان ممكن تتفق ونروح

نكشف مع بعض بس مش كده

ابوها: وياخدك في حضنه ويضحك عليك بكلمتين
ويخلص الموضوع على كده

ليالي: انا بجد مش عارفه اقولك ايه؟

ابو ليالي اصر تاني يوم يروح مع ادهم وهو هيعمل التحاليل
وكملو خناقهم مع بعض

ادهم عمل التحاليل وروح ابو ليالي وسافر من غير ما يرجع
البيت وطبعا ليالي مقدرتش تلومه

طلعت بعدها نتيجه التحايل وابوها اللي راح بنفسه
يستلمها واتفاجئ لما شاف النتيجه



الحلقة السادسة

ابو ليلى جاب تحاليل ادهم واتفاجئ انها سليمة جدا
 عرضها علي كذا دكتور وكلهم اكدولو ان التحاليل
 سليمة وانه ممكن يخلف عادي
 طبعا ادي التحاليل لبنته ومريضيش يتواجه مع ادهم نهائي
 يرضو
 عدي كام شهر وجه شهر رمضان وده اول رمضان يعدي
 عليهم
 عم محمود عازم العيله كلها عنده اول يوم
 ادهم اخذ اجازة اول يوم علشان يقضيه مع مراته وطبعا
 ليلى عايزه تروح لابوها علشان تقابل العيله: 445، @
 ويفطروا مع بعض

ليلى: ادهم هنفطر النهارده عند بابا

ادهم: ده مين قال كده؟

ليلى: بابا عازم العيله كلها وقالنا

ادهم: قالک انتي ما قالیش انا

ليلي: وانا ايه وانت ايه؟

ادهم: انتي بنته لکن انا واحد مش بيطيقه ابد ا

ليلي: لا متقلش كده،، المهم نفطر هناک

ادهم: عايزه تروحي انتي روعي افطري مع عيلتك

واتبسطي

ليلي: ده اول رمضان لينا يبقي نفطر مع بعض

ادهم: طيب خليكى هنا ونفطر مع بعض

ليلي: ادهم احلي حاجه في رمضان اللهم والعيله والكل

يتجمع

ادهم: وعلشان كده بقولک روعي افطري معاھم

فضلت ترغي في الموضوع ده كتير وهو رافض يروح

مامت ليلي كلمتها تاكد عليها فقالتلها ان ادهم مش عايز

يجي وانها لو هو مجاش هيا كمان مش هتيجي

مامت ليلي كلمت ادهم وفضلت تترجاه يجي يقضي معاھم

اول يوم وطبعا تحت الحاحها وافق يروح

راح علي الاذان بالظبط وقعدوا يفطروا الكل متجمع بيهزر
وبيضحك وادهم في النص حاسس انه غريب عن الناس

دي

نظرات ابوها ليه خلته يندم انه وافق يجي

خلصوا فطار وقاموا وقعدوا الرجاله كلها مع بعض

ادهم الكل بيحترمه جدا وبيتكلم معاه بحساب الا حماه

طبعاً

ومن ضمن الحوار اللي كانوا بيتكلموا فيه

عم محمود: يا اخي في ناس كده بارده ما بتحسش نهائي

اخوه: فعلاً في ناس بتبقي الواح بعيد عنك

عم محمود: الواحد من دول يبقي عارف انه مش مرحب بيه

وان محدش طايقه وبرضه يجي ويقعد وياكل ويشرب ولا

كأن البيت بيته ومع ان محدش عزمه بس تقول ايه برود

اخوه: الدنيا يا ما فيها المهم عملت ايه في الموضوع اللي

قلتلك عليه

كملوا هما حوارهم وادهم قاعد حاسس ان كل كلمه
كانت موجه ليه

وكان نفسه يضرب نفسه انه سمع كلام مراته وجه

استأذن وقام علشان يمشي طبعا ليلي طلعتله

لقتة ماشي فخرجت وراه

ليلى: انت رايع فين السهره لسه طويله؟!

ادهم: انا همشي خليكى براحتك

ليلى: مالك في ايه؟

ادهم: وانتى بيهمك مالي ولا بفرق معاكى اصلا؟؟

ليلى: ادهم في ايه؟ مين اللي ضايقك؟

ادهم: ياتري مين ممكن يكون ضايقني؟؟ ما تشغليش

بالك وادخلي سلام

ليلى: ادهم قولى الاول اتخانقتو ليه؟

ادهم: نفسي تحسي بيا مره وتعملي حساب لمشاعري...

قولتلک مليون مره مش عايز اكون في مكان وجودي فيه

مش مرغوب واخذت عهد علي نفسي اني مش هقعده في بيت
اهله رافضيني وانتي مصره ديما تحطيني في الوضع ده

ليالي: مين قال ان وجودك مش مرغوب فيه

انت بيتهيا لك

ادهم: فعلا بيتهيا لي ان ابوكي بيكرهني وبيتهيا لي انه
مش طايقني تصدقي انا اصلا بتبلي عليه

ليالي: يوه يا ادهم بقي انا ما صدقت اخدت يوم اجازه
وبعدين شويه وهنصوم تاني يبغي تفضل معايا

ادهم: طيب قولي لنفسك.... يالا بيتنا ونسهر مع بعض

ليالي: مش علشان انت مجربتش احساس العيله ولمتها يبغي
تحرمني انا منها

ادهم اتصدم بكلامها

ادهم: ايه الي بتقوليه ده؟ احرمك من عيلتك؟؟؟ لا يا
ستي ولا احرمك ولا تحرميني سلام

ليالي: ادهم استني مش قصدي ادهم استني لو سمحت ادهم

ادهم سابها وخرج ومردش عليها

وهيا حست ان التعبير خانها مكنش قصدها ابدأ تجرحه
كده وتعايره بموضوع العيله

شويه وقررت تحصله علي البيت وتسهر معاه
راحت البيت لفته فاضي اتصلت بادهم رد عليها وقالها انه
سافر لان وراه شغل

وطبعاً ده كان كلام مش اكر
حاولت تصالحه بس رفض يسمعها
اخذ اسبوعين من غير ما ينزل واخيرا نزل
ليلى: اخيرا افكرت ان ليك حد هنا؟
ادهم: انا قلت اسيبك تشبعي عزومات انتي وعيلتك
وبعدها ابقى اجي بدال ما احرمك من العيله ولا ايه؟

ليلى: انا مكنش قصدي انا التعبير خاني مش اكر اسفه
ادهم: ولا خانك ولا حاجه انا فعلاً ما اعرفش جو العيله
ولا العزومات ولا ليا فيه وانا صغير كنت بعيد عن جو
العيله تماماً حتي اكلي كان لوحدي ومكنش مسموحلي
اشاركهم اكلهم ولما روت لعيلتي اللي اتبنتني برضه

مكنش مسموحلي اشاركهم ففعلا ما اعرفش جو العيله
بس عمري ما فكرت احرمك منه ابدًا

انا اصلا متمرط وطالع عيني في السفر رايح جاي علشان ما
تبعديش لحظه عن عياتك يبغي ما تجيش في الاخر
تقولي بحرمة منهم

ليالي: مكنش قصدي وبعدين انت ايه اللي زعلك وخلاك

مشيت

ادهم: ما سالتيش ابوكي ليه؟

ليالي: سالتة وقال انه مكلمش

ادهم: هو فعلا ما كلمنيش هو بس كان بيرمي الكلام
والحدق يفهم كان بيتكلم عن الناس الباردة اللي تدخل
بيت وهيا عارفه ان وجودها مش مرغوب فيها وتاكل

وتشرب

ليالي: ممكن ما يكونش قصده عليك

ادهم: احنا هنضحك علي بعض ولا ايه؟

المهم اقضي الكلام بقي

سابها وطلع اوضته المسافات بتبعد بينهم والحواجز بتتحط
بينهم ومحدث فيهم قادر يعمل حاجه

خلص رمضان وجه العيد وطبعا ليلي مع اهلها والمره دي
ادهم رفض نهائي يروح معاها

راح بس الصبح سلم علي حماته وعيد عليها ومشى ويلي
قضت يومها مع عيلتها واخر النهار رocht ولامت ادهم انه
مكنش موجود معاها

بتعدي الايام والفجوه بتوسع اكر واکتر وابو ليلي بيبعد
بينهم اكر واکتر

الحب اختفي

كانه مكنش موجود اصلا وفضلت بس المشاكل والخناق
ولوم وبس

لحد في مره ليلي كانت عندها حفله كبيره في شغلها

وهيا كانت المسؤله عن تنظيمها

شغلت جزء كبير جدا من وقتها

كانت كل شويه تاكد علي ادهم انه لازم يكون جنبها
في الحفله دي لانها مهمه بالنسبالها جدا

وادهم في كل مره بياكدلها ان مفيش حاجه ممكن
تأخره عنها ابدا

ادهم في اليوم اللي قبل الحفله استأذن بدري وطبعاً اخذ
اليوم اللي وراه اجازه علشان يقدر يقضيه مع مراته

راكب عربيته وسابق رايق لمراته كان تعبان جدا فكر
كذا مره يقف يريح شويه وبعدها يقول لا كل ما يوصل
بدري احسن محدش يضمن الطريق لانه لازم يكون

موجود

واخيرا التعب اتمكن منه ونام للحظات وهو ساق وطبعاً
اللحظات دي كانت كفيه بانها تقلب عربيته

ادهم يدوب غمض عنيه اتفاجئ بعريبه نقل قدامه وبزمارة
عاليه

حاول يفادي العريبه بس لانه ساق بسرعه جدا العريبه
اتقلبت منه واتدحرجت كذا مره علي الطريق قبل ما
تستقر

صاحب العربية النقل وقف بسرعه وراح خرج به
العريه

ادهم كان بيقاوم انه يفضل فايق وعمال يردد اسم ليلى
وانه لازم يروح وما يتاخرش

صاحب العربية طلب الاسعاف ونقلوه لاقرب نقطه اسعاف
يسعفوه وبعدها يحولوه لاقرب مستشفى

فاق ادهم وهو في المستشفى بص حواليه لقي النهار طلع
قام بسرعه بس الدكتور مسكه

الدكتور: انت فاكرك نفسك رايح فين؟

ادهم: انا لازم امشي حالا
الدكتور: انت هتخش العمليات حالا لانك عندك نزيف
داخلي

ادهم: انا كويس ولازم امشي

الدكتور: حاليا بس خلال فتره بسيطه جدا هتبدأ تنزف
وهتوصل لمرحله صعب ساعتها انقاذك

ادهم: مش مهم انا لازم امشي

الدكتور: وانا قولتلك لا

ادهم: انت ملكش حق تقرر نيابه عني همشي علي
مسؤوليتي

الدكتور: براحتك بس البوليس اللي بره ده هتعمل في
ايه؟

ادهم: هتصرف

وفعلا ادهم خرج علي مسؤوليته

وقابل بتوع البوليس وقال ان هو اللي غلطان وهو مسؤل لانه
نام وقابل السواق واعتذرله ولسه هيمشي لقي سواق النقل
مستغرب

السواق: هما سمحولك تخرج؟

ادهم: انا سمحت لنفسي... ممكن اسالك انت كنت رايح
فين

السواق كان رايح نفس بلد ليلي وادهم طلب منه يوصله في
طريقه

السواق وافق بس طول الطريق خايف علي ادهم وحاسس انه
هينهار في اي لحظه

علامات الالم كانت باينه في كل ملامحه
في كل مطب العربيه بتاخده

السواق: اتمني انها تستاهل

ادهم: مين هيا؟

السواق: اللي انتي هتموت نفسك عليها؟؟؟ ليلي اعتقد
كنت بتردد في اسمها وانا بسحبك من العربيه
ادهم: دي مراتي وكان عندها اليوم مهم وانا وعدتها اني
هكون موجود بس للاسف بقينا الظهر اهوه وانا مقدرتش
اكون معاها

السواق: بس دي ظروف خارجه عن ارادتك وهيا اكيد
هتقدر

ادهم: اكيد طبعا بس كنت حابب اكون معاها وانفذ
وعدي ليها مش اكرت وبعدين مش عايزاها تتخض لو حد
قالها اني عملت حادثه

سكت ادهم بعدها والسواق كمان سابه يرتاح شويه قبل
ما يوصل

ليالي استنت ادهم طول اليوم وبتتصل بيه بس تليفونه
مقفول لانه اتكسر في الحادته

طول اليوم ابوها بيقتنعها ان ادهم مش بيعبها وانه بس
مصدق انه لقي واحده بتعبه مش اكر وكل اللي بيعمله
ده حركات يضحك عليها بيها

ليالي بتحاول ما تفكرش في كلام ابوها بس الزن الكثير
بياثر طبعا

الحفله خلصت وادهم ما ظهرش ولا حتي اتصل بيها
وابوها في كل لحظه بياكد لها انه لو بيعبها كان ساب
الدنيا كلها علشان يجيها

اخيرا علي العصر كده ادهم وصل

السواق صحاه وقاله انه وصل البلد وصفله ادهم البيت
ووصله وجاه ينزل مقدرش يتحرك

السواق نزلہ وسندہ وعرض علي ادهم يوصله المستشفى
 بس رفض وخاف علي شعور ليالي لو دخل وحد مسندہ
 اصر يدخل لوحيدہ واول ما دخل كانت ليالي قاعده هيا
 وابوها مستنياہ

ويدوب خطي خطوتين ليالي وقفت وبصتله
 ليالي: هو طلب وحيد طلبته منك واترجيتك تكون
 موجود ووعدتني وخليت بوعدك
 ادهم: اكيد كان خارج ارادتي والا كنت هاجي
 ليالي: ما هو طبعا لازم يكون خارج ارادتك لان انا مش في
 اولوياتك شغلك اهم مني مليون مره انا اطلع ايه جنب
 مسؤوليات ظابط المخابرات اللي امن البلد في ايده؟؟؟؟ ايوه
 انت شغلك مهم بس انا انانيه وعايظه اكون انا رقم واحد
 في حياه جوزي وللاسف ده مش بيحصل
 ادهم: ليالي عمر ما شغلي جه قبلك ابد ا انتي فعلا ليكي
 الاولويه

ليالي: تصدق صح ما هو باين

ادهم: طيب اعرفي الاول ايه اخرني

عم محمود: تسمع ايه؟ حجه جديده وسبب جديد واهو اي

كلام تضحك عليها بيه

ادهم: انا عمري ما ضحكت عليها بكلام وبعدين لو

سمحت ما تدخلش بينا

عم محمود: مش هتدخل.... انا مستنيكي بره

اخد شنطه في ايده وخرج

ادهم: ايه الشنطه دي؟ ومستنيكي ليه؟

ليلى: علشان انا تعبت استناك تعبت والنهارده انت جبت

اخرها

ادهم: تعبتي؟؟؟؟ انتي اللي تعبتي؟؟؟؟ ده علي اساس ان ده

بمزاجي مش ابوكي اللي فرض علينا الوضع ده؟؟؟

ليلى: وانت وافقت

ادهم: ودلوقتي بتلوميني اني وافقت علي شروط

ابوكي؟؟؟

ادهم كان خلاص هيقع من طوله ومش قادر يتنفس بس
مرضيش يضعف قدامها

ليالي: كان ممكن تشوف اي حل ثاني بس المهم انت
النهارده اتخلت عني كنت محتجالك وملاقيتكش

ادهم: النهارده بس مكنتش جنبك وانتي كام مره
محسيتيش بيا وماوقفتيش جنبي

هههه ده انتي دلوقتي مش حاسه بيا

امشي ياليلي براحتك مش همنعك

وقف ادهم علي جنب لحد ماهايا خرجت ومشيت وهو وقع
علي الارض

ليالي مشيت بتعيط وابوها بيقنعها انها عملت الصح وان
الخطوه دي كان لازم تاخذها من زمان وانها مش المفروض
تندم

وبعدين هو شويه وهي جياها يبوس ايديها ويترجاها ترجع
وساعتها تبقي ترجعه بس يكون عرف قيمتها

ادهم واقع في الارض وشريط حياته كلها بيمر قدامه
وحس انها خلاص النهايه وفجأه شاف ظل فوقه



الحلقه السابعه

قبل الحلقه في كثير منكم بيقولي موتي ابو ليالي
ابو ليالي اب من وجهه نظره مش بيحب ادهم اسلوبه غلط
بس في امهات وابهات كثير بيقوا حمي بجد وبعدين ليه

دور

اهل ادهم هيظهروا فاصبروا عليا
ليالي بتحب ادهم بانانيه شويه وده غلط والاحداث
هتوضحلكم كل حاجه

اسيبكم مع الحلقات
لو عجبتمكم لايك وكومنت

ليالي مشيت بتعيط وابوها بيقنعها انها عملت الصح وان
الخطوه دي كان لازم تاخذها من زمان وانها مش المفروض
تندم

وبعدين هو شويه وهي جياها يبوس ايديها ويترجاها ترجع
وساعتها تبقي ترجعله بس يكون عرف قيمتها

ادهم واقع في الارض وشريط حياته كلها بيمر قدامه
وحس انها خلاص النهايه وفجأه شاف ظل فوقه

السواق لقي ادهم ناسي ادويته اللي اخدها من المستشفى
فرجع علشان يديها له

اول ما وصل لقي الباب مفتوح ويدوب وقف قدامه لمح ادهم
علي الارض بينزف من بقه

طلب الاسعاف بسرعه وجم اخدوه علي المستشفى ودخل
العمليات علي طول بسبب النزيف الداخلي
ليلي طول الليل بتستني تليفون من ادهم يحايلها او يكلمها
او يقولها اي حاجه بس استنت واستنت واستنت

والصبح قررت انها تروح تلم هدومها واول ما وصلت بيتها
الجيران اتلموا عليها يطمنو علي ادهم منها
حد من الجيران: صباح الخير يا ليلي طمنينا جوزك عمل
ايه دلوقتي قلقنا عليه ؟؟

ليلي: جوزي؟؟؟ ليه هو ماله؟؟؟

حد ثاني: بعد ما مشيتي الاسعاف جت واخدوه

ليلي: اخدوه؟؟ اخدوه فين؟ هو ماله؟

حد: هو انتي معرفتيش؟؟؟ احنا ما نعرفش بس شفتاه
والاسعاف شايلينوه

ليلي بصت لابوها اللي جه معاها بصره لوم وعتاب عمره ما
هينساها

وجريت علي المستشفى وطبعا ابوها اللي وداها

وصلت وعرفت انه لسه مخرجش من العمليات ومعرفتش اي
حاجه عنه

كل اللي عرفته كان من السواق اللي كان قاعد مستنيه
يطمن عليه

حكاها السواق كل حاجه من اول الحادته لحد ما وصله
لباب بيته

السواق: طول الوقت كان كل همه انه يجي لمراته علشان
يكون معاها

ليلي فضلت تعيط وتعيط

ليلي: لو جراه حاجه عمري ما هسامح نفسي ولا هاسمحك
ابدا

عم محمود: وانا اعرف منين انه كان عامل حادثه؟؟

ليلي: كان لازم التمسله عذر لانه عمره ما اتاخر عليا ابدا
بمزاجه

عم محمود: ولما انتي عارفه كده سمعتيني ليه؟ الا اذا
كنتي انتي مش واثقه فيه يبقي ما ترميش غلطك عليا

ليلي: فعلا عندك حق ده كان غلطي اني سمعتك او
اديتك فرصه تتدخل في حياتي

بس من هنا ورايح مش هسمحك تدخل بينا تاني ابدا
ادهم خرج من العمليات وكانت حالته حرجه بس الوقت
كفيل بعلاج كل الجروح

بدا يتحسن بس رافض يتكلم نهائي مع ليلى

ما بيردش عليها نهائي ومهما تعمل بيبعدها عنه

اخيرا خرج من المستشفى وليلى معاه في اوضه نومهم

بيحاول يقلع هدومه فقربت تساعده فرفض

ادهم: طول عمري لوحدي وحتى لما بتصاب ببقى برضه

لوحدي فمش محتاج مساعدتك

ليلى: ادهم ارجوك سامحنى

ادهم: اسامحك على ايه بالضبط؟ على عدم احساسك بيا

نهائي ولا على بعدك عني ولا على تفضيلك كل لحظه

ومناسبه انك تقضيها مع عيلتك وتسيبيني لوحدي ولا

على انانيتك في كل لحظه ولا عدم احساسك بوجعي

وانا بنزف ولا انك مديتينيش فرصه حتى اقولك انا

اتاخرت ليه

ليلى ردها كان عياط متواصل

ادهم: اي حد بيبقى راجع من سفر بيخلوه ياخذ نفسه الاول

وبعدها بيتكلمو لكن انتي ما استنيتيش حتى ادخل من

الباب كاني عدو مستنياه مش جوزك اللي كل يوم
 والتاني بيسافر 6 ساعات رايح وزيهم راجع علشان بس يقضي
 ساعه او ساعتين معاكي

ليالي: ارجوك سامحني..... سامحني علي كل حاجه وانا
 اوعدك اني هغير كل حاجه

كل حاجه هتتغير

ادهم: وانا حاليا معنديش استعداد لاي شئ
 ارجوكي انتي سيبيني لوحدي علشان ارتاح
 ليالي: ارتاح بس خليني جنبك
 ادهم: لو هتصري انك تفضلي هنا هسيب البيت كله
 وامشي فما تجبرينيش اعمل ده

ليالي: ادهم انا

قاطعها: خلاص يبغي امشي انا

ليالي: لا استني همشي

مشيت ليالي وكل يوم تجيله وهو يمشيها تاني لحد ما
 اتحسن

ليلي: كفايه بقي كده

ادهم: كفايه ايه؟

ليلي: كفايه بعد

ادهم: انا مسافر النهارده

ليلي: هاجي معاك

ادهم: لا يا ليلي اسف بس محتاج فتره لوحدي

ليلي: وانا مش عايزه الفتره دي

ادهم: مش بقولك انانيه كل اللي بتفكري فيه نفسك

وبس وانت عايزه ايه

ليلي: لوحبي ليك انانيه يبغي ايوه انانيه

ادهم: لا مش الحب يا ليلي انانيه في مشاعرك اللي انتي

عايزاه مهم لكن اللي غيرك عايزه مايهمكيش

ليلي: انا عايزه افضل معاك

ادهم: وانا محتاج فتره لوحدي وربنا يسهل

ليلي: فتره قد ايه؟

ادهم: الله اعلم بعد اذنك

سابها ومشي وهيا فضلت تراجع كل اخطائها

وكل حاجه عملتها

في مكان تاني بعيد قاعده حنان في جنينه سرحانه

ومحستش بجوزها وهو داخل

حسين: حنان

حنان: انت جيت من امتي؟

حسين: بقالي كتير واقف وبكلمك ومش بتتردي سرحانه

في ايه كده؟ ولا اقولك ما ترديش اكيد سرحانه فيه

حنان: انت عايز ايه مني دلوقتي؟؟؟

حسين: عايزك انتي ترجعيلي عايز مراتي

حنان: وانا عايزه ابني تقدر ترجعولي؟؟؟

حسين: تاني ابنك؟

حنان مردتش عليه وسكتت

حسين: المهم النهارده السنويه بتاعت آيه بنتنا هتروحي
معايا نزورها ولا لأ

حنان: هروح

راحو الاتنين وفضلو واقفين علي قبر بنتهم اللي ماتت
صغيره بعد صراع طويل مع المرض ومهما ابوها حاول
يعالجها الي ان فلوسه كلها مانفعتوش وما ساعدتوش
واقف ودمعه نزلت من عينه

حنان: ايه ده؟ هو انت بتحس زي باقي البشر
حسين: دي بنتي حبيبتي. عايزاني ايه؟

حنان: ماهو كان ابنك برضه؟

حسين: لا مش ابني

حنان: ابنك

حسين: تاني ابني؟؟؟؟

حنان: تاني؟؟؟؟ تاني وتالت والڤ ومليون انت بعدتني عن

ابني وانا مش هسامحك ابدأ

حسين: انتي اللي مش هتسامحيني؟؟؟؟ انتي؟؟؟ طيب

وخيانتك ليا وابنك ده؟ ده تسميهم ايه؟؟ ادهم مش

ابني

حنان: انا عمري ما خنتك وادهم ابنك

حسين: مش عايز اسمع اسمه ولما تحاضيلي ميت سنه مش

هصدقك انتي حملتي فيه وانا مسافر يبقي ابني ازاي هاه؟

؟ ولا انتي شايفاني عبيط

حنان: انا حملت فيه بعد رجوعك من السفر وهو اتولد

بدري عن معاده

حسين: الدكتور قال انه مولود كامل وفي معاده

حنان: وانا قولتلك ان عمري ما خنتك ابدأ

حسين: وابن عمك اللي جه وانا مسافر وبات في بيتي وانا

مش موجود كان بيعمل ايه؟؟؟

حنان: وانا قتللك مليون مره انه وصل بالليل من البلد ووقع
علي السلم وهو داخل البيت جايب الحاجات اللي اهلي
باعتنهالي ولما وقع رجلاه اتجزعت ومقدرش يتحرك
وطلبتله الدكتور كشف عليه وقال ما يتحركش وتاني
يوم الصبح اخواته وصلو بدري وخدوه البلد

حسين: وانت متخيله اني مصدق الحوار ده كله وبعدين
احمد قالي انكم سهرتو مع بعض

حنان: احمد كان عيل صغير

حسين: احمد وكان عيل صغير والخدم كانوا اجازه ليه
اليوم ده؟ وقميص النوم اللي كنتي لابساه ومعاد الولاده
نفسه

حنان: انا مديتهمش اجازه هيا الظروف جت كده ان في
كذا حاجة حصلت

ومكنتش لابسه قميص نوم لما قابلت ابن عمي
مهما اقولك انت اخدت القرار

حسين: الخدم كل ظروفهم اتفقت انهم ياخدوا يوم اجازه
حنان: معرفش يا حسين صدقني

حسين: انا مش مصدقك وبعدين احمد شافك خارجه من
اوضته اخر الليل بقميص نوم وزعقتيله ودخلتيله اوضته
وقولتيله ما يطلعش منها ابدا

حنان: انا اخر الليل روحت عنده علشان اديله الدوا بتاعه
لانه كان تعبان جدا وكنت برضه بهدومي وبعدين انت
عارف ان احمد بيكذب كتير من صغره كان بيعمل
العمله ويلزقها لاخوه وما تقولش انك مكنتش عارف انه
بيكذب

حسين: هيتهمك ليه بحاجه زي دي انتي امه ممكن
يكذب مع ادهم لكن معاكى كان صغير وكان لسه
مفيش ادهم اصلا

حنان: هو كذاب بطبعه ما اعرفش بس هو كذاب وبعدين
انت تصدق مين؟؟ انا حبيبتك

حسين: انتي وجعي

حنان: انت وجعتنا كلنا بايدك وحرمت ابنك منك
وحرمتني منه

حسين: قولتلك ما تقوليش ابني

حنان: هفضل اقول لحد ما اموت انه ابنك وانت هتعرف
الحقيقة في يوم وساعتها حتي الندم مش هينفعك

حسين: مش هندم ابدا

حنان: هو انت مش واخد بالك من اللي انت فيه

حسين: ايه اللي لنا فيه؟؟؟ انا احسن من الناس كلها

حنان: انت عمرك ما عشت يوم مبسوط حتي لما كنت
بتعذبه ماكنتش مبسوط وبعدها مرض بنتك و سفرك
بيها من بلد لبلد وحتى ابنك الكبير اللي انت علي طول

بتفضله طلع ما بيخلفش يعني عمر ما هيكون عندك
حفيد يورث امبراطوريته دي كلها

كل ده ذنب عيل صغير بدال ما تحضنه عذبه

حسين: ولو الزمن رجع تاني هعيد كل ده

سابها ومشى وهيا دعوه جوه قلبها ان ابني ربنا يعوضه عن
كل حاجه

ادهم الايام بتعدي وحاسس ان في حاجز بينه وبين
حبيبته ولا قادر يتجاهله ولا قادر
يتخطاه ويروحها

وليلى بتحاول تقرب منه اكثر واكثر وبتحاول ترجع ليلي
اللى هو حبها وعشقها

ليلى اللى كان اهم حاجه عندها راحتته وسعادته وبدأت
تراجع في كل حاجه حصلت وفعلا حسست بنفسها قد ايه

كانت انانيه في كل حاجه وندمت وقررت انها تغير كل
حاجه

اخيرا ادهم الشوق والحنين لنصه الثاني اتغلب علي الحاجز
وقرر يسافر لها فاخذ اجازة يومين وسافر ووصل اخر الليل
فكر انه يدخل يريح لحد ما يطلع النهار وبعدها يتصل
بليالي تيجي من بيت ابوها

مكنش يعرف ان ليلي طول الوقت في بيتها مستنياه يدخل
من الباب

دخل لقي كل حاجه مكانها هو فعلا محسش البيت ده
قوي بس برضه عاش فيه لحظات جميله مع حبيبته
طلع علي فوق وفتح باب اوضه النوم واتفاجئ لما لقاه
نايمه

فضل واقف يتأمل فيها,,, عمره ما هيجي يوم يتعود فيه
علي وجود الملاك ده في حياته

ليلي اجمل من انها تكون حقيقه موجوده في حياته

مكنش عا رف يعمل ايه يصحيا ولا يدخل جنبها وينام
ولا ايه بالظبط؟ وفي نفس الوقت خايف انها تتفاجئ
بوجوده

غير هدومه وراح جنبها ونادي عليها براحه

ادهم بهمس: ليلي..... ليلي انا جيت

ليلي فتحت عينيها مش مصدقه انها سامعه صوته لفت وشها

براحه ولقته جنبها

ليلي: اخيرا يا ادهم اخيرا

رمت نفسها في حضنه لانها كانت حاسه انها محرومه من
كل حاجه وفجأه ملكت كل حاجه

ليلي: وحشتني وحشتني وحشتني

ادهم: ولما انا بوحشك بتبعديني ليه عنك؟؟؟

سؤاله مكنش سؤال كان عتاب بين احباب

ليلي: مش هبعدك تاني ابدأ ابدأ استوعبت الدرس

كويس

ادهم: ده مكنش درس انا ما بعدتش علشان اديكي درس
انا بعدت علشان انتي بعدتني

انتني جرحتيني

ليلي: اسفه يا اغلي من روحي ده مش هيتكرر تاني ابدًا من
هنا ورايح مش هضغط عليك تاني ومش هطلب حاجه فوق
طاقتك وهسمعك انت وبس

ادهم: وحشتيني

ليلي: ولما وحشتك ليه بتتكلم لحد دلوقتي
ادهم ابتسم واتكلم معاها باغه تانيه هيا وهو مقتدينها
جدا

طلع النهار وابو ليلى راحلها زي كل يوم بيحاول ياخدها
بيته وهيا بترفض

دخل البيت ونادي عليها بس ماردتش استغرب لانه كل يوم
بيلاقياها محضره الفطار ومستنياه يفطروا مع بعض
طلع علي فوق يشوفها نايمه ولا ايه واول ما فتح الباب
اتفاجئ بانها نايمه في حضان حد

كان هيجري يشدها لان وش اللي نايم معاها مش باين
 عم محمود: ليالي ليالي؟؟؟ هيا وصلت لكده ؟؟؟ انتي يابت
 اصحي قومي بدال ما اقتلك وانتي كده انتي واللي
 معاكى ده فزي

ليالي وادهم صحيووا علي صوت ابوها بيزعق
 ادهم دخل راسه تحت المخده وساب ليالي لابوها
 واخذ قرار انها لو سمحتله يدخل بينهم هيمشي بس المره
 دي من غير رجعه

ليالي: في ايه يا بابا صباح الخير صوتك عالي ليه؟؟
 عم محمود: في ايه؟؟؟ يابروذك يابت فزي قومي من
 السرير

ليالي مش عارفه ابوها متترفز كده ليه
 ليالي: اهدي بس انت وقولي في ايه؟
 عم محمود: قومي من السرير حالا
 ليالي: في ايه؟ مش هينفع اقوم قدامك فهمت

عم محمود: هيا وصلت انك تجيبي راجل البيت
وياباحتك بتتكلمي كده عادي انتي عايزه القتل انتي
واللي جنبك ده؟

ليالي تنحت لتفكير ابوها ومردتش

وادهم خرج من تحت المخده

ادهم: راجل غريب؟؟؟؟ هيا وصلت انك بتفكر ان بنتك
جايبه راجل غريب البيت ونايمة معاها؟؟؟
عم محمود: هو انت؟؟؟؟

ادهم: ومش عارف ازاى فكرت انه ممكن يكون مش
انا؟؟؟ ولا انت تعرف عن بنتك انها ممكن تنام مع راجل
غريب؟؟

عم محمود: اخرس

ادهم: اخرس؟؟؟ مش انا اللي من دقيقه كنت بتهمها انها
نايمة مع راجل غريب

عم محمود: ماتخيلتش ان سيادتك رجعت واتفاجئت
بوجودك مش اكثر

ادهم: امم واديك عرفت انه انا اتفضل بره بقي لو سمحت

عم محمود: افندم؟

ادهم: واحد ومراته نايمين في سريرهم حضرتك واقف

ليه؟ ولا عايز تتفرج؟

ليالي اتكسفت من كلام ادهم وابوها معرفش يرد فخرج

ادهم وهو خارج: ماتنساش تقفل الباب تحت كويس وراك

وهو خارج رزع الباب وراه

ليالي: انت مجنون

ادهم: انا برضه؟ المهم سيبك انتي كنا بنقول ايه؟

ليالي: كنا نايمين ما بنقولش

ادهم: وقبل ما نام نكمل كلامنا قبل النوم

ليالي: ادهم استني

ادهم: استني ايه؟ مالك

ليالي: بابا تلاقيه زعل

ادهم تنح: بابا؟؟؟

وقف وقام وسابها

ليلي: ادهم استني في ايه؟

ادهم بيلبس هدومه ومردش وداخل الحمام

ليلي: في ايه؟

ادهم: مفيش هدخل الحمام

ليلي: مكنتش عايز الحمام من دقيقه

ادهم: ده من دقيقه

سابها ودخل وهيا قامت ولبست واتصلت بابوها

ليلي: بابا متزعاش من ادهم

عم محمود: وانت بيهمك زعلي وبعدين ادهم عندك

يبقي طظ في ايه حاجه تانيه هو كفاه

ليلي: لا طبعا ما تقولش كده طب بقولك ايه ارجع نفطر

احنا التلاته مع بعض وحاول انت وادهم تفتحوا صفحه

جديده مع بعض

ارجوك يا بابا لو مش هتجبه حب حبي انا ليه علشان

خاطري

عم محمود: ولو جوزك قلب وشه ولا قال كلمه كده ولا
كده؟

ليالي: بابا مش جوزي الي بيقول كلام كده ولا كده
تعال وانا هجهز الفطار لحد ما ترجع

نزلت ليالي تجهز الفطار وادهم خرج من حمامه ملقهاش في
اللاوضه

لبس هدومه ونزل لقاهها في المطبخ والفطار بدا يجهز وفهم
ان دي تعويض ليه انه يفطروا هما الاتنين مع بعض
ابتسم وجه من وراها ضمها

ليالي: يارب تكون جعان
ادهم: ميت من الجوع

طيب خد الاكل علي السفره وانا هكمل الباقي
ادهم بيساعدها في حط الاكل علي السفره واستغرب انها
عامله كميات كبيره
وفجأه جرس الباب ضرب
ليالي: بابا وصل افتحله يا ادهم

ادهم: بابا؟؟ الفطار ده علشان بابا؟؟

ليلي: ده علشانا كلنا افتحله يالا

ادهم واقف مش عارف ينطق ولا يتحرك بس حاسس انه
هينفجر من الغيظ

ليلي جريت تفتح هيا

ليلي: انت معاك مفتاح يا بابا ادخل علي طول

عم محمود: اه علشان جوزك يقولي تاني عايز اتفرج
صح؟؟

ادهم: الكلام ده كان في اوضه النوم مش هنا اتفضل ده
بيتك

قعدوا كلهم يفطروا بس التوتر مالي الجو

ابو ليلي بدا يتكلم هو بنته في مواضيع ادهم ميعرفش
يشارك فيها

عم محمود: ايه رايك بمناسبتة رجوع جوزك نطلع كلنا
بكره رحله عند البير ونقضي اليوم ونشوي ونتبسط بقالنا
كتير قوي معملناش كده

ليالي فرحت جدا بالفكره

ليالي: فكره تحفه ايه رأيك يا ادهم؟

ادهم مش مركز اصلا معاها

ليالي: ادهم ___ م ادهم يا ابني رحت فين؟

ادهم: هاه سوري بتقولي ايه؟

ليالي: بقولك ايه رأيك؟

ادهم: رايلي في ايه؟

عم محمود: هو اصلا مش معانا ولا مهتم بينا اصلا ولا
بوجودنا

ليالي: في الرحله؟؟ بابا اقترح نروح كلنا عند بير الجبل
ونقضي اليوم هناك ونشوي وكده هيبقي يوم جميل

ادهم سكت وبصلاها مضيش اي شئ اتغير ابوها بس بيغير
اسلوبه وبيتدخل بطريقته بس بدال ما يبعدهم بالخناق
بيبعدهم بطريقه مختلفه

ليالي: هاه يا ادهم؟ ارجوك

ادهم: ترجوني ايه؟ فين اصلا بير الجبل ده

عم محمود: في المكان الي ليالي كانت فيه مع رحله
المدرسه

ادهم: ساعت ما اتحبست والصخور وقعت علينا وكنا
هنموت احنا الاتنين؟؟

ليالي: هو ده بس يا ادهم المكان جميل وخساره انك ما
تشوفوش تعالي شوفه معايا واوعدك هنتبسط كتير

ادهم: ربنا يسهل بعد اذنكم

ويدوب هيمشي

عم محمود: هو محدش علمك انها تبقي قله ذوق لما
يكون حد ضيف بياكل معاك وتقوم انت الاول وتسببه
ادهم وصل لقمه غضبه وليالي حست ان الوضع هيتازم
اكثر

ادهم: اولاً لأ محدش علمني

ثانياً مكنتش اعرف ان سيادتكم ضيف ولو حضرتكم
ضيف يبقي تعامل علي هذا الاساس بعد اذنكم

سابهم ومشي

صمت شويه

عم محمود: شايفه قله ذوقه وطريقه رده انا ممكن ارد
عليه ووقفه عند حده بس انا ساكت علشانك انتي
ليلي: انا اسفه يابابا اعذره المكان له ذكريات وحشه معاه
و بعدين انت برضه اسلوبك معاه؟؟

عم محمود: اسلوبي انا؟ وتصرفاته هو ايه ما بتشوفيش انا
اهوه بحاول معاه وهو اللي رافض بمد ايدي وهو بيرفضها
اعملوه ايه بقي؟

ليلي: خلاص جهز انت للرحله وانا هقنعه وهنيجي ان
شاءالله

ابوها مشي وهيا استنت جوزها لحد مارجع

كانت في المطبخ ودخل عندها ماكس

ليلي: اهلا بيك جعان؟ اتفضل اكلك اهوه ياتري
صاحبك فين بقي؟

طلعت لفته في اوضه النوم بيغير هدومه

ليلي: اخيرا جيت هو انت راجع بعد الغيبه دي كلها علشان
تبقي بعيد كده؟؟؟

ادهم: ومرجعتش برضه علشان اول يوم افطر مع ابوكي
وتاني يوم اقضيه مع عيلتك؟؟؟

ليلي: ادهم ارجوك بابا بيحاول حاول انت كمان

ادهم: هو فعلا بيحاول بس بيحاول يبعدنا الهدف واحد
والطريقه اختلفت

ليلي: لا بقي لا يا ادهم لو في حد غلطان النهارده يبقي انت
مش هو

ادهم: انا؟؟؟ غلطان في ايه بقي؟

ليلي: طردك ليه الصبح وبعدين في الفطار اسلوبك
برضه مش حلو وهو كان عنده حق وبعدها بتقوله اتعامل
علي اساس انك ضيف لا طبعا بابا عمره ما هيكون ضيف
في بيتي

ادهم: اممم طيب يا ستي حقه علي راسي انتي وابوكي
بس زي ما ابوكي قالي محدش علمني الذوق

بس يا ستي... امبارح بس كنتي بتوعديني ان محدش
هيدخل بينا والصبح الاقي ابوكي بيخطر معانا وبيجهزلنا
رحله

ليالي: ده مش تدخل وانا عند وعدي بس هو بيحاول يقرب
منك ارجوك ارجوك يا حبيبي تعال نبدأ كلنا صفحه
جديده مع بعض

النهارده الصبح انا طلبت من بابا يرجع وهو علشاني مستعد
يبدأ معاك صفحه جديده يبقي انت كمان علشاني ابدأ
معا

نفسى انتو الاتنين تبقوا كويسين مع بعض
علشان خاطري انا، بكرة خلي اليوم بتاعي
كلنا هنقضي اليوم مع بعض وبابا فاتح ايديه ليك واهو
بيقولك ادخل العيله،، انت دلوقتي اللي رافض

ادهم: انا مش رافض بس انتي اللي مش فاهمه حاجه
ليالي: علشان خاطري خلي بكرة بتاعي واوعدك اننا
هنبسط كتير مع بعض وهتشوف عيلتي بشكل تاني
وتقرب من بابا اكر

ادهم: حاضر يا ليلى هقضي معاكى بكرة بس النتيجة
هتبقى عليكى انتى

ليلى: اتفقنا واعدك انه هيكون يوم ما يتنسيش
ادهم: ربنا يستر

وجه يوم الرحله واتحركو كلهم وبدؤا رحلتهم



الحلقة الثامنة

بدا يوم الرحله الكل صحي بدري وجهاز نفسه
كانو المفروض هيروحو كلهم مع بعض في ميكروباس
ووصلوا قدام بيت ادهم

ادهم: متقوليش ان احنا هنركب معاهم؟
ليلى: ايوه طبعا الكل مع بعض هتبقى لذينه الكل بيهزر
ويضحك ويغني يالا هنتاخر عليهم

ادهم: انا عايز اروح بعريتي
ليلى: ادهم بقي يالا، يعني الكل مع بعض اشمعني انت؟
ادهم: لان انا غيرهم وانت عارفه كده

بيخبطوا عليهم وينادوا
ليلى: ادهم علشان خاطري
ادهم: وماكس؟؟؟؟

ليالي: الكل بيحبه ومحدث هيعترض علي وجوده ولو
اعترضوا ابقى ساعتها خد عربيتك اتفقنا! يا لا بقى

خرجوا وادهم متحفز

العيله: اخيرا طلعتو يا لا بقى عايزين نلحق اليوم من اوله

ليالي: طيب وماكس ولا ناخد عربيتنا

اخو ليالي: ماكس هنا جنبى... ماكس تعال

الكلب نط وركب وليالي ركبت ويدوب ادهم هيركب
جنبها

عم محمود: ماتيجى جنبى هنا قدام علشان افرجك علي
الطريق انت اول مره تروح

ادهم بص ليلي وهيا بصتله وكأنها بتقوله روح قرب منه
شويه

ادهم ركب جنبه وحالة صمت سيطرت عليهم

ووري عند ليالي ضحك وغنى وهزار وادهم سامعهم بس
كانهم فى عالم تانى

عالم بعيد عنه عالم عمره ما هيبقى جزء منه

وصلو ونزلوا وخطوا حاجتهم وادهم واقف بعيد عنهم

ليلي راحتله وقربت منه

ليلي: هاه مالك واقف بعيد ليه ما تقرب

ادهم: _____ :

ليلي: حاول تندمج معاها وصدقني هتحبهم كلهم

ادهم: ليلي انا

قاطعه ابوها

عم محمود: خلوا بالكم ان احنا معانا عيال صغيره بلاش

القرب ده قوي كده لانهم بيتفرجوا وبعدين ليلي روي

ساعدي اخواتك وجهزوا الفطار يالا جعانين

اخذ بنته باطافه ومشى

ادهم كان عارف ان اليوم ده هيقتضيه لوحده ..

يوم هياكدله انه لوحده وانه هيفضل لوحده.. هو جه بس

علشان مايندمش علي القرار اللي هياخده وانه يبقي عمل

كل اللي يقدر عليه وان مضى حاجته في ايده

فطروا ولعبوا وانتشروا وكل ما ليالي تقرب من ادهم حد
 بيشدها تاني بعيد سواء بقصد او من غير قصد
 وابوليالي بعيد عن ادهم بس بيوجه الكل من بعيد لبعيد
 المحصله ان ادهم يفضل بعيد عن ليالي
 ماكس كان هو الوحيد اللي بيشارك ادهم اخده وراحو
 يتمشوا وراح ناحيه المكان اللي اتحبسوا فيه
 وقعد هناك يتامل كل اللي فات
 ليالي جاتله
 ليالي: قاعد هنا ليه؟
 ادهم: عادي
 ليالي: مش قاعد معانا ليه؟
 ادهم: ماليش مكان معاكم
 ليالي: تاني يا ادهم؟ علي فكره بقي الكل بيحاول يقرب
 منك انت اللي بتبعد
 ادهم: يمكن
 اخو ليالي: ليالي ادهم يالا الغدا جاهز

انتي روحتي تنادي عليه ولا جيتي تقعي جنبه يالا الكل
مستني

آخر النهار بيلموا حاجتهم علشان يروحوا وجه
الميكروباص ياخدهم وبرضه ادهم ركب قدام

جنب حماه ونفس الصمت

لحد ماعمر محمود قطع الصمت ده

عمر محمود: عمرك ما هتكون جزء منهم ابدأ... انا اهوه
بعدت عنك خالص بس برضه معرفتش تقرب منهم، فهمت
بقي ان مش انا السبب في بعدكم عن بعض،
ادهم مردش عليه بس من جواه عرف ان فعلا هو معرفتش
يندمج معاهم

وصلوا قدام بيت العيله والكل نزل واخوات ليلى

البنات: ليلى احنا كلنا هنبات هنا عند بابا ونسهر مع بعض
تعالى بقالنا كتير قوي ما اتجمعناش

ليلى مترده: لا اسهروا بقي انتو وبعدين علشان ادهم

عم محمود: ماله ادهم؟ خليه يجي هو كمان واسهر
كلکم مع بعض ولا انت عندک اعتراض؟

ادهم: لا براحتھا عايزه تسهر مع اخواتھا براحتھا بس انا
اعذروني عايز اريح شويه

ليلى: يعني هتنام شويه وبعدها تيجي تاخدني ايه راك؟
ادهم: براحتك روعي اسهري مع اخواتك

ليلى: وتيجي اخر الليل تاخدني او اخويا يوصلني او بابا
ادهم: ربنا يسهل سلام

مشي ادهم ووصل بيته او بالاصح بيت ليلي

فضل شويه يفكر وفي الاخر اخذ قراره

كلبه كان معاه فقعد قدامه

ادهم: ماكس انت عارف انك اغلي حاجه ملكتها في
حياتي وانك انت اكثر حد بثق فيه وعلشان كده
عايزك تفضل مع ليلي تحميها وتخلي بالك منها اتفقنا يا
صاحبي

كلبه كانه فاهمه لانه وهو ماشي محاولش يروح وراه وقف
وبصله وكانه بيوعده ان حبيبته في امان طول ماهو عايش
ولا ممكن حد يقدر يمسه

آخر الليل ليالي رجعت بيتها ولقت ماكس مستنيها

ليالي: صاحبك فين يا جميل

الكلب هو هو

ليالي: كالعاده مش بفهمك

طلعت اوضه نومها لقتها فاضيه وقلبها اتقبض

شافت علي مخطتها رساله راحت وقرتها

"رحلتك النهارده اللي اصريت عليها اكدتلي اني عمري
ما هبقي جزء من العيله دي ولا عمري هقدر اندمج معاها
سامحيني اني مشيت بالطريقه دي بس ممكنش قدامي اي
حل ثاني لاني تعبت، تعبت من كل حاجه، تعبت اجدف

في مركب غرقانه، تعبت احافظ علي مشاعر من ناحيه
واحد

تعبت منك في لحظه بتقوليلي وحشتك وماتبعدهش عني
واللحظه اللي بعدها تختاري كل الحاجات اللي تبعدنا عن
بعض

تختار تفطري مع ابوكي بدل ما نبقى لوحدا
تختاري يوم كامل مع عيلتك بدل ما تقضيه معايا
تختاري تسهري مع اخواتك بدال ما تسهري معايا
وعلي الرغم ان ابوكي وعيلتك واخواتك ممكن
تشوفيهم بسهولة بعد ما اسافر بس برضه بتفضليهم عني
قولتلك اجازتي يومين واختارتي تقضيهم بعيد عني
وبعدها تقوليلي بحبك

اي حب ده اللي بتتكلمي عنه وليه انا مش حاسه ابد؟؟؟؟

وراي شغل واتضطريت اسافر اتمني اشوفك قريب

ادهم"

قريت الرساله ومسكت تليفونها واتصلت بيه بس تليفونه
مقفول

كل مره تواعد نفسها انها هتصالح كل حاجه بس بتتعاك
اكثر

مش عارفه ازاي توفق بين عيلتها وبينه؟

مش عارفه ازاي ترضي كل الاطراف؟

ترضي ابوها وجوزها واخواتها واصحابها؟

ازاي توفق بينهم كلهم؟؟

بتعدي الايام وادهم لو كلمها بيرد عليها بالعافيه

والاجابه علي قد السؤال

لحد ما في مره ادهم كان ماسك مهمه جديده وخلصها

وقبض علي المجرم بس المجرم وعد ادهم انه هيخليه

يندم

وهو في اجتماع مع مديره دخل ظابط عليهم وبلغهم ان

المجرم ده هرب وانهم مش لاقينه

ادهم: هرب؟؟ هرب امتي؟؟

الظابط: من الصبح

ادهم: ومحدث بلغني ليه؟ انتو اتجننتو؟؟

المدير: اهدي يا ادهم انا كلفت ناس كتير يدوروا عليه
وهيا مسأله وقت مش اكر

ادهم: وقت؟؟؟ انت مش فاهم

ادهم مسك تليفونه واتصل بمراته

ادهم: ليلى انتي فين؟

ليلى: وانت كمان واحشتني

ادهم بصوت عالي: مش وقته انتي فين؟

ليلى: انا في البيت مالكة؟

ادهم: اطلعي بره البيت حالا وروحي عند اي حد من

الجيران وخدي ماكس معاكي

ليلى: في ايه انت بتخوفني؟؟

ادهم: اطلعي بره البيت حالا اتحركي بسرعه

ليلى: _____ :

ادهم: روح لبنتك بسرعه في حد دخل عليها قوم واجري
الحقها بسرعه اتحرك

قفل السكه وسابق زي المجنون بس الطريق طويل وطويل
قوي كمان

قدامه ساعات علشان يوصل

وعلشان تكمل موبيله فصل شحن ومعهوش شاحن

حس بالعجز بالضعف بقله الحيله

حس بالخوف

الخوف اللي من يوم ماخرج من بيت ابوه وعد نفسه انه مش

هيخاف ثاني

بس النهارده خلف وعده واحساس الخوف ماليه

خوف علي حلم بيضيع

خوف علي بيت بيتهد

خوف علي وهم بيتبدد

خوف علي حبيبته

اخيرا وصل بيته طلع يجري ودخل بس البيت فاضي مفيش
حد

صمت يشبه صمت الاموات وسكوت دخل اوضه نومه
متبهدله ومتكسره وفي دم في الارض

هو شاف الدم وقع علي الارض رجليه مش شايله

مش قادر يتحرك او يفكر او ينطق



الحلقة التاسعة

ادهم واقع في الارض لما شاف الدم وهيتجنن

سمع صوت بينادي عليه

طلع اخو ليلي: ادهم تعال معايا

ادهم: ليلي جرالها حاجه؟؟؟

اخوها: ليلي بخير تعال بس

ادهم مش قادر يقف وكأنه عجز فجاء سنده اخوها ووقفه

واخده ومشى

راحو مكان غريب اول مره ادهم يشوفه

ادهم: انت جايبني فين؟ انا عايز اشوف ليلي

اخوها: ليلي هنا تعال

اخده ودخلو وشاف ليلي واول ما شافها جريت عليه وضمها

كانت هيموت من الخوف بس اخيرا روحه رجعتله... اي

حاجه تانيه في داهيه المهم انها كويسه

بعدها شويه وبصالحا وكانه عايز يتأكد انها بخير

ادهم: انتي كويسه صح؟؟؟ مفيكيش حاجه؟؟

ليلي بتعيط: انا كويسه

ادهم: طيب خلاص ما تعيطيش بقي

ليلي: ادهم

ادهم: في ايه مالك؟ ما تعلقيش من اي حاجه اهم حاجه

انتي بخير في داهيه اي حاجه تانيه

ليلي بتعيط برضه

هنا خرج حد من اوضه لابس باطو

:فين صاحبه لازم يجي والا هيضوت الاوان

ادهم: مين ده وفي ايه وايه المكان ده؟

ليلي: _____ :

عم محمود: دي عياده بيطريه ماكس...،،

ادهم: ماكس ماله؟؟؟؟

قلبه بيدق بسرعه وعقله يشتغل اسرع يبقى اكيد الدم
بتاع ماكس

بص ناحية الدكتور اللي خرج

ادهم: هو فين؟

الدكتور: ادخله

دخل ادهم لقاه نايم علي الترابيزة وشاش كتير حواليه
قرب منه والكلب اول ما حس بيه رفع دماغه وبصله ونزلها
تاني

الدكتور: انا اسف بس الرصاصه استقرت في قلبه

ادهم: انا ممكن اسفره مصر وهناك

قاطعه الدكتور: مش هتلق كويس انك لحقته اصلا
ودعه

ادهم قرب من كلبه وضمه

ادهم: نفذت وعدك وحميتها صح!!! انت عارف انك كل

حاجه بالنسبالي انت كنت اقرب صاحب ليا وعمري ما

هنساك ابدًا

كلبه عمل صوت انين وغمض عنيه للمره الاخيره

كلبه كان مستنيه يودعه

ادهم حس بيه وعرف ان رفيقه وصاحبه مات

دموعه نزلت غصب عنه

حاول يمنعها بس معرفش شال صاحبه واخده وحطه في

عربيته

ليالي حاولت تكلمه او توقفه بس مسمعهاش

كانت هتروح معاه بس ابوها مسكها

عم محمود: سيبيه لوحده شويه

ادهم اخده للمكان اللي كانو بيقدوا فيه ديما لما كان

في مهمته

في المكان اللي كان بيستني ليالي فيه وكلبه بيحبها له

لحد عنده

وصل وحضر ودفن كلبه وقعد جنبه يودعه بصمت

اخيرا حس بالشمس سخنت

استغرب هو النهار طلع امتي اصلا ؟! ؟!

روح بيته ولقي عيله ليلي كلها مستنياه

واول ما دخل الكل بيتكله هو سامعهم بس مش مميز اي
كلام بيقولوه ولا فاهمهم

ادهم: انا اسف لازم اغير هدومي بعد اذنكم

ليلي كانت هتطلع وراه بس رفض

طلع اوضته لقاها نضيفه ومترتبه دخل استحمي وطلع وقف

قدام المرآيه يبص لصورته واخيرا اتحرك يلبس هدومه

ولقي نفسه بيلم كل حاجه تخصه ويحضر شنطته

اخيرا خلص معدش ليه اي شئ في الاوضه دي

شال شنطه وخرج ونزل والكل وقف اول ما شافه ومستغرب

من الشنط اللي في ايديه

حطهم وراح ناحيه عم محمود ووقف قدامه

ادهم: انا جيت البلد دي علشان احميها وبس

وحاولت ابعد بس كل ما ببعد كانت هيا بتقرب اكر

ولما انت عرفت ورفضت انا بعدت نهائي عنها ومهما تحاول

تقرب كنت ببعدھا وانت الی جیتلی وانت الی طلبت منی
 اقرب غیر کده كنت همشی من البلد ومش هرجعھا تانی
 ابدا (بص لامھا) انتی وهو الی طلبتو منی افضل واستنی
 فی یوم فرحی جیت وقولتلی انی انتصرت ومكنتش فاهم
 انتصرت فی ایه؟

مكنتش عارف ان انت اعلنتھا حرب بینا وانت ما احدثش
 بالک انی مستسلم طول الوقت كنت مستسلم
 بس انت مصر تحاربنی مش عارف لیه؟
 المهم طالما انت مش راضی باستسلامی فانا بقولھا لک
 صریحه انت انتصرت
 انت انتصرت

عم محمود: انتصرت فی ایه؟؟؟ وایه التخاریف الی بتقولھا
 دی؟؟؟

ادهم: انتصرت فی انک تبعدنا عن بعض؟؟

انتصرت فی انک تعرفنی انا ایه؟؟

انتصرت في انك تفهمني ان انا عمري ما هبقي زي باقي
الناس وان ممكن في يوم من الايام يبقي عندي عيله؟
انتصرت في انك تفهمني ان الحب رفاهيه انا مش حملها؟؟
انتصرت في انك تفوقني من الوهم ان انا انسان انا مجرد
مسخ بيتطلب منه مهمات بينفذها وبس مش من حقه اي
شيء ثاني؟

عم محمود: كل ده علشان كلب؟؟؟ ده في الاول وفي
الآخر مجرد كلب

ادهم: لولا الكلب ده كان زمانك دلوقتي بيعزوك في
بنتك وبعدين هو ممكن كان بالنسبالك انت مجرد
كلب لكن بالنسبالي انا كان العيله الوحيد اللي
بممتلكها

كان الكائن الوحيد اللي حبني من غير شروط او طلبات
او اي شيء

حبني بإخلاص... حبني لدرجه انه ضحي بحياته علشان
عارف ان ليلي تهمني

لا مكنش مجرد كلب

ماكس معايا من عشر سنين هو الي كان ديما بيفكرني
اني بني ادم مش وحش

كل ما بفقد ادميتي كان هو بيرجعها لي
مكنش ابدا مجرد كلب

راح وقف قدام ليالي ومسح دموعها
ادهم: دموعك اغلي من انك تبكيها علي مجرد كلب
ليالي: ادهم انا ؛
ادهم: هششش ما تتكلميش خلاص المهم انتي بخير وزي
ما بيقولو قضي اخف من قضي
انا مش عارف اصلا كنت هعمل ايه لو انتي جراك
حاجه !!!

بس في حاجه اخيره عايز اقولها لك

ليالي بصتله

ادهم: انتي طالق..... طالق..... طالق

ليلي: انت بتقول ايه؟ انت؟

مش عارفه تتكلم ولا تنطق

عم محمود: انت بتطلقها علشان الكلب

ادهم: لا طبعا بطلقها علشانك انت

مش قولتلك انت انتصرت

عم محمود: علشاني؟؟؟ وانا امتي قولتلك طلقها

ادهم: هههه غريبه امتي؟؟؟ استني افكر

اه في يوم فرحنا وامتي تاني؟؟؟؟ اممم في كل يوم وفي

كل لحظه بتحاربني فيها

عم محمود: اه انت عايز تكره بنتي فيا وتقول ان انا

السبب

ادهم بزعيق: ارحمني بقي انا مش عايز اي حاجه منك

ارحموني بقي

وبعدين ايوه انت السبب

اسالك سؤال حسيت بايه لما اتصلت بيبك وقولتلك الحق
بنتك

هاه حسيت بايه؟ رد عليا

عم محمود: بالخوف حسيت ان قلبي هيقف ونفسي الزمن
يقف والحقها قبل ما حاجه تمسها

ادهم: وصلتها في وقت قد ايه؟

عم محمود: _____:

ادهم: رد عليا

عم محمود: دقائق

ادهم: تخيل احساسك ده انا عشته طول الطريق

تخيله للحظه كده انا فضلت 6 ساعات سايق مش عارف
اصلا اتنفس ولا عارف اتلم علي اعصابي سايق زي المجنون

فايوه انت السبب

بين شغلي وشقتي خمس دقائق وممكن اخدها في دقيقتين
بس انت خليتها ساعات

انت اصريت تبعدي عنها وانا اهوہ بسلامك بنتك
وبنسحب عايز ايه تاني مني؟

ويدوب هيمشي

ليلي: وانا؟؟؟

ادهم: طالما مقدرش احميكي يبغي ما ينفعش افضل؟؟!!
اسف بس خلاص كده

معدش عندي حاجه تاني اقدر اقدمها لك

مش هقدر اسوق الطريق ده تاني

سبق وقولتلك انك لو هتختاري انا هنسحب

ودلوقتي لا انا هقدر اندمج مع عيلتك ولا اقدر اخذك
منهم يبغي الحل اني انسحب

بعد اذنكم

سابهم ومشي الكل مذهول والكل ساكت

محدث عارف يتكلم ولا حد عارف اصلا يقول ايه لحد ما

اخيرا ام ليلي اتكلمت

ام ليلي: الحمد لله انه مشي

ليلي: ايه؟؟ الحمد لله؟؟ انتي بتقولي ايه؟

ام ليلي: ايوه الحمد لله لان انتي متستاهلش واحد زيه؟؟

متستاهلش حد يحبك ويصونك ويخاف عليك من

الهوا؟؟ انتي ماتستاهليهوش لا انتي ولا ابوكي

كنتي تستاهلي واحد زي حمدي عنده استعداد يبيع

شرفك لو ضايقته

بصت لجوزها

كنت عايز واحد يبجح فيك لو اتكلمت لكن واحد

يحترمك ويقدرك ما ينفعش كخه وحش

الواد ده عنده اخلاق ما ينفعش تكون وسط ناس زيكم

طول الوقت عماله تضغطي عليه وتسفريه رايح جاي ولا

تقدري تعبته ولا سفره ولا اي شئ

تعال دلوقتي يجيلك وبعدها انتي تسببه

ماشوفتش واحده بترضي الكل علي حساب جوزها الا انتي

ليلي: مكنتش عايزه حد يزعل

ام ليالي: طظ في الكل كان المهه ترضي جوزك مش
ترضي الكل الا جوزك

اهو طلقك ومشي يالا روي لا بوكي خليه يشوفك
عريس يايق بيكي

ليالي بتعيط

ام ليالي: بتعيطي ليه دلوقتي؟؟؟ مش فاهمه انا
مش كل ما كان بيحي اجازه كنتي بتهربي وتنطي عندنا
وتباتي معانا وهو يمشي تيجي تقعي لوحك هنا وقال
ايه تستنيه وهو يحي وانتي تفتكري كل الزيارات
واحد غيرك كان جوزها يحي تقفل بابها عليها وتمنع اي
حد يحي عندها

جوزك عارفه ان ابوكي مش طايقه يبغي ماتخليهمش
كل شويه يتصدموا ببعض ابعديهم عن بعض

ليالي: كنت عيزاهم يحبوا بعض

ام ليالي: بتحطي النار جنب البنزين وتقوليلهم اوعي تولعوا
في بعض

حنان نايمه وقامت مره واحده مفزوعه تعيط

وقامت تجري مش عارفه رايعه فين

عايزه تتنفس هتتخفق مش قادره

ابنها احمد شافها طالعه تجري جري وراها بينادي عليها

خرجت الجنينه وقعت في الارض تعيط وتندب

احمد: في ايه؟ ايه اللي حصل؟

امه: _____ :

احمد: بابا جراه حاجه؟ ردي عليا

امه: لا

وبتعيط وتعيط

احمد: بتعيطي علشانه صح؟؟؟؟ عمرك ما حبيتي غيره؟؟

عمرك ما اهتميتي بحد غيره؟؟ عمرك ما فكرتي في

حد غيره؟؟؟

قعد قدامها علي الارض ومسك ايديها

احمد: انا برضه ابنك علي فكره ومحتاجك انا كمان
عايزك ولا انتي اخدتي عهد علي نفسك طول ما انتي
مش ام ليه مش هتبقي ام لحد تاني؟؟

حنان: كنت بتستمع بعذابه,,,,, كنت بتعمل كل
حاجه وتتهمه بيها

انت السبب في كل حاجه

بتستمع بالشر من صغرك انت كبرت الشك في قلب
ابوك

انت بكذبك عملت كل ده

انت كسرت قلبي وقلب ابوك وطردت اخوك من البيت
وحرمته من العيله والدفا ونسيت انه اخوك الصغير وبدل
ما تحميه كنت بتأذيه

مش هسامحك انت او ابوك ابدا ابدا

ابعد عني وايوه طول ما انا مش امه مش هكون ام لحد
تاني ابعد

احمد: من صغري ما حبتينيش وكانى مش ابنك وبعدها
 اول ما بقيتي حامل فى ادهم فرحه الدنيا كانت فى
 عنيكى وحسيت انه مش هيكونلى مكان فى البيت ده لو
 هو اتولد فكان لازم احمى نفسى

سابها ومشى وهيا نامت فى الارض تعيط

وابنها نايم زىها فى الارض يعيط بينهم وبين بعض مسافات
 طويله بس عمر ما المسافات مهما كبرت بتمنع قلب ام انه
 يحس بابنها

مكاوى الكتب

الحلقة العاشرة

ادهم مشي ودفن نفسه في شغله ومبيحاولش يفكر في اي
شيئ

ليالي بتقضي كل ايامها عياط وبس لحد مافي يوم امها
دخلت عليها

ام ليالي: انا نفسي اعرف انتي بتعيطي ليه؟؟؟ ماهو ده كان
متوقع

ليالي: انتي بتقولي ايه؟؟؟

امها: بقول اللي يشوفك كده يقول بتحبيه؟؟

ليالي: ماما؟ انا بعشق ادهم

امها: ماهو مش بالكلام... هو بيحبك كان بيخاف علي
زعلك.. كان بيستحمل غلاسه ابوكي... كان بيسافر
ويسوق قد ايه علشان يشوفك.... صرف تحويشه عمره
علشان يعملك البيت اللي بتتمنيه.... كان بيقضي كل
المناسبات لوحده علشان ما يبعدكيش عن عيلتك,,,,,

قوليلي بقي انتي حاجه واحده اتنازلتي عنها علشانه ولا
حاجه عملتيها ليه؟؟

ليلي: انا _____ انا _____ انا _____

حاولت تدور علي اي حاجه تقولها بس ملقتش

امها: انتي ايه؟؟؟؟ اقولك انا :::: انتي طلباتك مكنتش
بتنتهي وتديسك ليه كل شويه في حاجه مبيحبهاش
مكنش بينتهي وتوريطك ليه كل شويه في مشكله ه ده
اللي كنتي بتقديمهوله

عارفه ان ابوكي لما يعزمك قصده انتي بس وتقنعيه
يجي علشان ابوكي يسممه بكلمتين
عارفه ان يوم رحله مع العيله مش هيبسطه وتضغطي عليه
يجي وبدال ما تستغلي اليوم في حضنه تقضيه وسط
عيلتك مهو عيلتك موجوده مش هتطير لا وتكملها
بانك تيجي تكلمي سهر هنا مش تروحي بقي تعوضيه
حب ايه ده؟؟؟ انتي معندكيش اي فكره عن الحب

ليلي: يعني اعمل ايه ازعل بابا وارضيه؟؟؟

امها: لو من الاول وقفتي ابوكي مكنش هيدخل لكن
انتی سمحتيله يعمل كل ده مره وري مره

ابوكي متعلق بيكي من صغرك زياده عن اللزوم ومش
قادر يقتنع انك كبرتي واتجوزتي وبيحاول يمشي
حياتك زي ماهو عايز كان لازم بقي تقضي وتقولي انا
كبرت كان لازم تحمي بيتك مش تهديه كده

ليلي: طب انا بحب ادهم اعمل ايه؟

امها: انتي لسه بتسالي عملي ايه؟ مفيش فايدة فيكي
طول ما انتي عايزه حد يقولك عملي ايه يبقي مفيش
فايدة

مكاوي الكتب
ولسه هتخرج

ليلي: طيب وبابا؟؟؟؟

امها: حددي انتي عايزه ايه واعمليله وشوفي مين هتقضي
جنبه ومين هتوقضيه حددي اولوياتك الاول

خدي قرار وخليكي قويه ونفذه

ليلي راحت بيتها وجهزت شنطتها واستعدت تروح لجوزها

طلبت تاكسي يوصلها المحطه

عم محمود: انتي فاكهه نفسك رايحه فين؟؟؟

ليلي: رايحه لجوزي

عم محمود: جوزك الي طلقك ومشي والي علي طول

كان بيسيبك بالشهر واللاتين لوحك

ليلي: انت عارف كان بيسيبني ليه؟ وعلشان كده انا

هروحله ومشي هتقدر المره دي تمنعني

عم محمود: بس

قاطعته: مابش انا رايحه سلام

عم محمود: خلاص هاجي معاكي اوصلك

ليلي استغربت ان ابوها محاولش يمنعها الظاهر ان امها كان

عندها حق كان لازم تقف وتقول لابوها انها كبرت بدال

ما كانت بتمشي ورا كلامه

ليلي: دي مش اول مره اسافر لوحدي انا اخدت اربع سنين

الكلية بسافر لوحدي

عم محمود: ايوه بس ده وضع مختلف افترضى انه رفضك
هتروحي فين؟؟؟

ليالي: بص في عنيا وقولي ان ادهم ممكن يقفل بابيه في
وشي ويسيبني بره

عم محمود: ماشي مش هيعملها هيد خلك ويسيب البيت هو
هتعملي ايه؟

ليالي: هتصرف ما تشغلش بالك انت

عم محمود: ما اشغلش بالي ازاي؟؟ انتي بنتي الصغيره

ليالي: وهيا دي المشكله انا معدتش صغيره

بابا انا بحبك وبحبك قوي كمان ويمكن اكون بحبك
اكثر من اي حد في الكون كله ومش هحب حد اكثر
منك ابدا ولا حتي ادهم بس انا بحبه وهو جوزي وعايظه
اعيش معاه والحياه من غيره ملهاش طعم ولا معني ارجوك
ولو عايزني افضل هنا وما اروحش مش هروح بس ساعتها ما
تقولش ابدا انك بتحبني وانك عايز سعادتي لانك عارف
ومتاكد ان سعادتي معاه

عم محمود: طيب اوصالك وارجع

ليالي: ارجوك سيبنني اخطط حياتي لوحدي سيبنني اعيش
بقي

عم محمود: خليه اول حاجه يعملها يردك ليه

ليالي: طيب هو قالي طالق 3 مرات

عم محمود: ولو قالها مليون مره تتحسب مره لانا كانت في
وقت واحد هو كده طلقك مره وعادي يردك

وصلها لحد المحطه وسلم عليها ومشي وحس بقلبه بيمشي
معاها ودعائها من قلبه انها تعيش مبسوطه

رجع بيته ومراته اول ما شافته

ام ليالي: بنتك كبرت وسابت ايدك ودورك لحد هنا

خلص سيبها بقي تبني بيتها

عم محمود: بس لسه صغيره

ام ليالي: هتفضل علي طول بنتك الصغيره بس حاليا هيا
كبرت وبقي ليها بيت وانت بيتها هديته سيبها بقي في

بيتها الجديد سيبها تعمرة وتملاه حب وسعاده وجوزها بقي
سيبه ياخذ نصيبه من السعاده اللي اتحرم منها

ليالي طول الطريق خايفه من رد فعل جوزها

اخيرا وصلت الصبح بدري متردده خايفه وبتدعي انها
تلاقي جوزها في البيت

وصلت قدام العماره ونزلت واول ما البواب شافها جري عليها
وسلم عليها ونزلها الشنط وقالها ان ادهم نزل بدري الشغل
طلعها شقتها وفتحها وطلبت منه مايقولش لادهم لما يرجع
انها موجوده لانها عايزه تفاجئه

دخلت فضت شنطها وحطت لمستها في كل حاجه

غيرت ملامح البيت كله وساعدها البواب ومراته

اوضه نومها غيرتها وفرشت مفرش ليله دخلتها

وجابت ورد كثير وقررت انها تعوض يوم فرحها اللي

معاشتهوش

وكملت جنانها ولبست فستان فرحها واستنت جوزها يجي

ادهم راجع البيت بيقدم رجل ويأخر رجل

بيكره دخوله البيت وبيكره وحدته واهو بيقضي ايام

وخلص

دخل العماره والبواب اول ما شافها بيبصله ومبتسم

ادهم: في حاجه يا عم فتحي

البواب: سلامتک يا باشا

ادهم: عايز حاجه؟؟؟

البواب: لا يا ابني سلامتک

ادهم استغرب وطلع لشقته واول ما فتح الباب

قلبه دق بسرعه

كل حاجه متغيره.... ورد في كل مكان..... شمع

منور..... ريحه الشقه

كل حاجه مختلفه

قلبه بيدق هيخرج من مكانه وعقله هينفجر وبيحذره

وبيقوله ما تفتحش باب اوضه النوم اهرب بسرعه

واقف ماسك الاكره ولا قادر يفتحها ولا قادر يهرب ومش
عارف ياخذ قرار ايه

هياخذها في حضنه ولا هيطردها من حياته؟؟؟
اخيرا فتح الباب واتفاجئ لما لقاهها بفستان فرحها
اي كلام كان هيقله طار واختفي

هو اصلا نسي هو بيتكلم ازاي

صمت سيطر علي الموقف

ليلي اخيرا نطقت وقالت "اهلا"

ليلي قربت منه ومدت ايدها ليه

ليلي: سبق ووعدتك وفشلت اني احقق وعدي

وعلشان كده انا اهوه قدامك بفستان فرحي وهعتبر كل

اللي فات كابوس وهبدا من جديد

عارفه ان انا جرحتك كتير وانك خسرت كتير

وبقولك اسفه من كل قلبي اسفه ورجعالك

راجعه وناويه افضل هنا في حضنك

هفضل معاك علي طول ومش هقعد في مكان انت مش
فيه

راجعه وناويه اعوض كل لحظه عدت منا كل لحظه
عشناها بعيد عن بعض

راجعه وماده ايدي ليك اهو وهحاول اصلح كل اخطائي
هتسمحلي ادخل حياتك من تاني؟؟

ادهم: انتي ما خرجتيش منها اصلا علشان تدخلها تاني
مسك ايدها وشدها ليه وعاشو ليله فرحهم اللي فاتت منهم
قبل كده

ليلت كانت مختلفه عن كل اللي فات
ليه ليها طعم تاني ليله كان فيها شوق ولهفه وحب وعتاب
ووعود وحياه جديده بدات وصفحه جديده اتفتحت

ليلي: سامحتني؟؟

ادهم: سامحتك؟؟؟ سامحتك من اول اهلا

ضحكت

ليلي: انا بحبك قوي يا ادهم وعارفه اني مش بعمل اللي
يوضح ده وعارفه اني مقصره معاك في كل حاجه
ويمكن علشان كده بقولها كتير بس انا والله بحبك
نفسي تصدقني

ادهم: انا مصدقك وعارف انك بتحبيني بطريقك
ليلي: طيب طلقيني ليه ومشيت ليه ما اخدتنيش معاك

؟؟؟؟؟؟

ادهم: طلقتك لانه مش هقدر احميكي وانت بي بعيد اما ما
اخذتكيش ليه فلان ده مش من حقي... مش من حقي
اقولك سيبي اهلك وعيلتك وشغلك ودنياك كلها
وتعالى معايا نعيش هنا لكن مش همنعك لو ده قرارك
ليلي: ادهم انا مستعده اسيب الدنيا كلها طالما هكون
معاك

وهنا سكتت شهرزاد عن الكلام المباح
طلع النهار وادهم فتح عنيه لقاها في حضنه
اخيرا حلمه اتحقق وليلي بقت في بيته

ده بيته اللي تعب لحد ما اشتراه وفرشه وحلم فيه ان
حبيبته تشاركه مش الثاني ابد ا

قام براحه من جنبها وطلع بره اتصل بمديره وبلغه انه
اجازه كام يوم ولسه مديره هيعترض فقال له ان ليلي معاه
فسكت لانه فهم ده معناه ايه لادهم

دخل وحضر لها فطار احتفالا بوجودها معاه

وهو في المطبخ تليفونه رن فرد

عم محمود: صباح الخير اخباركم ايه وليلي عامله ايه
وهي فين وعملت معاها ايه؟؟؟

ادهم: انا لو بحقق مع حد بساله سؤال سؤال وبديله فرصه
يجابوب مش عشرين سؤال وري بعض كده

عم محمود: عملت ايه معاها؟؟؟؟

ادهم: تاني عملت ايه؟؟ قتلتها

عم محمود: انا ما بهزرش,,, ردتها ولا زعلتها ولا ايه
بالظبط؟ هيا مكلمتنيش

ادهم: انت متخيل ان انا ممكن اقبل بابي في وش ليلي؟؟؟

عم محمود: امال طلقته ليه؟ وما تقولش علشان كلبك
ايوه هو كان مهم بس حتي انا كمان كنت بحب الكلب
ده وكنت بتظمن علي بنتي وهيا بايته لوحدها في البيت
وهو موجود

ادهم: عارف انك كنت بتحبه ولا مطلقتهاش علشانه بس
اكتفيت من السفر وتعبت ومعنديش ادني استعداد اسوق
الطريق ده تاني بالشكل ده

عم محمود: يعني انت هتمنعها تيجي تزورنا ولا ايه؟

ادهم: لا طبعا وقت ما هيا تحب تنزل هنزلها

عم محمود: طيب ينفع اكلمها

ادهم: هيا نايمه دلوقتي اصحياهاك !

عم محمود: وانت ايه اللي مصحيك ومش نايم جنبها ليه
انتو لسه زعلانين؟ ولا تلاقيك نازل الشغل ولا تقلان
عليها؟

ادهم: حضرتك تخطيت الرقم القياسي في الاتهامات
عندك مقدره غريبه علي اختراع اتهامات.. لا يا عم انا ولا

تقلان ولا نازل الشغل يدوب لسه صاحي ولسه يدوب قايم
من جنبها تحب احكيك ليلتنا بالتفصيل؟؟

عم محمود: لا متشكر انت علي فكره ردودك مستفزه
ادهم: ده لان اسئلتك مستفزه اكثر

عم محمود : قول ليلي تكلمني

ادهم: من عنيا اي طلبات تانيه؟

عم محمود: لا شكرا سلام

قفل وادهم ابتسم منه وكمل تجهيز فطاره
ليلي صحيت ملقتوش جنبها زعلت لانها افتكرتة سابها
ونزل شغله وبعدين سمعت صوت بره فخرجت لفته في
المطبخ

ليلي: بتعمل ايه؟

ادهم: انتي شايفه ايه؟ مش جعانه؟؟

ليلي: انا جعانه بس مش للاكل عايزه اشبع منك انت
الاول

ليلي بتتكلم وهيا واقفه وراه حضانه

ادهم: ماهو انا بغذيكي علشان متهنجيش مني بس

ليلي: هههه بقي كده؟ وانا من امتي هنجت معاك اعتقد

مش انا اللي كنت بهنج !!

ادهم: حبيبتي قبل كده كنت انا اللي بهنج من ام

الطريق ده لكن حاليا الوضع اختلف وقاعد لك اهو لحد

ما تزهقي

ليلي: وان مزهقتش؟؟

ادهم: تليفون منك ثلاث دقائق هتلاقيني جنبك وبعدين

الوقت بقي في ايدينا

ادهم: جهز الاكل وبصاها

ادهم: انتي لابسه ايه؟

ليلي: فانتك عندك اعتراض؟

ادهم: لا معنديش اصلا شكها حلو عليك بس ليه؟

وبعدين ما تلبسي واحده نظيفه ليه ملبوسه؟؟

ليلي: لا طبعا مش عايزه واحده نظيفه عايزه واحده انت

كنت لابساها

ادهم: وليه بقي؟؟

ليلي مسكتها وشماتها

ليلي: علشان ريحتك فيها بحس وانا لابسه هدومك ان انت

حواليا كده وبعدين كل ما كنت بتسافر كنت بلبس

هدومك علي طول

ادهم شدها لحضنه وضما ليه

ادهم: انتي مش محتاجه لهدومي لان انا كلي اهو جنبك

ليلي: مش هتبعد تاني؟

ادهم: انتي اللي بتبعدي مش انا

المهم نسيبهم بقي يخطوا بصمتهم في كل حته في
شقتهم

الايام كانت اجمل واروع ما يكون وكأنهم عايشين في

حلم جميل

حتي لما ادهم بيروح الشغل عقبال ما ليالي تصحي بيكون

رجع وينزل تاني وعقبال ما تخلص شغل بيتها بيرجع

يخرجوا او يتفصحوا او حتي يقضوا وقتهم في البيت

مفیش حد یضایقهم

بس طبعا الحياه ما بتفضلش علي طول وردي

#

حنان كانت في الجنينه بتهتم بالورود بتاعتها

وبتغني وتدندن

حسين: بقالك فتره مبسوطه كده خير؟

حنان: وانت متضايق ان انا مبسوطه؟

حسين: لا طبعا بس مستغرب

حنان: لا عادي بس حاجه جوايا مخلياني مبسوطه مش

عارفه ايه بس مبسوطه

حسين ببصلها باستغراب

حنان: بتبصلي كده ليه؟

حسين: انتي كلمتي ادهم؟

حنان: ادهم؟؟ لا مكلمنيش ياريت يكلمني بس اخر مره

وعدني انه مش هيتصل بيا تاني

حسين: يعني هو فعلا كان بيكلمك؟

حنان: مكنتش برد عليه وبعدين كان بيتصل من ارقام ما
بتظهرش فمكنتش بعرف انه هو غير لما يتكلم
ومكنتش برد

حسين: كان بيقولك ايه؟

حنان: عايز تعرف اخباره؟؟

حسين: لا طبعا اعمل بيها ايه؟ تلاقية فاشل صايع ملوش
لازمه

حنان: هاه

حسين: ايه هاه دي؟؟ معناها ايه؟

حنان: لو كان ابوه فاشل كان هيطلع زي ابوه لكن ابوه
بدا من الصفر وعمل لنفسه اسم ومستقبل يبقي اكيد ابنه
هيبقي زيه؟

حسين: برضه مش ابني فاشل ناجح مش ابني

حنان: انت خايف انه يطلع ابنك من اللي انت عملته فيه

حسين: مش ابني واقفلي الموضوع ده وياريت بلاش
تكلمية بدال ما ادور عليه واعرف مكانه واهد له كل
حياته من اول وجديد

حنان: حرام عليك انت ايه؟ حجر؟ وبعدين اخر مره
كلمني كانت تقريبا من سنتين ولما مردتش عليه وعدني
انه مش هيتصل تاني واهو وفي بوعده

_____#_____#_____#_____

ليلي موضوع الحمل شاغلها جدا ومنغص عليها عيشتها
وبتفكر كثير في الموضوع ده وادهم بيقولها سيبها علي
ربنا وقت ما يريد

لحد ما جابت اخرها

ليلي: ادهم ارجوك

ادهم: بترجوني ايه يا قمر انتي تشاوري بس

ليلي: عايزه اروح لدكتور

ادهم: انتي تعبانة؟ ننزل دلوقتي

ليلي: لا ما تخافش انا مش تعبانة انا علشان تأخير الحمل

ادهم: تاني يا ليلى؟

ليلى: احنا بقالنا تقريبا سنتين اهو

ادهم: ما تحسببش الفترة الاولى احنا اتجوزنا من يوم ما
جيتي هنا

ليلى: انا بقالي يجي 9 شهور هنا وبعدين بيقولو نستني 6
شهور اكر من كده نتظمن وانا عايزه اتظمن ارجوك
ادهم: ليه احنا مبسوطين كده ليه بتدوري علي حاجه
تشغلي نفسك بيها

ليلى: انا عايزه اخلف منك عايزه عيال كتير عايزه اكبر
عيلتنا انت مش عايزه؟
ادهم: عايز طبعا بس لو ربك مش رايد هتعملي ايه؟

ليلى: مش عايزه اسبق الاحداث

ادهم: مش عارف ليه مش مظمن بس حاضر هشوف حد
كويس نروح عنده اتفقنا

اجابتها كانت بوسه طويله جد اااااا

ادهم سال ابوه صبري علي دكتور كويس يروحوله وفعلا
شافلها دكتور كويس وراحوله كشفوا عنده وعملها
تحاليل واشاعات كتير جدا حتي ادهم عاد التحاليل
بتاعته تاني

طلعت النتيجة و الاتنين قدام الدكتور علشان يقولهم
النتيجة

الدكتور: احنا عملنا تحاليل واشاعات كتير علشان قبل
ما اتكلم اكون متأكد من كلامي
ليالي: ارجوك اتكلم علي طول من غير مقدمات
الدكتور: انا اسف

مكاوي الكتب

الحلقه الحاديّة عشر

طلعت النتيجة و الاتنين قدام الدكتور علشان يقولهم
النتيجه

الدكتور: احنا عملنا تحاليل واشاعات كتير علشان قبل
ما اتكلم اكون متأكد من كلامي

ليالي: ارجوك اتكلم علي طول من غير مقدمات

الدكتور: انا اسف بس حضرتك عندك عيب خلقي في
الرحم وده هيمنع الخلفه وبعدين حتي لو حصل حمل
واستمر لحد الخامس او السادس وهينزل انا اسف يا ابني
بس ساعات ربنا بيختار لنا الصالح لانه حتي لو حصل حمل
واستمر لحد السادس مثلا برضه هينزل ده غير انه ممكن

يضر بحياتها

ليالي: انت متأكد؟

الدكتور: علشان كده كنت بعيد كل حاجه علشان قبل
ما اتكلم اكون متأكد من كلامي

الدكتور فضل يتكلم كثير بس ليالي كانت في عالم
تاني مغيبه لانها حست ان كل عالمها بينهار قدامها
ادهم اخدها وروحوا وطول الطريق ساكتين ودموعها
بتهدد بالانهيار في اي لحظه

وصلوا البيت وهيا دخلت اوضه النوم وقعدت علي السرير
وادهم جنبها مش عارف يقولها ايه او يواسيها ازاي ؟

مره واحده قامت وقضت

ليالي: انا هاخذ شاور محتاجه اخذ شاور

دخلت وقضت تحت الدش وفجأه بدات تعيط وتعيط وانهارت
من العياط

ادهم سمعها ودخلها قعد جنبها في الارض واخدها في
حضنه وسابها تعيط لان مضيش اي كلام ممكن يتقال
ويخفف عنها هيا محتاجه تعيط شويه وقام وقف وقفل
الميه وشالها لبسها هدومها وحطها في السرير

ادهم بحنيه: ليالي انا مش هقولك ما تزعليش او ما
تعيطيش بس كل اللي هقولها لك خدي وقتك وازعلي
بس عايزك تعرفي حاجه مهمه ان موضوع الخلفه ده مش

فارق معايا نهائي ايوه كان هيبيقي حاجه حلوه بس مجتش
 خلاص انا بحبك انتي وعايذك انتي وده المهم انتي
 حبيبتي وعيلتي الصغيره ومش عايز حاجه ثانيه من الدنيا
 غيرك فاهماني ولو عايزه احنا ممكن نتبني المهم
 ارتاحي دلوقتي

او لو تحبي ممكن تنزلي البلد

ليالي: لا يا ادهم مش عايزه انزل كل واحد هيسالني
 مخافتيش ليه ولسه واسئلتهم مش هتخلص مش عايزه اسافر
 عايزه افضل هنا في حضنك خليني هنا

ادهم: طبعا ارتاحي شويه

نامت في حضنه وهو استني لحد ما نامت وقام من جنبها
 وطلع بره اتصل بابوها

ادهم: ازي حضرتك

عم محمود: اهلا ليالي اخبارها ايه؟

ادهم: الحمد لله المهم ممكن تيجي عندنا حضرتك
 ومامت ليالي شويه

عم محمود: طيب ما تيجو انتو واهو ليلي تشوف العيله
كلها

ادهم: لا معلى مش هينفع ممكن تيجي انتي

عم محمود: في ايه ليلي مالها؟ انت عملت فيها ايه وهيا
جرالها ايه انطق

ادهم: ديما انا ببقى المتهم رقم واحد بالنسبالك المهم
هيا كويسه هيا محتجالك هتيجي اهلا وسهلا مش هتيجي
براحتك

كمل كلامه وقفل السكه وابوها روح بيته قال لمراته
واتحرك علي المحطه
الصبح بدري اتصل بادهم

عم محمود: ! احنا في الحطه هتجيلنا ولا ناخذ تاكسي
ادهم: لا هجيلك انا في الشارع اصلا خمس دقائق واكون
عندك

ادهم وصلهم وسبلهم عليهم واخدهم علي البيت

عم محمود: في ايه بنتي مالها وعملت فيها ايه؟

ادهم: معملتش فيها حاجه هيا لس تعبانة نفسيا اما من ايه
فها حره تقولكم ولا لا

عم محمود: وهو في غيرك ما اكيد انت منكد عليها
وسودت عيشتها وكابتها

ادهم داس فرامل وبص لعم محمود

ادهم: بقالك 3 سنين تعرفني امتي شفت مني حاجه وحشه
علشان كل شويه باتهام شكل امتي بقي هتفهم اني بحب
بنتك واكثر واحد في الدنيا دي كالحا تهمه سعادتها؟؟؟

ابو ليلي سكت وماردش عليه

ام ليلي: سيبك منه يا ادهم المهم هيا مالها يا حبيبي فيها
ايه؟

ادهم: مخنوقه بس شويه فقلت اكلكم تيجوا وتحاولو
تخرجوها من المود اللي فيه

وصلو البيت وادهم دخل يصحيا ويدوب دخل وقعد جنبها
لقي ابوها فوق راسه

ادهم: مفيش فايده فيك

عم محمود: انت لسه داخل بهدومك عايز ايه وبعدين
بقالي اكثر من 9 شهر مشفتهاش

ليلي حست بيهم فتحت عنيهما واول ما شافت ابوها رمت
نفسها في حضنه وقعدت تعيط امها دخلت لقتها بتعيط في
حضن ابوها

عم محمود: في ايه بس يا ليلي اكيد هو زعلك مش
بتعيطي كده غير علشانه

ليلي: لا يا بابا المره دي انا الي مزعلاه مش هو
هنا ادهم قام شدها من حضن ابوها ومسكها
ادهم: مين قال ان انا زعلان منك انا مش زعلان ولو زعلان
هيبقي علي زعلك انتي مش علي حاجه تانيه

ليلي: كان نفسي اعملك عيله صغيره
ادهم: انتي عيلتي الصغيره ومش عايز غير كده انتي وبس
كفايا

عم محمود: انتو مش ملاحظين ان احنا عمليين زي الاطرش
في الزفه ما تشركونا معاكم

ادهم: هسيبكم انا واروح شغلي وانتو خليكم براحتكم

حكت ليلى لابوها وامها كل اللي حصل وابوها قالها ان

كلام كبير زي ده محتاج كذا راي مش راي واحد بس

ليلى اقنعت جوزها انها تشوف دكاتره تانيين وهو قدام

اصرارها وافق

وهو مع ابوها: كنت فاكرك هتيجي تهديها وتخليها

تقتنع بمصيرها مش هتجرجرها من امل لامل ومن صدمه

لصدمه

استعد بقي لكسر قلبها كل شويه

كل دكتور بيعمل فحوصات وتحاليل ويقولها نفس

الكلام وكل يوم بتنهار اكتر واكتر

عم محمود: في دكتور بيقولو عليه

قاطعه: مفيش دكاتره تاني خلاص

عم محمود: بس ده

ادهم: ما بسش قولت خلاص يبغي خلاص مش هنروح

لدكاتره تاني واقلل الكلام بقي

ابو ليلى وامها قعدوا معاهم شويه ومشوا
 ادهم بيحاول بكل طريقه يشغل وقت ليلى
 بفسح بخروج بلعب باجازات ده غير انه شافها شغل يسيلي
 وقتها

بس طبعا بيلاحظ نظرتها لكل عيل صغير او واحده حامل
 نظره وجع والهم وحرمان

فاتت سنه ليلى رفضت تنزل فيها البلد نهائي وكل كام
 شهر بيجي ابوها يزورها ونظرته لادهم اتغيرت تماما لانه
 شاف منه الحب والاخلاص واهتمامه الشديد بانه يسعد
 مراته وجه العيد الكبير وابو ليلى اصر انهم يجوا يعيدوا
 معاهم واجبر ادهم انه يشترك معاهم في الاضحيه
 سافروا ليهم البلد واستغرب ادهم من استقبال ابو ليلى ليه
 وجه يوم العيد الصبح الكل صلي العيد واتفاجئ ادهم
 بانهم بيدبحوا في جنينه البيت وعم محمود هو اللي بيدبح
 وبيساعدوا اخواته واجواز بناته الاتنين صفاء ومنى
 واسماؤهم عمر وزكريا ادهم واقف وري مراته وحاضنها
 وايديه حواليا وهيا سنده عليه ابتسامتها مرسومه علي

شفايفها بس لكن جواها حزين ومكسور ودي اكر
حاجه بتوجع ادهم وابوها

عم محمود بصلهم وندم جواه جامد

ندم علي كل لحظه زعل ادهم فيها او حاول يبعده عن
بنته وفكر لو كان نجح وبعدهم عن بعض او جوزها واحد
تاني واكتشف انها ما بتخلفش وراح اتجوز عليها او طلقها
وساب بنته وحيدة هنا كان عمل ايه ساعتها ولا حال بنته
كان هيكون ايه

عينه دمعت ونسي هو بيعمل ايه ونسي انه ربط العجل
والمفروض هيدبحه

سرحانه خلي الحبل اترخي والعجل كان هيقوم ولو قام
محدث هيقدر يوقفه تاني وفعلا العجل هاج وزق عم محمود
وقعه ويدوب هيقف ادهم كان واقف فوقه وشد الحبل تاني
وسيطر علي الموقف

ادهم: هتفضل تتفرج كتير قوم ادبحه

عم محمود: انت اللي هتدبح السنادي

ادهم: انا مدبحتش قبل كده انا مش هقدر امسكه كتير
يا لا بسرعه

عم محمود مسك الحبل منه والكل ساعده

عطي ادهم السكينه

عم محمود ؛؟ مش بيفرق كتير عن دبح البني ادمين

ادهم: حضرتك بتهزر اتفضل ادبح

عطي ادهم السكينه واصر

عم محمود: سمى وكبر وانوي انها اضحيه اتوكل يا لا

ادهم اتردد وبص ليلي شاورتله وطمنته يدبح ومامتها

كمان شجعتة مسك السكينه وكبر ودبح والغريبه انه
دبحه اسرع من عم محمود الخير يمكن لانه خير في

التعامل بالسكاكين

عم محمود: وتقولي معرفش

ادهم: انا قلت ما دبحتش قبل كده ماقلتش معرفش

عم محمود وراه ازاي يساخ وادهم اتعلم بسرعه وکان اسرع
واحد فيهم

ده کان اول عيد لادهم يقضيه وسط عيله بجد
ودي کانت اول مره ادهم يعيش يوم عيد بجد
دخلت مرات اخو ليلي معاها عيل صغير يدوب بيخطي
ماسکه ايديه الاتنين وهو بيخطي ليلي بصتله نظره
حرمان طويله لاحظها ابوها وجوزها ادهم ساب السکينه
وقام وشد مراته

ادهم: بقولک هو اللي جعان هنا يعمل ايه؟

ليلى: يجي معايا اعمله تصبيره

ادهم: طيب بعد اذنکم

سابهم ومشي خطوه يدوب

عم محمود: اتفضل يا ابني البيت بيتک

ادهم کان ماشي واول ما سمع کلمه ابني وقف للحظه
وبص لعم محمود وبعدها مشي

اخذ مراته وفضل يدلع فيها اتغدوا كلهم مع بعض وبعدها
ايتاذنوا يمشوا

ليلي: يا لا يا جماعه احنا هنمشي بقي
ام ليلي: ما تخليكم يا ليلي قضاوا باقي اليوم
ليلي: لا يا ماما عايزين نريح شويه

عم محمود: طيب خدي جوزك واطلعوا فوق براحتكم
ليلي: لا معلىش خلىنا نروح بيتنا وممكن بالليل نيجي

عم محمود: ادهم

ادهم: افندم

عم محمود: كنت عايز اقولك

ادهم: تقول ايه اتفضل

عم محمود: يعني قصدي

ليلي: في ايه يا بابا اتكلم علي طول

عم محمود: قصدي انك تقولي عمي اوبابا بلاش
حضرتك دي

ادهم اتصدم بكلامه وافتكّر ابوه وصبري وعم محمود
نفسه لما كلهم قالوه احنا ما يشرفناش تقول الكلمه دي

ادهم: اسف بس مش هقدر ليلي هستناكي بره

عم محمود: ليلي سامحيني يا بنتي علي كل مره حاولت
ابعدكم فيها عن بعض بس والله كان خوف عليكي
كنت خايف ما يكونش بيحبك كنت خايف يجرحك
وبغبائي كنت انا اللي بجرحك قوليله يا ليلي يسامحني
ليلى: اولاً انا مش زعلانه منك وادهم مش من النوع اللي
بيشيل في قلبه كره لحد هو محتاجوبس وقت يتعود فيه

علي الوضع ده

روحوا الاتنين البيت وادهم سابها وخرج شويه

ليلى حسّت ان ادهم موجدوع وفكرت في كل الفترة اللي

فاتت لقت انها اهملت ادهم ومشاعره

هو طول الوقت بيدلع فيها ويحاول يخرجها من حالتها وهيا

علي طول بتندب حظها وشاغله نفسها بموضوع الخلفه

وبس

فقامت لبست فستان جديد كان ادهم جابه وهيا ما
لبستوش واتشيكت وحطت ميك اب واستعدتله

ادهم رجع واستغرب الجو

ادهم: خير ده بمناسبه ايه؟

ليالي: عيد بقي كل سنه وانت طيب

ادهم: كل سنه وانتي معايا وحببتي ديما

رقصوا واتبسطوا وسهروا مع بعض

اخر الليل كل واحد نايم بس مش نايم

ليالي: ادهم انت نايم

ليالي: لا يا ليالي

ليالي: ممكن اسالك سؤال

ادهم: طبعا

ليالي: هو انت ليه رفضت طلب بابا؟ بتكرهه وماتخافش

مش هزعل منك

ادهم: هههههه لا يا ليلى اقولك علي سر؟ عارفه ابويا علي
الرغم من كل اللي عمله ده الي اني معرفتش اكرهه فما
بالك ابوكي الي كل اللي عمله انه خايف علي بنته
وعايز يطمئن عليها؟؟؟ اذا كان انا كنت خايف عليكي
مني ومكنتش مطمئني وكنت خايف معرفش اسعدك

ليلى: طيب انت زعلان منه؟

ادهم: مش حكايه زعلان بس انا مش مستعد لحاجه زي دي
عارفه يا ليلى احساس اليتيم اللي تاخديه من الشارع
وتدوقيه طعم العيله والحب والدفا وبعدها ترميه تاني في
الشارع وتخليه يرجع للحرمان والبرد تاني وتاخديه تاني
وترميه تاني بيوصل لمرحله انه بيقول قسره الشارع ولا
جنت البيت فانا برضه بقولك قسوه ابوكي ولا جنته

ليلى: بس هو عايزك تسامحه

ادهم: قوليله ان انا مش زعلان بس اكر من كده معلى
مش هقدر

خلصت اجازتهم وماشين بس ابو ليلى انفرد بادهم

عم محمود: ادهم انا عايزك تسامحني علي

ادهم قاطعه: سبق وقولت ليلي اني مش زعلان منك علشان
اسامحك وبعدين انا عاذرك علي كل حاجه حصلت
خلاص سيب الوقت يعدل كل حاجه

عم محمود: ولما خلاص امال رافض تقولي عمي او بابا ليه؟

ادهم: اسف بس بابا مش هقدر ولا عمي كمان
انت حاسس بتانيب ضمير علشان بس بنتك ما بتخلفش
وانا معاها انت مكنتش مصدق اني بحبها ومهما يحصل
عمري ما هبعد عنها بس احب اقولك ان لو الوضع
معكوس مكنتش هتخليها لحظه واحده علي ذمتي

عم محمود: لا يا ابني انا بس شوفتك علي حقيقتك زي ما
ليلي شايفاك

ادهم: طيب خلاص سيب الايام بينا بعد اذنك
اخد ادهم مراته وسافر والايام معتدله بينهم

ابو ليالي اتعزم في فرح واحد صاحبه في بني سويف في
 قريه صغيره وعزمه واصر انه يجيب ليالي وجوزها لانه ما
 شفهاش من وهيا عيله

عم محمود اصر علي ادهم يجي وما عطاوش فرصه يرفض
 نهائي

راحو يوم الحنه والكل قابلهم بحب وترحيب

اتبسط الكل يوم الحنه

وعلي الفجر ادهم معرفش ينام فخرج يتمشي في الغيطان
 ومراته حصاته فضلووا يتمشوا هما الاتنين مع بعض
 ليالي: ياه لو الواحد يعيش في مكان زي ده من غير هموم
 ولا شغل ولا اي حاجه

ادهم: وانت ايه الهموم اللي عندك

ليالي: متشغلش بالك انت

ادهم: موضوع الخلفه صح وبعدين يا ليالي قولتلك لو
 عايزه نتبني عيل صغير ونربيه

ليلي: لا مش عايزه اتبني انا عايزه اربي ابنك انت ايه
رايك يا ادهم لو تتجوز وتخلف؟

ادهم: ههه خفه يا بت بطلي هزار بقي

ليلي: انا مش بهزر علي فكره تتجوز وتخلف وبعدها اربي
انا ابنك

ادهم: اتجوز واخلف وبعدها ايه نقتلها ولا نديها استماره 6
ولا ايه بالظبط؟

ليلي: ههه حلوه نقتلها دي!!! لا احنا بس نديها قرشين
وتولد وتقبض وتمشي

ادهم: لا طبعا بغض النظر ان الجواز المشروط ده حرام وان
تأجير الرحم اللي بتتكلمي عنه ده حرام انا مش عايز
اتجوز واحده تانيه

ليلي: ليه في رجاله كتير بعد ما بيتجوزوا بيبقي نفسهم
يغيروا ولو مره انا اهو بديلک الفرصه دي

ادهم: ده مين ضحك عليكى وقالك كده؟ انا مش عايز
واحد تانيه غيرك فاقضلي الموضوع ده وبعدين مين
قالك علي الفكره المتخلفه دي اوعي يكون ابوكي ده
انا بدات احبه

ليلى: لا شفتها في فيلم هندي

ادهم: هندي؟؟؟ ليهم حق يتريقوا ويقولو فيلم هندي
ليلى: والله كان فيلم لذيذ كانوا اتنين بيعحبوا بعض جدا
ومراته جابتله واحده حلوه واتفقت معاها تخلف وتديهم
الببي وتمشي

ادهم: وهيا وافقت وخلفت ومشيت ده ايه الفيلم الهابط ده
ليلى: لا مش كده المشكله بقي ان البنت حبت الراجل
واتمسكت بالببي ولما مراته طلبت منها الببي قالتها انها
مستعده تديها الببي بشرط تديها جوزها

ادهم: وانتى بعد كل ده برضه عايزه تجيبي واحده بينا
شرفي يا ليلى لو هخلف هي بقي منك مش عايز عيال من
واحد غيرك اتفقنا

وهما ماشيين ادهم مره واحده وقف

ليلي: في ايه مالك؟

ادهم: المكان ده مش غريب عليا حاسس اني جيت هنا
قبل كده

ليلي: جيت شغل يعني ولا ايه؟

ادهم ماشي لحد ما وصل لعشه صغيره ووقف قدامها

ادهم: لا مش شغل ما جيتش وانا كبير بس جيت هنا مش
عارف

ويدوب بيتكلموا الباب اتفتح وخرجت ست كبيره

ادهم: احنا اسفين لو قلقناكي

الست: لا يا ابني يا اهلا بيكم

ليلي: جوزي بيشبه علي المكان بس حاسس انه جه هنا
قبل كده

الست: انا حساك برضه مش غريب عليا انت اسمك ايه

ادهم: اسمي ادهم

الست: ادهم ايه

ادهم: ادهم صبري

الست: اه لا ما اعرفكش انا اسمي امينه اتفضلو بقي نفطر
مع بعض

ادهم: لا مش هينفع احنا ضيوف هنا ولو الناس فاقوا مش
لاقونا هيقلقوا علينا ومش بعيد يكونوا بيدورا علينا يالا
فرصة تانيه

سابوها ومشى قضاوا الفرح ومشىوا وادهم الست دي هتجننه
احساسه شديد انه يعرفها

حاول يجمع عنها معلومات بس برضه ما وصلش لحاجه
المهم الايام بتعدي والحياة ماشيه بروتين وفي مره ليلي
تعبانه جدا بترجع وتعبانه

ادهم لما تعبها استمر اخدها للمستشفى حجزوها وكشفوا
عليها وعملولها تحاليل

الدكتور دخل عليهم

ادهم: خير يا دكتور في ايه؟

الدكتور : خير مبروك المدام حامل

الاتنين اتصدموا وفضلوا شويه مش مستوعبين كلامه

ليالي: حضرتك متأكد

الدكتور: طبعا الحمل واضح

ادهم: طيب معاش ممكن تجهزوها هاوز انقلها لمستشفى

الدكتور صبري

الدكتور: خير ليه احنا المستشفى هنا مجهزه ومستواها

قاطعه ادهم: دكتور صبري يبقي والدي مش حكايه

رعايه

الدكتور: اه طبعا تحت امرك

سابهم الدكتور وراح يجهز نقلها

ليالي: انت ليه بتعمل كده؟ ليه مش عايزني افرح؟؟

ادهم: انا مش عايزك تفرحي؟؟؟؟ انا مش عايزك

تتصدمي او تعيشي في وهم وتفوقي منه

وبعد ما تفرحي ويحصل اجهاض او يوصل للخامس ووتتعلقني

بيه وينزل ده ساعتها هتفرحي ولا ايه؟

ليالي: مش عايزه افكر في بكرة

ادهم: لا يا ليلي وانا مش عايز افرح انا وانتي بوهم وبكره
الاقى نفسي لوحدي

ليلى: متبقاش اناني

ادهم: لو في حد اناني يبغي انتي ديما ما بتفكريش غير
في اللي انتي عايزاه وبس

علي العموم الدكاتره اللي هتحدد مش احنا اقللي بقي
الكلام دلوقتي

ادهم سابها وراح يعملها ورق النقل واتصل بصبري ابوه
بالتبني يبالغه الوضع ويستدعيه دكتور اسامه عبد
الكريم اللي راحوله اول واحد

نقلوها للمستشفى وطبعا اتعملها كشف شامل كل شئ
وتحليل واشاعات كتيره

وجه وقت المواجهه

ادهم ويلي وصبري كمان معاهم ومستنين رايلي الدكتور
اسامه

صبري: هاه يا دكتور طمنا الوضع ايه؟

الدكتور: والله كان نفسي اطمنكم بس الوضع ما
تغيرش وزى ما سبق وقولتلكم ان حتي لو حصل حمل مش
هيكمل الرحم بتاعك من النوع المعادي يعني هيعتبر
الجنين جسم غريب وهيهاجمه وهيقتله ده غير ان جسمك
كله هيرفض الوضع ده واهو باين من اوله جسمك تعبان
ترجيع مستمر دوخه والوضع ده هيسوء اكثر وبالتالي
صحتك هتدهور ولو انا عندي اي امل ان الحمل يكمل
كنت هقولك نخاطر واهو هنغديكي بالمحاييل بس
للاسف

ليلى: ولو طلبت اننا نكمل الحمل ونشوف هنوصل لايه؟
الدكتور: المشكلة ان صحتك هتدهور جامد وساعتها
مع اجهاض في الشهر الخامس او السادس مش هيكون
عندك القوه الكافيه انك تواجهي الوضع ده ولو اي شئ
حصل غلط حياتك هتبقى التمن

عارفه ابسطها لك علي الاخر انتي عندك جهاز شغال
بموتور والجهاز فيه مشكله والموتور شغال والمفروض انه
بيريح ويشغل لكن انتي في مشكله والموتور شغال علي
طول فوق طاقته وانت بتحملي زياده عليه ايه اللي هيحصل

بالعامية كده الموتور هيتحرق والجهاز كله هينفجر او
هيولع

الجهاز ده جسمك والموتور هو قلبك

فهمتي بقي ان المخاطره عاليه

ليلي: ولو انا مستعده اخذ المخاطره دي؟

ادهم: بتخاطري بحياتك؟؟؟ علشان ايه؟؟؟

حمل احتمال اه واحتمال لا

الدكتور: جوزك عنده حق انا ممكن اخاطر بس ده لو
المخاطره بالجنين نفسه مش بحياتك انتي احتمال ان
الحمل يكمل نسبه ما تتعداش ال 4% ولو النسبه دي ما
تخطتش ال 50% ما بنصحش بالحمل فما بالك ب 4%

والمخاطرة بحياتك لا طبعاً

ليلي: يعني المفروض نعمل ايه؟

صبري: يعني يا ليلي المفروض نعملك اجهاز

ليلي: يعني اقتل ابني بايدي

الدكتور: يا بنتي هو لسه ما بقاش ابنك ده يدوب خمس
اسابيع حتي لسه مفيهوش نبض

وعلشان كده لازم نعمل بموضوع الاجهاض قبل ما يبقي
روح لان ساعتها مش هينفع هيبقي فعلا بنقتله

ادهم: طيب خلاص هنستني ايه حدد المعاد بتاع العملية

ليلي: لا يا ادهم لا

ادهم: لا ايه؟ وهنستني ايه؟ تتعلقي بيه؟ وتصعبي

الموضوع

الدكتور: سياده المقدم احنا قدامنا حوالي 3 اسابيع اديها
وقتها وخليها تاخد قرارها براحه

ادهم: احنا لسه عارفين الموضوع ده النهارده يعني ملحقتهش
يبقي دلوقتي اسهل من بعدين

ليلي: عمره ما هيبقي سهل يا ادهم ابدأ

ادهم: طالما مش هيبقي سهل يبقي دلوقتي

ليلي: لا يا ادهم لا

صبري: خدّها البيت النهارده وخليها ترتاح واتناقشوا في
الموضوع براحه

ادهم اخدها وروحوا وطول الطريق ساكتين

آخر الليل كل واحد نايم بس مش نايم

ليالي: انا مش هقدر انزله يا ادهم

ادهم: وانا مش هقدر اسيبك تروحي مني

ليالي: نجرب

ادهم: التجربه دي بتبقي في حاجه عادي لو خسرتها

لكن انتي مش عادي ابدأ اني اخسرک

ليالي: حتي لو مت مش يمكن ينقذوا البيبي

هنا ادهم قام واتعدل

ادهم: نعم يا اختي بتقولي ايه؟ ينقذوا ايه؟

انتی بتهرجي صح؟

ليالي: ليه هي بقي معاك حته مني

ادهم: انتي مش طبيعیه ابدأ... اقضي بقي الكلام

ليالي: لا يا ادهم مش هقفل الكلام هتربي ابني

وهتكبره و

قاطعها: وايه؟ هجبه مثلا؟ هحب الشئ اللي قتلك وحرمني

منك؟؟ انتي متخيله ان انا ممكن اتقبله اصلا؟؟؟

ليالي: انت بتقول ايه؟ مش هتحب ابنك؟

ادهم: اه يا ليالي مش هجبه وهكرهه

ليالي: ناقص تقولي هتعمل فيه زي ما ابوك عمل فيك

ادهم سكت شويه

ادهم: انتي عارفه اني دلوقتي بس بدات اعذره واديله مبرر

للي عمله فيا لان انا ممكن اعمل اكتر بكتير من اللي

هو عمله لو ده حصل

انا ممكن اخنقه بايديا دي

ليالي: انت بتقول ايه؟

ادهم: اللي سمعته ويمكن ربنا يكون عمل كده

علشان يخيني احط عذر لابويا لاني كنت مقتنع ان عمر
ما في اب بيكره ابنه لكن دلوقتي عرفت ان في اسباب
تخلي الاب يكره ابنه ويقتله كمان

ليلي: ايه اللي انت بتقوله ده؟

ادهم: اللي انتي سمعته.... انا مخنوق وهطلع بره في الهوا
بعد اذنك

سابها ومشى وهيا فضلت تفكر هل ممكن تنزل البيبي بعد
كل ده؟؟؟ مش ممكن تكون دي فرصه وربنا بعتها لها
يبقي ازاي تضيعها؟؟

بتعدي الايام وهيا كل يوم بتتعب عن اليوم اللي قبله
وادهم تقريبا معظم الوقت معاها بس من غير كلام

هما الاتنين بيتجنبوا بعض لحد ما ادهم فاض بيه

ادهم: اعملي حسابك اني هاخدك بكره تعملي العمليه
سواء برضاكي او غصب عنك

ليلي: لا يا ادهم انت مش هتجبرني؟

ادهم: جربيني ووريني هتمنعيني ازاي؟

هو خرج وهيا اتصلت بابوها وطلبت يجيها وطبعا ابوها مش
 بيتاخر وصل ثاني يوم الصبح بعد ما ادهم نزل شغله
 ليلى حكتله علي الوضع كله وطلبت من ابوها انه يقف
 جنبها

عم محمود: جوزك المره دي عنده حق انتي بتخاطري
 بحياتك

ليلى: ولو ده فرصه ربنا ادهالي علشان ابقى ام وانا رحت
 ضيعتها كده يبغي ايه؟

بابا انت راجل مؤمن وعارف ان لو عمري انتهي يبغي مفيش
 حاجه هتمده بس لو دي فرصتي وانا ضيعتها مني هعمل
 ايه؟ انا لازم اتمسك بيه لآخر لحظه وانت لازم تحميني
 من ادهم لانه يقدر يجبرني

عم محمود: لا يا ليلى ولو جراك حاجه اسامح انا نفسي
 ازاي ولا حتي ابص في عين جوزك ازاي؟ انتي بنتي
 حبيبتني ازاي اساعدك تموتي نفسك؟

ليلى: انا بحاول اكمل حياتي وانت طول عمرك بتقف
 جنبي في الصبح وفي الغلط يبغي ما تتخلاش عني

عم محمود: انا مش بتخلي عنك بس المره دي لا

ليلي: طيب خلاص هاتلي ضمان ان انا لو احتفظت بيه

هموت او لو نزلته هعيش

عم محمود: الموت والحيا مفيهوش ضمانات ربنا بس اللي

يعرف الغيب

ليلي: بس انت قلت المفيد مفيش ضمانات يبقي اجرب ولا

استسلم؟؟؟

عم محمود: بس ربنا قال ولا تلقوا بأيديكم الي التهلكه

ليلي: ايوه بس قال اعقلها وتوكل وانا هتوكل عليه واللي

هو رايده هيكون لو دي نهايه عمري يبقي هينتهي حتي لو

نزلته ولو كاتبلي اخلف هبقي اسعد انسانه في الدنيا

وبعدين يا بابا لو نزلته عمري ما هعرف طعم السعاده

عم محمود: حب ادهم ليكي هيسعدك

ليلي: مش هسامحه اصلا لو اجهضني وقتل ابني مش هعرف

اعيش معاه تاني يعني حياتي انتهت من كل النواحي

واخيرا ابوها اقتنع بوجهه نظرها

عم محمود : المشكله دلوقتي ان لا انا ولا انت نقدر نوقف
ادهم لو اصر يوديكي المستشفى

ليالي : لا تعمل زيک

عم محمود : ازاي؟؟؟

ليالي : بنفس الطريقة اللي كنت هتخليه يطلقني بيها يوم
فرحي هجرحه زيک انا عارفه كل جروحہ وعارفه
نقاط ضعفه

المشكلة بس انا محتجالة ومش عيزاه يسيبني

عم محمود: يبقي تنسي الهبل ده

ليالي: لا مش هقدر

عم محمود: ولو خسرتيه؟ انا اجرحه حاجه لكن جرحك
انتي هيبيقي حاجه تانيه ممكن ما يسامحكيش

ليالي: لا هيسامحني ادهم بيحبني

عم محمود: انتي حره بس خلي بالك ان انتي بتهدى
بيتك بايدك

ادهم رجع من شغله بدري واتفاجئ بعم محمود ومكنش
متفائل

دخل لمراته علشان ياخذها المستشفى

ليلي: ادهم انا اخدت قراري مش هعمل اجهاز

ادهم: كنت اتمني انك تقتنعي بنفسك بس طالما انتي
مش هماكي حياتك

قاطعته: حياتي هماني بس لو مش هخاطر بيها علشان
حاجه زي دي يبغي لازمته ايه !

ادهم: انا معنديش استعداد اخسرک ولو هتخليني اشيأك
غصب وادخالک لحد اوضه العمليات مش هتردد
ليلي: لا يا ادهم مش من حقك

ادهم: لا حقي يا ليلي حقي اني احافظ علي حياتك
افتكرت كلام ابوها ومكنش قدامها غير الطريقة دي
ليلي: وانا بسحب منك الحق ده

ادهم: يعني ايه مش فاهم؟؟

ليلي: يعني لو هختار بينك وبين البيبي هختار البيبي مش
انت

ادهم باند هاش: انتي بتقولي ايه؟ بطلي تخريف وانتي
ضامنه انه هيكمل

ليلي: هيكمل او مش هيكمل ده قراري انا معنديش
استعداد اعيش عمري كده ومتشكره ليك انك فضلت
جنبي لما انا مخلفتش بس انا مش هقدر اكمل انا زهقت
من عيشتي معاك وكنت هحط حد لحياتنا مع بعض لاني
كنت مليت بس بعدها اكتشفت موضوع عدم الخلصه ده
وساعتها بابا اقنعني اني افضل معاك لان محدش تاني
هيرضي يرتبط بيا فاضطريت استحمل العيشه معاك بس
زهقت ودلوقتي جاتلي فرصه اني اخلف ومبقاش بور يبقي
اضيعها علشان افضل معاك انت؟؟ انهي منطق ده

ادهم: ليلي فوقي وشوفي انتي بتقولي ايه

ليلي: انا فايقه كويس قوي بس انت اللي محتاج تفوق... انا
مش هكمل عمري كله مع واحد مشوه واهو جاتلي

الفرصه اني اخلص منك ومن سجنك فحتي لو هخسر
حياتي فده ارحملي من اني اعيش عمري كله مع واحد
مشوه زيک

ادهم: ليلي انتي عارفه انتي بتعملي ايه؟ مش لازم تعملي
كده علشان تخليني اوافق

ليلي: انا بوضح الامور مش اكثر

ادهم: لا انت بتحبيني وانا واثق من حبك

ليلي: كنت بحبك او كنت فاكركه نفسي بحبك بس
خلاص الزهوه راحت والغمامه انزاحت وبقيت شايفاك زي
ما الكل شايفك معدتش قادره استحمل كميه الجروح
اللي في جسمك وفي وشك دي مش قادره

ادهم: بس كفايه... كفايه يا ليلي ما تتكلميش اكثر
من كده.... شوفي عايزه تعملي ايه انتي حره

ليلي: هحتفظ بالبيبي ومن هنا ورايح انت مالکش دخل بيا
او بيه

ادهم: مش هتسيبي البيت وتمشي

ليلي: محتاجه الشقه دي علشان ابقى قريبه من المستشفى
لان الموضوع مش سهل الا لو انت عايز تطلقني وتطردني
دي حاجه ترجعك

ادهم: لا يا ليلي ولا هطردك ولا هطلقك الا لو انتي
عايزه

ليلي: مش وقته الطلاق دلوقتي وبعدين لو مت خلاص لو
عشت بقي ساعتها نبقى نشوف هنعمل ايه؟
ادهم: علشان كده جبتي ابوكي!!! طيب بما ان وجودي
بيضايقك وشكلي مضايك قوي كده يبقا اسيباك
البيت ترتاحي فيه مع ابوكي

بعد اذنك

سابها وخرج... خرج من الشقه ومن حياتها كلها
عم محمود: اعتقد يا ليلي انك المره دي خسرتي ادهم
نهائي

ليلي: لا هيرجع

قعدت في الارض وفضلت تعيط

ليلي: لازم يرجع لاني مقدرش اعيش من غيره

عم محمود: انتي مش بس جرحتيه انتي هنتيه فهمتيه

انك مشمئز من شكله هنتي رجولته وده مش شيء

ممکن ينسأه او يسامحك عليه

ادهم خرج وهو مش مصدق كلامها هو عارف ومتأكد انها

بتقول كده علشان تمنعه ياخدها غصب بس كون انها

مستعده تجرحه بالشكل ده علشان شيء لسه في علم

الغيب ده واجعه

الجزء الوحيد اللي صح في كلامها انها فعلا اختارت ابنها

وما اختارتوش هو

امال ليه هو مستعد يبيع الدنيا كلها علشانها؟؟؟

الحلقة الثانية عشر

ادهم خرج وهو مش مصدق كلامها هو عارف ومتأكد انها
بتقول كده علشان تمنعه ياخذها غصب بس كون انها
مستعدة تجرحه بالشكل ده علشان شئ لسه في علم
الغيب ده واجعه

الجزء الوحيد اللي صح في كلامها انها فعلا اختارت ابنها
وما اختارتوش هو

ليالي كل يوم بيعدي بتتعب اكر واکتر وابوها وامها
جنبها وتقريباً وقتها اقلبه في المستشفى
في يوم كانت تعبانه قوي نفسياً وجسدياً ابوها مش عارف
يعمل ايه لانه عارف انها محتاجه جوزها جنبها وده اكر
شئ واجعها

اتصل بيه يقنعه يجي بس ادهم رفض وقاله ان ده اختيارها
هيا يبقي تتحمل نتيجته وانه معدش عنده اي شئ
يقدمهولها

آخر ما ابوها فقد الامل انه يقنعه لعب باخر ورقه في ايده
اللي عارف ان ادهم بعدها هييجي غصب عنه

عم محمود: طيب بما انك مش عايز تيجي ممكن تيجي
بس تدفع حساب المستشفى انا اخر فلوس معايا خلصت
وهبعت اجيب من البلد بس حاليا لازم ندفع الفاتوره

ادهم: وانت حضرتك بتدفع ليه الفواتير انا هدفعها ثواني
واكون عندك

قفل السكه وابوها ابتسم ان خطته نجحت كل اللي
مطلوب بقي انه يعرف قد ايه هيا محتاجاه
ادهم فعلا جه ودفع فاتوره المستشفى ويدوب هيمشي ناداه
عم محمود

عم محمود: ادهم استني

ادهم: افندم الفاتوره اتدفعت خلاص وشوف حساب
الحاجات القديمه وانا هدفعهم لك

عم محمود: سيبك من الفواتير القديمه ممكن دلوقتي
توقفلنا تاكسي نروح بيه

ادهم: انا هو صلكم يالا

عم محمود: يعني لو انت مشغول شوفلنا تاكسي و خلاص

ادهم: عمي محمود انجز قولت هو صلكم

ابتسم عم محمود لان خطته ماشيه زي ماهو عايزو ابتسم

لان ادهم اول مره يقول عمي

ادهم: انت مبتسم ليه كده؟

عم محمود: دي اول مره تقول عمي

ادهم: اسف مش

قاطعه: لا لا متأسفش ده انا ما صدقت تقولها هروح

اجيبهم

ابوها راح يجيب ليالي ومراته

ليالي: جوزك اهوه جيبتهولك حاولي تخليه جنبك

رجعيه ليكي

ليالي: مش عا رفه ازاي؟

عم محمود: زي ما بترجعيه كل مره

ليلي: كل مره بيبيقي في سبب باعدنا عن بعض خارج عن
ارادتنا مش انا اللي بعداه لكن المره دي انا جرحته
بنفسي

عم محمود: هو بيحبك وهيقدر انتي عمليتي كده ليه
وهيسامحك

امها: اعلمي زي ما عمليتي ساعت فرحك المهم تخليه
جنبك والباقي بيجي واحده واحده

جاب ليالي ومسندها هو وامها وهيا واقضه بالعافيه لحد ما
شافت ادهم وقربت منه راحت واقعه منهم فطبعوا ادهم جري
عليها ولحقها وشالها

ادهم: انت هتروح بيها كده؟

عم محمود: هيا كده كويسه بس بتدوخ بسرعه وعلشان
كده بتنام في السرير يالا نروحها

ادهم شالها لحد العربيه ودخلها ووصلها لحد البيت نزلوا من
العربيه وليلي سانداه علي العربيه مش قادرة تتحرك

عم محمود: ممكن تساعدنا لحد فوق؟

ادهم: اكيد

شالها ادهم تاني ودخل بيها العماره وساب ابو ليلى ومامتها
يجيبوا حاجتها من العربيه

ادهم دخل شقته ودخل ليلى لحد سريرها وحطها ويدوب
هيقوم فضلت ماسكه في رقبته واتقابلت عنيه

ليلى: ارجوك خليك انا محتجالك

ادهم: ما انا سبق وخلتني استفدت ايه؟

ليلى: ادهم انا محتجالك

ادهم: لا انتي محتاجه للبيبي اللي في بطنك وسيبتيني
علشانه (شد نفسه بعيد عنها) خليه هو ينفعك وسيبيني
انا اتعود علي عدم وبعدين انتي بتشمازي مني ولا نسيتي؟
وجودك بعد اذنك

ما ادهاش اي فرصه تتكلم وسابها ومشى قابل باباها بره

عم محمود: انت ماشى؟

ادهم: وانت كنت فاكرا ايه؟ هفضل جنبها وارقبها بتموت

بالبطئ لا شكرا سايبلك انت الدور ده انت اقنعتها يبقى

انت تفضل معاها لحد ما تموت بين ايدىك

عم محمود: انا ما اقنعتهاش انا سيبتها تاخد قرارها ووقفت

جنبها والمفروض انت تعمل كده تقف جنبها وتساندها

مهما كان قرارها صح او غلط زي انا ما عملت ساعت ما

اتجوزتك واهو دلوقتى

ادهم: ساعت ما اتجوزتني؟؟؟؟ ههههه انت عارضتها بكل

طريقه تقدر عليها وكنت بتبعدنا عن بعض كل شويه ليه

ما عملتش كده دلوقتى؟

عم محمود: عارضتها وهيا اصرت وفضلت معاك وانا ندمت

انى عارضتها لانها كانت صح وانا كنت غلط مش يمكن

المره دي برضه تبقي هيا الصح؟

ادهم: يمكن بس لو هيا غلط هيكون التمن حياتها

مستعد تخسرهما

عم محمود: لا مش مستعد بس حتي لما اتجوزتك كانت
التمن برضه حياتها

ادهم: لا طبعا لو احنا فشلنا كانت ايوه هتتعب بس نفسيا
والخساره نفسيه لكن بنتك لسه موجوده وقدامها الحياه
لكن دلوقتي التمن حياتها هتموت انت مش فاهم

عم محمود: محدش يا ابني بيموت ناقص عمر لو عمرها
انتهي يبقي حتي لو نزلته برضه هتموت باي طريقه ان
كانت

ادهم: معني كده انه ينفع اروح انتحر واقول عمري كده؟
عم محمود: لا ده حاجه ودي حاجه هيا ما بتنتحش هيا
بتحاول تجيب حياه هيا بتحاول تبقي ام هيا محتاجه ده
انت واجبك تقف جنبها حتي لو كان التمن حياتها

ادهم: انا اسف مش قادر افهم منطقك ده كل اللي فاهمه
اني كنت مبسوط وفجاءه كل حاجه بتتهد ومراتي نفسها
بتروح مني وانا المفروض اقف اتفرج اسف مقدرش

سابه ومشني وهو مش عارف يعمل ايه

ادهم فعلا فضل بعيد بيروحلهم ويشوف كل متطلباتهم
 وبيوديهم المستشفى ويجيبهم بس من بعيد لبعيد ومهما
 ليالي تعمل مش بيقرب منها ولا بيسامحها
 وصلت ليالي للخامس وصحتها في اسوأ ما يكون وهيا في
 المستشفى

عم محمود اتصل بادهم

عم محمود: ارجوك تعال اتخلي شويه عن كبريائك
 وتعال

ادهم: هو انت متخيل ان اللي مانعني كبريائي؟؟
 لو موضوع كبرياء كنت سببت بنتك من زمان قوي
 الموضوع اني مش عارف اقف اتفرج عليها كده

عم محمود: طيب انا اب وبترجاك حاليا تيجي ارجوك يا
 ادهم انا مستعد ابوس ايدك لو تحب؟

ادهم: حاضر يا عم محمود هاجي

جه ادهم وقابل الدكتور بتاعها

الدكتور: اللي بيحصل حاليا ده انتحار سياده المقدم احنا لازم ننهي الحمل ده ويمكن يمكن نقدر ننقذ حياتها

ادهم: ده مش قراري

الدكتور: امال قرار مين؟ انت جوزها وحتى لو اجبرتها من حقك لان هيا حاليا ما ينفعش تاخذ قرارات مصيره

ادهم: انا وهيا تقريبا منفصلين فمعدش من حقي هيا

اختارت ده هيا حره

سابه ادم مختار وابوها واقف متابع بصمت

الدكتور: طيب حضرتك ابوها اعمل حاجه

عم محمود: فضلت ثلاث سنين احاربها في اختيارها لجوزها وفي الاخر ندمت واخذت عهد علي نفسي اني عمري ما

هقف ضدها تاني مهما يكون اختيارها

الدكتور: بس الوضع مختلف دي حياتها

عم محمود: فعلا دي حياتها زي ما حضرتك قلت تعيشها زي

ما تحب هيا مش عايزه تعيش من غير اطفال وربنا اداها

فرصه بتستغلها محدش يعلم الغيب مش يمكن يكون ربنا
 كاتبها تبقي ام وتعيش مبسوطه بعدها مع جوزها ؟؟؟؟؟
 ادهم دخل ليلي والي استغرب شكلها قوي ضعيفه وهزيله
 وتعبانه جدا

قرب منها وابتسم

ادهم: مش كفايه كده

ليلى: انت هنا ولا انا بيتهيا لي

ادهم: انا هنا جنبك اهوه

ادهم مسك ايديها وباسها

ادهم: ارجوكي يا ليلي خليكى جنبى وما تسيبينيش
 لوحدي مش عايز اعيش لوحدي تاني

ليلى: انت اللي سايبني انا لو عليا افضل عمري كله تحت
 رجلك

ادهم: طيب يبغي خلىنا مع بعض

ليلى: يبغي خليك جنبى

ادهم: خلاص اتفقنا هنادي الدكتور واقوله انك وافقتي
تنهي الحمل ده وبعدها

قاطعته: انهي الحمل؟؟؟؟ بعد كل ده؟؟؟؟ دي هانت

ادهم: ليلي علشان خاطري انا

ليلي: لا علشان خاطري انا خليك جنبى مش هقدر اضيع
الفرصه دي

ادهم: مفيش فايده ديما بكون اخر اختياراتك

ليلي: طول عمرک اول اختياري عارضت الدنيا كلها
علشانك ممكن اكون غلطت وقصرت في حاجات بس
ديما انت اختياري انت حبيبي ورفيقي وصاحبى ودنيته
كلا وسيت الدنيا كلها وجيتلك اعيش معاك بس
حلمت يكون عندي عيال منك..... ده غلط؟؟؟

وبعدين اوعي تكون صدقت كلمه من اللي قلتها انا قلت
كده بس من خوفي لتجبرني انزله لكن انا بعشقتك
وبعشق ملامحك وكل حاجه فيك فارجوك خليك
جنبى لحد ما الحمل يكمل ساعدني اقف جنبى

ادهم: ولو ربنا مش رايد

ليالي: لو مش رايد مكنتش ابقى حامل ويكمل معايا
لد لوقتي مش يمكن ده اختبار من ربنا

البيبي كويس يا ادهم وصحته كويسه عايزني ازاي
اقتله؟؟

ادهم: بس هو بيقتلك

ليالي: هو بيحاول وبيحارب علشان يشوف النور وانا بحارب

معا

ادهم: وانا؟

ليالي: انت المفروض تقف جنبنا مش تتخلي عنا

ادهم: مش قادر اشوفك بتموتي علشان

قاطعته: انا اسفه بس انا عايزه اكون ام مهما يكون التمن

بحبك اه بس مش هقدر اكمل كده محتاجه البيبي ده يا

ادهم

مسكت ايده وحطتها علي بطنها في الوقت اللي البيبي

بيتحرك فيه

ادهم حس بحرسته ومكنش عارف يحس بايه

ليالي: اهو بيتحرك وعائز ابوه جنبه ارجوك ما تتخلاش
عننا ارجوك

ادهم سحب ايده ووقف

ادهم: عايزاني اعمل ايه؟

ليالي: تفضل جنبي وجودك بس كفايه

ادهم: حاضر يا ليالي هفضل جنبك بس لو حياتك كانت
التمن اوعي تتخيلي للحظه واحده اني هكون اب ليه وده

وعد مني

ليالي: ادهم

قاطعها: ده اخر كلام عندي يا اما همشي دلوقتي ومش
هتشوفي وشي تاني

ليالي: لا ما تمشيش ارجوك هنسب الحكم للايام

ادهم رجع معاها البيت وهيا اتحسنت شويه برجوعه لانه
اهتم هو باكلها كان ليه طريقته انه ياكلها ويهتم بيها

عم محمود: متشكر علشان رجعت

ادهم: انا رجعت علشانها مش علشانك

عم محمود: وده كفايا

ادهم رجع ليلي معاها وبينام جنبها بس حاطط حدود
بينهم يمكن لانها تعبانه او يمكن لانه برضه من جواه
مش قادر يسامحها

ادهم كان بيأكلها بايدو وبيعملها كل حاجه بنفسه
ورجع نوعا ما صفو الحياه بينهم

كان بيكلم البيبي ويتحاور معاه وكل ما يحس بابوه
كان بيتحرك جوا بطن مامته
بس علي الرغم من كل ده ادهم مازال حاطط حدود بينه
وبين مراته

مش عارف يرجع لطبيعته معاها ولا قادر يقعدوا مع بعض
قعهه صفي لوحدهم

ليلى في مره بتاخذ شاور وتعبت وداخت فنادت عليه
جالها ولبسها برنص الحمام وشالها لحد السرير وفضل جنبها
طلبت منه يساعدها وفعلا نشفلها شعرها وسرحها حاولت
ليلى تقرب منه اكثر

باسته في رقبتہ ولسہ ھتقرب اڪتر فقام وقف بعيد عنها
عنيھا كانت مليانه شوق ليه

ليلي: ادهم ارجوك

فكت برنص الحمام وكانت دعوه صريحه منها

ادهم بصلها وهو واقف

ادهم: سبق وقولتلك واحنا في شهر العسل ان انا مش من
النوعيه دي ومش ده اللي هيغريني

ليلي: انا مش بغريك انا بقولها صريحه وحشتني
ومحتاجاك

ادهم: وانا قولتها لك برضه صريحه انا بعود نفسي علي
عدم وجودك لما تموتي وتسيبيني

ليلي: انا مش هموت

ادهم: بجد؟؟ توعديني بده

ليلي: انت وعدتني تفضل جنبي

ادهم: وانا جنبك اهوہ وعند وعدي بس اڪتر من كده
اسف لأ

انتي طلبتي مني افضل معاك في فتره الحمل وده اللي انا
هعمله بعد الحمل ده شئ في علم الغيب

سابها ومشى وهيا فضلت تعيط وتعيط

ادهم سابها وخرج وحس انه زودها معاها قوي فكر يرجعها
يتاسفها هيا برضه تعبانة كان علي الاقل ياخذها في
حضنه

رجع علي البيت واول ما دخل لقي البيت فاضي.. قلبه
اتقبض فاتصل بابو ليلي

ادهم: انتو فين؟

عم محمود: انت اللي فين؟ اتصلت بيك ما ردتش المهم
احنا في المستشفى

ادهم: التليفون كان صامت سوري خير انا كنت سايبها
كويسه؟

عم محمود: تعبت جامد وتقريبا كده خلاص

ادهم: خلاص ايه بالظبط؟

عم محمود :ادهم تعال بسرعه

ادهم قفل ووقف مكانه مش قادر يتحرك اصلا
بسرعه كده؟ هو الوقت عدي بسرعه كده؟ وبقت تقريبا
في الشهر السادس

فاق من افكاره وجري علي المستشفى
وطلع ليلي وكان الدكتور عندها والدكتور صبري
كمان موجود وحتى مصطفى موجود
الدكتور: الحمد لله انك وصلت لازم ندخلها العمليات
حالا

ادهم: هو ايه اللي حصل؟ كانت كويسه؟
ليلى: وانا لسه كويسه
الدكتور: لا مش كويسه المشيمه انفصلت والبيبي لازم
ينزل حالا مراتك بتولد

ليلى: لا هخليه جوه مش هولد دلوقتي هخليه
الدكتور: مش بمزاجك هيتخفق جوه ده اولاً لان الميه
اللي عليه نزلت والمشيمه انفصلت عن الرحم واكثر من
كده حياتك وحياته في خطر

ليلي: طيب هيبقي كويس؟

الدكتور: دي حاجه في علم الغيب المهم دلوقتي انتي....،
جهوزها للعمليات

ليلي: ادهم خليك جنبني تعال معايا

ادهم: انا جنبك اهو ليلي انا اسف اني اتعرفت عليك
حقك عليا

ليلي: انت خايف اني اموت وفاكرني زعلانه؟؟

ادهم: هسششش ما تجيبش سيره الموت خالص دلوقتي
انتي هتكملي معايا المشوار

ليلي: ومعانا ابننا صح وهنسميه زياد ايه رايك؟

ادهم: هنسميه زياد اتفقنا بس انتي اطلعيالي بسرعه ما شي

ليلي بتتكلم بالعافيه وبتتنطق بالعافيه من التعب وادهم

ماسك ايديها وخايف انها تموت بين ايديه من كتر تعبها

دخلوها العمليات وهو وابوها وامها وقضوا مستنينها بره وحاله

من الرعب سيطرت علي الكل وطال الانتظار بره

خرج الدكتور اخيرا من اوضه العمليات وكلهم جريو
عليه

الدكتور: انا اسف بس مراتك عندها نزيف ومش عارفين
نسيطر عليه

ادهم: وبعدين ايه العمل؟

الدكتور: لازم نستأصل الرحم علشان نقدر ننقذها

ادهم: ومستني ايه؟ اعمل المطلوب المهم هيا

الدكتور: حاجات زي دي لازم ناخد موافقه الاهل الاول

ادهم: اعمل اي حاجه المهم مراتي تطلعلي

ابوها: استني البيبي حالته ايه؟

الدكتور: هو حاليا طفل خديج يعيش او يموت دي حاجه

في علم الغيب لانه صغير جدا هو هيتحط في حضانه

ودكاتره الاطفال هيتابعوه بس متحطوش امل كبير

عم محمود: يبقي ما تشيلش رحم بنتي سيبلها فرصه انها

تخلف تاني

ادهم: انت اتجننت رسمي صح؟؟؟ بيقولك انها بتنزف وان
ده الحل وانت تقوله سييها تموت

عم محمود: انا بقول يحاول ينقذها وما يشلش الرحم

ادهم: انت استحاله تكون عاقل او بتحبها اصلا حبك
غريب (بص للدكتور) سيبك منه اعمل المطلوب وشيل
الرحم لو ده هينقذها

الدكتور: انا اسف بس مراتك ماضيه علي اقرار ان المسؤل
عنها هو ابوها وانه لو حصل حاجه ناخد برأي ابوها وبس
ف اسف

ادهم مسك الدكتور من هدومه

ادهم: انت بتقول ايه واقرار ايه؟

ابوه صبري: ادهم سيطر علي نفسك ده مش قراره ده قرار
مراتك والوقت بيضيع واحنا بنتكلم ادخل يا دكتور
اعمل المطلوب وحاول تنقذها من غير ما تشيل الرحم خليه
حل اخير

الدكتور: تمام بعد اذنكم

ادهم: مراتي لو جرالها حاجه هقتلك فاهم (وبص لآبو
ليالي) وهقتلك انت كمان

سابهم وطلع بره

"ياه يا ليالي للدرجه دي انا مهمكيش وكل اللي يهمك
هو الخلفه وبس !!!

للدرجه دي ابوكي بتثقي فيه اكر مني" !!!

ابوه صبري خرجله

صبري: ما تزعلش من مراتك يا ادهم

ادهم: مراتي؟؟؟ وهيا فين مراتي دي؟؟

صبري: الامومه يا ادهم حاجه فطريه في البنات حاجه
بيحسوا بيها من وهما بنات صغيرين بتلاقي البنت ماسكه
عروسه وعملاها بنتها فما بالك لما تكبر وتتجوز وتحب
جوزها بيبقي كل همها انها تخلف منه ولو اتحرمت من
الموضوع ده مفيش شئ بيعوضها ابدًا فما بالك لو الفرصه
جتلا وبعدين هرمونات الحمل بتاثر علي القرارات

ادهم: طالما هرمونات الحمل بتاثر يبغي ما تاخدوش بيها

صبري: القانون بيعترف بالحاله العقلية مش الهرمونات ان
شاءالله مراتك وابنك هيخرجولك بالسلامه

ادهم: ولو مخرجتش هعمل ايه؟ هكمل ازاي؟

انت عارف ان ليلي هيا كل شئ بالنسبالي

هيا عيلتي

صبري: عارف انها كل عيلتك بس انت كنت عايش قبلها

ادهم: كنت عايش؟؟؟؟ انت بتسمي اللي انا عيشته ده
عيشه ده مجرد اني مكنتش ميت لكن برضه مش عايش
فيه فرق

انا حياتي بدات يوم ما حبتني
صبري: ربنا بيختار للانسان الخير

وعسي ان تكرهوا شيئاً ويجعل اللي فيه خيرا كثيرا
سيبها لربنا وهو هيختار الافضل ليك واحسن ظنك بيه
وهو هي بقي عند حسن ظنك

ادهم: ربنا؟؟؟؟ كان فين ربنا لما اتظلمت في حياتي وفين
لما اتعذبت وفين لما اتشوهت وفين لما اتطردت هو ده
اختياره الافضل

صبري: استغفر الله يا ادهم ربنا ديما بيبتلي العبد المؤمن
وبيمتحنه

كل الانبياء كانوا مبتلين المهم نصبر

سيدنا يعقوب لما اتعلق بابنه يوسف وخاف عليه ربنا اخده
منه ولما اتعلق اكتر باخوه بنيامين اخده منه برضه
وابتلاه واتعمي ولما سلم امره لربنا وامن بقضاؤه رجعله
عياله الاتنين يوسف وكان عزيز مصر وبنيامين ورجعله
بصره

لازم تسلم امرك لربنا وبطل تحسبها ولما تؤمن بقضاؤه
هتلاقي خير كله

لو اتطلعت علي الغيب لاخترتم الواقع

ادهم: استغفر الله العظيم من كل ذنب عظيم

سلمت امري كله ليك يا الله

صبري: بالظبط كده تعال معايا اتوضا ونصلي مع بعض
ركعتين وندعي ربنا يخرجهم لك بالسلامه يالا
راحو صلووا وجالهم ابو ليلى يصلي معاها ويدعوا ربنا يزح
الغمه

خرجت ليلى من العمليات وهما راحو للدكتور يعرفوا
الاخبار ايه؟

الدكتور: انا عملت كل اللي اقدر عليه بس النزيف كان
شديد والسيطره عليه كانت صعبه ومع حالتها واجهادها
قلبها كان ضعيف

ادهم: انت بتقول مقدمات كتير هات من الاخر
الدكتور: قلبها وقف كام دقيقه لحد ما انعشناها تاني
ودلوقتي دخلت في غيبوبه

ادهم: وبعدين ماهيا ممكن تفوق من الغيبوبه صح؟
وهتبقى كويسه؟ صح ولا ايه؟

ادهم بص لصبري لانه مش فاهم او مش عايز يفهم

صبري: ادهم معني ان القلب وقف يعني الاكسجين اتمنع
عن المخ وده بيعمل ضرر كبير للمخ يعني ممكن لا قدر
الله انها لما تفوق متبقاش مراتك اللي انت عارفها

عم محمود: امال تبقي ايه؟

صبري: تبقي مجرد شئ نايم مكانه ولا بيتحرك ولا
بينطق ولا فيه مخ ولا اي شئ تفضل مكانها احنا بنغذيها

ادهم: برضه ممكن مع الوقت تفوق

صبري: المخ لو اتضرر ما بيتعالجش هتفضل كده لحد ما
كل اعضائها تتضرر وبعدها،.....

ادهم: تموت صح كمها سكت ليه؟ (بص لابوها) افرح
انت بقي بالرحم اللي انقذته ولا بالشئ اللي في الحضانه

سابهم ادهم ومشي فضل ماشي علي رجله،، بيمشي وخلاص

_____#_____#_____#_____

حنان قاعده علي سجاده الصلاه وبتصلي ورافعه ايديها لفوق

"يارب ابني يارب فرج همه وزيح عنه يارب

انا استودعك ابني وانت يارب بتحميه طول عمره يارب زيج
 عنه اللي تابعه يارب وريح قلبه وارزقه السعاده اللي
 يستحقها وارزقه باللي يعوضه عن كل لحظه حزن عاشها
 يا حنان يا منان يا بديع السموات والارض"

حسين دخل وواقف علي الباب وسامعها وهيا مش واخده
 بالها منه

حسين: معرفش انك بتحبي احمد كل الحب ده؟ ولا ده
 مش لا احمد؟ وياتري انا ماليش دعوه ولا ما استاهلش
 حنان: انا بدعيالك بدعوه واحدة ان ربنا يشيل الغشاوه من
 علي عنيك وتشوف

حسين: اشوف ايه؟ ان ادهم ابني؟؟

حنان: ايوه ابنك

حسين: الظاهر انك مش ناويه تجيبها لبر قلتلك مش
 عايز اسمع اسمه والفتره دي علي طول اسمه بيتردد الظاهر
 اني كان لازم انفذ تهديدي ليكي واقتله واخلص

حنان: لأ انت وعدتني افضل معاك وانت تسببه في حاله
 حسين: واتفقنا ان اسمه ما يتذكرش تاني وانت بتخلي
 بوعدك يبغي انا ما اخلش بوعدنا ليه وهما اتنين عربيه
 وشويه فلوس وديتها رصاصه واحده

حنان: لأ لأ ارجوك لأ مش كفايه انك حرمتني منه
 حسين: يبغي ما اسمعش اسمه تاني

حنان: في يوم الحقيقه هتبان عايزه اشوفك ساعتها
 هتعمل ايه؟؟؟

حسين: انا جاي اقولك جهزي نفسك علشان هنسافر انا
 وانت

حنان: هنسافر فين وليه؟؟

حسين: هناجر بره في فرع جديد للشركه في امستردام
 هنسافر نتابعه واحمد هيمسك الشغل هنا جهزي نفسك

حنان: انا مش عايزه اهاجر

حسين: طيب تحبي اقضيالك علي السبب اللي مش عايزه
 تهاجري علشانه

حنان: ربنا يسامحك مش هقول غير كده

-----#-----#-----#-----#-----

ليالي في الغيبوبه ومش بتفوق وادهم قاعد جنبها في حاله
من الصمت

ابنهم في الحضانه بيصارع الموت

دكتور الاطفال جه عند ادهم ونادي عليه بره الاوضه

كلهم واقفين الاب والام وادهم

الدكتور: لو سمحت يا سيادة المقدم

ادهم: سبق وقلتلك لأ عايز ايه تاني؟؟؟

عم محمود: لأ لايه بالظبط دكتور في ايه؟

الدكتور: البيبي حالته بتتدهور

عم محمود: وعايز ايه من ادهم هو في ايده ايه يعمله؟

الدكتور: مش يعمل حاجه بس بس ياخد ابنه في حضنه

ام ليالي: حضنه؟؟؟ وده يفيد بايه؟

الدكتور: في حالات بسيطة جدا في العالم الحزن بيضد
 معاها بينشط الدورة الدموية ويرفع المؤشرات الحيوية وفي
 عيال بعد ما قلبها بيقف يشتغل ثاني لما امه تضره اول ما
 الببي بيحس بنض قلب امه بيتنشط معاها ايوة الحالات
 دي بتنفع مع الام بس لان الام مش متاحة فالاب موجود

عم محمود: يعني يضره وبس وهو ممكن يتحسن؟؟؟

الدكتور: ايوة ده بس المطلوب منه واهي تجربه مش
 هنخسر حاجه

عم محمود: وانت رافض ليه؟

ادهم: رافض ليه؟ انت عايزني بجد اجاوبك

الدكتور: سياده المقدم اهدي

ادهم كان هيهجم علي ابو ليلى

ادهم: حاضر هجاوبك

اولا لاني بكرهه فوق ما تتخيل

ثانيا لان هو اخد مني اغلي حاجه بملكها

ثالثا لاني لو دخلت عنده هقتله

هاه تحب ادخل عنده؟؟؟؟؟

عم محمود: ما تقدرش مفيش اب بياذي عياله

ادهم ضحك بصوته كله ضحكه كلها مرار

ادهم: بجد؟؟؟؟؟ مفيش اب بياذي عياله؟؟؟؟؟ ده مين

ضحك عليك وقالك كده؟؟؟ امال انت عملت ايه في

بنتك؟؟؟ بنتك مين اللي خلاها تتطلق ومين فرقها عن

جوزها ومين ساعدها تكمل الحمل ومين دخلها في

غيبوبه؟؟؟؟؟ مش انت ابوها ولا ايه؟؟؟

بلاش كل ده يمكن يكون ده بالنسبولك حب تحب

اقولك انا ايه اللي خلاني مشوه كده؟؟؟ مش ده اكر

سؤال محيرك

اجاوبك

ابويا اللي شوهني كده عملت حادثه وانا صغير بسبب

اخويا الكبير كنا احنا الاتنين في عربيه وهو سايق وانا

جنبه وكان سكران وابويا بيحب اخويا ده وطلب مني ما

ارجعش من غيره وكان سكران وعلشان خفت عليه

فكيت حزامي علشان اعرف اطول حزامه واربطهوله ويدوب

ربطته العربيه اتقلبت بينا وانا طرت من العربيه ودخلت في
قزاز وبدال ما يعالجوني ابويا ادي فلوس للدكتور علشان
يخليني مشوه واهوه انا قدامك اهوه مشوه ولولا مصطفى
وابوه كان زماني متربط علي ترابيزه بيشرحو فيه كل
يوم او ميت

وبعد ما شوهني كده رماني بره البيت وقال ماليش مكان
لولا ان دكتور صبري اتبناني كان زماني في الشارع
عرجي ولا قتال قتله ولا حرامي بشكلي المشوه ده
هاه لسه بتقول ان مفيش اب بياذي عياله؟؟؟

صمت سيطر علي الكل

اول مره ابو ليلى يعرف الكلام ده واخيرا ام ليلى قطعت
الصمت ده

ام ليلى: حقك يا ابني في كل كلمه بتنطقها وحقك
تكره ابوها بس ليلى في غيبوبه وربنا اللي يعلم امتي
هتفوق ولو مش..... (بتعيط)

لو مش هتفوق فانا عايزه ابنها عايزاه يعوضني عن غيابها
ارجوك يا ادهم

ادهم: ارجوكي انتي ما تطلبيش مني حاجه فوق طاقتي
 انتي بالذات ما بحبش ارفضاك طلب

ام ليلي: يبقي ارجوك انت انا عايزه حفيدي وبعدين لو
 ليلي فاقت وعرفت ان انت اتخليت عن ابنها ومعملتش كل
 اللي تقدر عليه بعد كل تعبها ده فاكر هيا تعبت قد ايه
 علشان؟؟؟ كلنا تعبنا قد ايه؟ هتقدر يا ادهم تواجهها
 وتقولها ان انت ما قدرتش تيجي علي نفسك للحظه
 وتحضنه لو مش علشان خاطري يبقي علشان ليلي حبيبتك
 علشان ليلي يا ادهم مش علشان حد تاني
 ادهم سكت بس دار في عقله كل الايام اللي فاتت وكل
 التعب اللي ليلي عاشته
 وده اقل شئ ممكن يعمل لهمراته

راح مع الدكتور لحد الحضانات

المرضات لبسوه لبس معقم ودخلوه عنده

ادهم داخل قلبه هيخرج من مكانه مليان غيظ وغضب

وكره للكان الصغير ده

بيحاول يسيطر علي اعصابه علشان ما يقتلوش

بيحاول يفكر في اي لحظه عشق عاشها مع مراته يمكن

تهديه بس مش عارف

غيظ. غضب. كره. حرمان

مشاعر كتير بتحارب علشان تخرج

واخيرا شافه قدام عنيه وجواه رغبه انه يخنقه لحد ما

يموت في ايده



الحلقة الثالثة عشر

ادهم داخل عند الحضانه قلبه هيخرج من مكانه مليون
غيظ وغضب وكره للكائن الصغير ده

بيحاول يسيطر علي اعصابه علشان ما يقتلوش

بيحاول يفكر في اي لحظه عشق عاشها مع مراته يمكن
تهديه بس مش عارف

غيظ. غضب. كره. حرمان

مشاعر كتير بتحارب علشان تخرج

واخيرا شافه قدام عنيه كائن صغير جدا تقريبا طول
كف ايده موصل باسلاك كتير

لا حول له ولا قوه

مش عارف يحس بايه؟ كل اللي عارفه ان كل احساسه
اتلخبطت اختفي الغضب والكره والغيظ واتبدلوا بحاجه

تانيه

حاجه جديده عليه

حاجه مش عارف يفسرها بايه؟؟؟

الدكتور: هاه قرب

ادهم: اعمل ايه؟؟؟

الدكتور: تفتح قميصك

ادهم: افندم قميصي؟؟؟؟؟

الدكتور: التفاعل بينكم بيزيد اكثر لو الجلد علي

الجلد مباشره وقلبه فوق قلبك يحس بنضك انا

هساعدك

ادهم فتح قميصه وقرب والدكتور قعده علي كرسي

جنب الحضانه

مسك البيبي وحطه علي صدر ادهم فوق قلبه بالظبط

وغطوه في حضن ابوه

ادهم مش عارف يسيطر علي احساسه ومشاعره

الدكتور: بص لنبضات قلبه علي الشاشه ومؤشراته

الحيويه ابتدت تعلي اهي

ادهم: المفروض افضل كده قد ايه؟

الدكتور: ده يتوقف علي ابنك؟

ادهم: ابني؟؟؟؟

الدكتور: اه ابنك!! كلمه جديده عليك بس هتعود
عليها

ادهم من جواه خايف ودعي جواه

"يا الله ما تعلقنيش بيه وتاخده مني يا الله

انا مش حمل عذاب تاني لو هتاخده خده دلوقتي يارب"

وفي اخر النهار ادهم الدكتور قاله انه ممكن يقوم يريح
شويه ويرجع تاني مش شرط يفضل علي طول

ادهم خرج يمشي رجليه شويه

قابله عم محمود

عم محمود: تعال كل انت ما اكلتش حاجه من الصبح

ادهم: ما تخافش عليا مش هيجرالي حاجه وليلي تتهمك

انت

عم محمود: هو انت ليه مش مصدق ان انا اتغيرت وبحبك

زي ابني؟؟؟

ادهم: بتحبني؟؟؟ حبك غريب

بتحب تعذب الناس اللي بتحبهم

مش قادر افهم حبك

عم محمود: بكرة الايام هتفهمك... هتاخذ قرارات صعبه

لابنك.. ابنك هيبقي شايفها غلط او قسوه لكن انت

هتشوفها حب وخوف

ادهم: الايام!!!! سيبها للايام

عم محمود: حاسس بايه دلوقتي؟؟؟

ادهم: حاسس بايه في ايه بالظبط؟

عم محمود: كرهك لابنك ورغبتك انك تقتله؟؟

ادهم: اتغيرت

عم محمود: ومالك بتقولها كده ليه وكان ده شئ مش

كويس

ادهم: لاني.... لاني..... لاني في الاول كنت اخيرا قدرت

اتقبل كره ابويا ليا واتقبل فكره ان في اب يكره ابنه او

ياذيه وده نوعا ما خلاني متقبل لحياتي وحاطط عذر لابويا

علي الي عمله لكن اول ما ضميت ابني واخدته في
حصني انتهي اي عذر انتهي تقبلي للوضع

واقتنعت ان مفيش اب يقدر يكره ابنه او يعمل فيه ربع
الي ابويا عمله وده وصلني لشيئ واحد

عم محمود: ايه هو؟

ادهم: ان انا مش ابنه

قالها وسابه ومشي لوحده في افكاره الجديده

اخيرا لقي اجابه لسؤاله

ايه الذنب الي ارتكبه خلي ابوه يكره؟؟

اجابته انه مش ابوه يبقي الاحتمال الثاني

ان امه خانت ابوه وهو كان النتيجة وعلشان كده ابوه
مقدرش ابدأ يتقبله لان كل ما بيشفه بيضتكر خيانت
مراته

بس ممكن يكونوا اتبنوه؟؟؟

لا هيتبنوه ليه ما هما سبق وخلصوا احمد وخلصوا بعده آيه
اخته يبقي هيتبنوه ليه؟؟

ممکن يكونوا لقوه في الشارع؟؟ طب ابوه وامه مين؟؟؟
 ممکن يكون عنده اهل بيحبوه ويتمنوه؟؟؟ لأ هو امه
 خانت ابوه وعلشان كده فضل معاهم وعلشان كده ابوه
 بيكرهه لانه مش ابنه؟؟؟؟

بس يا ادهم كفايه هتجنن!! كفايه تفكير

كفايه تفكير كفايه كفايه كفايه

فكر في النهارده وكفايه تفكير في امبارح
 هدي ادهم نفسه وطلع لمراته يقعد جنبها شويه
 اخيرا عدي اسبوع وصحه البيبي بتتحسن يوم عن يوم
 الصبح ادهم قاهد علي الكرسي جنب مراته نايم
 وفجأه سمع صوت ضعيف جدا بينادي عليه

فتح عنيه وبصلها

اخيرا فتحت عنيه

ادهم: ليلي حبيبتي انتي سمعاني؟؟؟ ليلي

ادهم جري ونادي علي ابوه صبري

صبري بيكشف عليها

صبري: ليلي حاولي تقولي اي حاجة اي اشاره او كلمة
تعرفنا انك سمعانا

ليلي: _____ :

ادهم: ليلي قولي اي حاجة علشان خاطري اي حاجة

ليلي بتقول حاجة بصوت محدش سامعه

الدكتور: وضحي بتقولي ايه؟

ليلي: انا

الدكتور: ابنك؟

ليلي بتشاور لأ بدماعها

الدكتور: وضحي اتكلمي حاولي

ليلي: انا ادهم انا

ادهم: انتي ايه سامعك

ليلي: بحبك انت.....و....بس

ليلي اغمي عليها تاني

ادهم بص لصبري

ادهم: ايه مالها؟؟ ما تقولش انها دخلت في غيبوبه تاني
صبري: لا ما تخافش هيا مجهده وتعبانه وهتاخد فتره لحد
ما تتحسن بس احب اطمنك ان مرحله الخطر عدت
مراتك كويسه وهتتحسن ان شاءالله وقريب هتاخذ
ابنك ومراتك بيتك

ادهم: انت بتكلم بجد؟؟؟ مش بتقول كلام يريحني
وخلص

صبري: بتكلم بجد يا ادهم ...

بتعدي الايام وليالي فعلا بتتحسن يوم عن يوم وبدأت
تتكلم واول حاجه طلبتها تشوف ابنها

ادهم رافض يحركها وابنها ما ينفعش يخرج ه من الحضانه
ليالي: ارجوك يا ادهم وديني عنده بقالي 3 اسابيع والداه
وما شفتوش ولا ضميته لصدري

ادهم: اولاً انتي تعبانه وثانيا هو كمان تعبان وفي حضانتة
ومش هتعرفي تشيليه

يبقي اتحسني الاول وبعدها براحتك

ليلي: لا يا ادهم علشان خاطري وحياتي عندك

ادهم خايف انها تتصدم لما تشوفه صغير قوي كده
ومتوصل بالاسلاك دي كلها خايف عليها مش اكر

واخيرا وداها عند ابنها واول ما شافته عيطت

ادهم: علشان كده مكنتش عايز اجيبك هنا

ليلي: هو صغير قوي كده ليه؟ وكميه الاسلاك دي ايه؟

ادهم: ليلى ابنك كبر جدا عن ما اتولد والاسلاك قلت
كتير واتحسن جدا وبعدين هو قوي واتحدي كل الصعاب

اللي واجهته ما تخافيش عليه

ليلي: قوي زي ابوه يعني

ادهم: اقوي وان شاء الله يبغي حظه احسن من ابوه

ادهم ضمها ليه ووقفوا الاتنين يشبعوا من ابنهم الصغير

اللي لسه مالوش ملامح

عدي شهر واخيرا ابنهم مستعد يخرج من الحضانه

الدكتور طمنهم انه كويس وانه ممكن ياخدوه معاهم

ليلي كانت مرعوبه وخايفه عليه جدا لانه صغير جدا بس
 امها طمنتها انها مش هتسيبها لحد ما تعرف تتعامل معاه
 اخدوه والكل في البيت بيتعامل بحذر جدا معاه لانه
 صغير جدا بس شويه شويه بدؤا يتعودوا علي حجمه وهو
 بدا يكبر

ابو ليلي طبعا سابهم وسافر علشان اشغاله وبعد شهر من
 خروجهم من المستشفى ام ليلي كان لازم ترجع بيتها
 وليلي رافضه انها تخليها تمشي لانها مش عارفه تتعامل مع
 ابنها الصغير

ومش عارفه تعمل ايه؟ امها خلاص قررت تسافر وترجع
 بيتها

آخر الليل سهرانه وجوزها اتاخر في الشغل واول ما رجع

ادهم: ايه اللي مسهرك لدلوقتي؟

ليلي: عادي زياد كان سهران ويدوب نام

ادهم: اخباره ايه النهارده؟

ليلي: احسن

ادهم: امال انتي مالك؟

قعد جنبها ومسك ايديها

ليلي: ماما ماشيه بكرة

ادهم: طيب ماهو اكيد هتسافر ان مكنش بكرة هيبقي

بعده بيتها وعيالها وابوكي ده طبيعي

ليلي: وانا اعمل ايه؟ انا لسه تعبانه اولاً ومش بعرف اتعامل

مع زياد ولا بعرف احميه ولا اغيرله لسه محتاجه وقت مش

هعرف انا اكيد ام فاشله

عيطت ليلي وادهم اخدها في حضنه

ادهم: انتي ابعدي ما يكون عن الفضل انتي اتمسكتي بيه

في الوقت اللي الكل قال اتخلي عنه وهو ظروفه مختلفه

حجمه صغير كل حاجه فيه مختلفه وانتي كمان لسه

تعبانه

فمحتاجه وقت تتعودي فيه مش اكر ما تخافيش كده

ليلي: يعني نعمل ايه؟

ادهم: الحل تسافري مع مامتک وتاخدي وقتک ولما
تكوني مستعدة تيجي

ليلي: وانت؟

ادهم: وانا ايه؟

ليلي: هتعمل ايه لوحدک؟

ادهم: هعمل ايه يعني! ما تقلقيش عليا المهم تتحسنوا انتو
الأتين الاول

ليلي: وانت مش هتزل لو انا سافرت؟؟؟

ادهم: وهو انا زعلي يفرق معاكي؟؟؟

ما علينا المهم سافري مع مامتک

ليلي: ادهم انا بحبك قوي

ادهم: عارف انک بتحبيني

ليلي: طيب انت بعيد عني ليه؟؟ وحشتني جدا بقالک قد
ايه بعيد

ادهم: قبل كده كنتي حامل وتعبانه وبعدها الولاده
يدوب يعني

ليلي: ادهم انا كنت بحاول اقرب منك في الحمل وانت
كنت رافضني وولده بقالي اكر من شهرين وبرضه بحاول
اقرب وانت بتبعد

ادهم: مش وقته قومي ارتاحي علشان تعرفي تسافري مع
مامتك

لسه هيقوم من جنبها راحت ماسكه ايده وشدته عليها
وهمست " وحشتني قوي " باسته في رقبتة وبتقرب لحد
شفايفه وهو واقف مكانه مش بيتحرك او بيتجاوب معاها

ليلي: في ايه مالك؟

ادهم: ماليش

ليلي: مش واحشاك؟؟؟

ادهم: مش وقته قولتلك

مشي ودخل الحمام يغير هدومه وخرج كانت مستنياه
غيرت هدومها ولبست قميص نوم مغري جدا لدرجة انه تنح
لما شافها

ادهم: وده ايه؟

ليلي: ده بيقولك قرب

ادهم: وانا بقولك مش وقته تعبان تصبحي علي خير

ادهم نام علي السرير وعطاها ظهره

ليلي: ايه تصبحي علي خير دي؟؟

ادهم قام اتعدل وبصلها

ادهم: وبعدين؟؟؟

ليلي: بعدين عندك انت.... رفضتني وانا حامل ودلوقتي

بترفضني تاني عايز ايه بالظبط؟

ادهم: حاليا عايز انا

ليلي: انا مش بهرج علي فكره

ادهم: وانت فاكراني انا بهرج؟؟؟ بقولك مش وقته وانت

مصره اعمالك ايه؟

ليلي: مش وقته ليه؟

ادهم: بلاش يا ليلي

ليلي: لا يا ادهم قول الي جواك

ادهم: مش عارف اكون معاكي اصلا

ليلي: يعني ايه مش عارف وليه؟؟

ادهم: لاني كل ما ببصاك بفتكر كلمتك اني مشوه

وان انتي مستحملاني بالعافيه

ليلي: لا يا ادهم انت عارف انا قلت الكلام ده ليه

ادهم: عارف وبعدين؟؟؟

ليلي: يعني مش قصداه

ادهم: عارف انك مش قصداه بس قولتية لانك عارفه انه

هيجرحني كنتي عارفه وقولتية علشان تجرحيني

كنتي عارفه كل جروحي فين وضعتي عليها علشان

نفسك وعلشان رغبتك

تجاهلتيني وتجاهلتي رغباتي انا ومهتمتيش غير بنفسك

وبس

وده انا مش عارف اسامحك عليه

ليلي: وكانت النتيجة زياد ابنا عملت كل ده علشان ما

تقوليش انك بتكرهه او ندمان ان انت بقي عندك ولد

ادهم: لا مش ندمان ولا مش بكرهه بس برضه مش عارف
اسامحك انتي

ليالي: ادهم انا اسفه لو جرحتك بس كان غصب عني
ادهم: ايه اللي غصبك؟؟؟ انتي كنتي متخيله انك لو
رفضتي عملي الاجهاض ان انا هشيلك غصب واربطك
واوديكي المستشفى غصب عنك صح؟؟ لان انا وحش
هكتف مراتي واوديتها تعمل عمليه غصب عنها فقلتي لما
اجرحة واطرده بره حياتي وانت عارفه كل اماكن
جروحي ولما يعدي الوقت ابقى انا ديله وهو طبعاً
هيسامحني علشان بيحبني وما هيصدق اصالحه
نفس تفكير ابوكي اشوف ايه اللي يوجع واقوله وهو
عارف رد فعلي هيكون ايه وفي الاخر انا اللي اخدت القرار
حتي ساعت الولاده عملتي ابوكي هو المسؤول وكتفتيني
لتاني مره

ما تتخيليش احساس ايه لما الدكتور قال ابوكي المسؤول
عنك

ليلي: ادهم انا ما فكرتش كده ابد انا كل الي فكرت فيه ...

قاطعها: نفسك وبس ايه الي انتي عيزاه! بغض النظر عن اي اعتبارات تانيه مفكرتيش فيا ولو للحظه

ليلي: فكرت فينا احنا الاتنين

ادهم: طيب قوليلي لو كان جراك حاجه انا كان المفروض اعمل ايه علي حسب تفكيرك؟؟؟ احب تاني ولا اروح اتجوز واحده تانيه؟؟ ولا ارجع لوحدي؟! فكرتي في ايه؟؟

ليلي سككت ومردش

ادهم: سكتي؟؟ معنديش رد

ليلي: كنت انانيه!!! ده الي عايز تقوله.. اقولها لك انا ايوه كنت انانيه من يوم ما اتجوزتك وانا انانيه عايزاك ليا لوحدي،، عايزه احبسك هنا في اوضتي وما اخرجكش منها ابد اايوه انانيه،،، عايزاك طول الوقت جنبي بغض النظر عن اي اعتبارات تانيه،،، ايوه انانيه عايزه اخرج في كل مكان معاك واعرفك علي عيلتي كلها واحضر

عزومات كثير معاك...، ايوه انانيه عايزه اشيل ابنك
 جوايا واربيه انا وانت مع بعض ويبقي عندي بيت صغير
 مليان ضحك وحب ولعب وشقاوه عيال
 فايوه يا ادهم انانيه ولو الزمن رجع هعيد كله من تاني...
 تقدر تقولي بقي ايه غلطي؟؟؟

ادهم: مش غلطانه بس انا كمان اناني المره دي
 عايز ابقى انا رقم واحد في حياتك.... مش عايز اهم مني
 ولا تسمعي لحد غيري ولا تاخدي راي حد غيري ولا
 تكوني مسئوله من حد غيري
 عايزك تهتمي بيا وبمشاعري وبكل حاجه تخصني ولو
 الدنيا كلها في كفه وانا في كفه تختارينني انا وانا
 اكون واثق من اختيارك ده

عايز ابقى اناني يا ليلي عايز ابقى اناني
 المهم تصبحي علي خير ولما ترجعي من السفر يبقي يحلها
 المولي وعلي راي ابوكي سيب كل حاجه للايام
 سافرت ليلي وادهم وصلهم وهو ماشي خرجت وراه

ليلي: ما تتاخرش عليا ممكن؟

ادهم: ان شاءالله شدوا حيلكم بس وانا اجيلكم

ولسه هيمشي فنادت عليه

ليلي: ادهم

ادهم بصلها

ليلي: هو انت لسه بتحبني؟؟

ادهم: عمر الحب ماكان مشكلتنا ما انتي بتحبيني بس

اكتر واحد بتوجعيني

قرب منها ومسك ايديها

ادهم: مش معني اناي مختلف معاكي او زعلان منك ان انا

مش بحبك..... انا اللي جوايا ناحيتك تخطي الحب

بمراحل مختلفه انا بعشقك بموت فيكي مش بحبك

بس ده ما يمنعني اناي مجروح منك وحاليا مش مستعد

اكون معاكي

المهم اشوف وشك بخير

سلم عليها سلام العشاق ومشي بيقدم رجل وياخر رجل

ادهم اتشغل جامد في شغله واتضطر يسافر مهمه جديده
سريعه رجع منها بعد شهر

طول سفره ما كالمش ليالي نهائي وهيا هتجنن من عدم رده
عليها

كل يوم تتصل وهو مش بيرد هو مش عارف يكلمها ولا
عايز يكلمها

حتي لما سافر مقلهاش انه مسافر

اول ما رجع فتح تليفونه لقي رسايل كتير واتس وماسنجر
من مراته

مكاوي الكتب

لفت نظره رساله منها كانت اغنيه واول ما سمعها حن
لمراته وقرر انه يروحها

Watch "Adele - Hello" on YouTube -
<https://youtu.be/YQHsXMglC9A>

ونزل علي طول لمراته الي اول ما شافته جريت عليه
واتعلقت في رقبتة

ليالي: جننتني عليك لما ما كنتش بترد عليا
ادهم: حقك عليا بس كنت مسافر واول ما سمعت
اغنيته رجعت وجيتلك بسرعه

الكل سلم عليه وكل واحد بيقوله ان ابنه زياد كبر
وبقي واد عسله اجنبيه بعين ملونه وشعر اصفر والكل
مستغرب الشبه ده جايله منين
ادهم دخل يشوف ابنه واول ما شافه اتصدم
ليالي: في ايه يا ادهم مالك؟

ادهم: _____:

ليالي: ادهم ايه رد عليا
ادهم: مفيش انا هروح البيت وهاجي اخر النهار سلام
ليالي: ادهم استني بس قولني في ايه؟
ادهم: مفيش تعبان من الطريق مش اكر

ليلي: انت حتي ما شفتش ابنك

ادهم: ممكن تسيبيني دلوقتي وبعدين نتكلم

سابها ومشى وراح يتمشي راح المكان اللي دفن فيه ماكس

وقعد جنبه كتير يفكر في كل اللي عدي عليه

شويه عدوا عليه وبعدها حس بحد جنبه بص لقها ليلي

ادهم: انتي ايه اللي جابك هنا وجيتي ازاي؟

ليلي: ده مكانك المفضل وده المكان اللي كنا بنتقابل

فيه كان ماكس علي طول بيحبيني

مالك بقي؟ ما تقولش انك لسه زعلان مني؟

ادهم: لا يا ليلي مش زعلان منك

ليلي: امال في ايه؟

ادهم: مضيش

ليلي: ادهم بجد بقي ايه اللي ضايقك اول ما شفت زيزو

ادهم: زيزو؟ هو بقي زيزو

ليليلي : اهم وبعدين ده واد اجنبيه بعنيه الرمادي دي
 وشعره الذهبي ده هو انت كان عندك حد مز كده في
 عيلتك؟

ادهم: اه كان عندي..... ابويا يا ليلي
 زياد نسخه منه نفس العنين نفس الشعر نفس الملامح

ليلي: ادهم انا اسفه

ادهم: اسفه علي ايه؟ هو ده حاجه بايدنا
 ليلي: علشان كده اتضايقت انه شبه ابوك
 ادهم: لا مش كده،،،

ليلي: امال ايه بقي؟

ادهم: وانت حامل اديت عذر لابويا لان ممكن اب يكره
 ابنه وممكن يكون فعلا في سبب وبعد ما ولدتي وانا شفت
 زياد وحببته شلت العذر ده وعرفت ان مفيش اب بيكره
 ابنه،،، مره واحده بس يشيله فيها كفيله بانها تخليه
 يحبه واقتنعت ساعتها ان انا مش ابنه ونوعا ما ده ريحيني
 نفسيا انه مش ابويا

ودلوقتي الاقي ابني نسخه منه يبقي كده انا ابنه طيب
بيكرهني ليه؟؟ هتجنن يا ليلي من كتر التفكير
هتجنن

ليلي شدته في حضنها

ليلي: كفايه يا ادهم تفكير في الموضوع ده والماضي
سيبه في حاله بقي بطل تنبش فيه

خلينا نعيش في بيتنا الصغير الجميل دلوقتي بقينا عيله
واحمد ربنا وارمي الهم ده بعيد

اخد ادهم مراته وابنه بيته وبتعدي الايام جميله حلوه
وابنهم بيكبر واحده واحده بينهم

فاتت سنه في سعادته وحب ولعب وضحك

وفي يوم وهما نايمين جنب بعض

ليلي: ادهم نمت؟؟

ادهم: لا لسه

ليلي: هو انت مبسوط معايا؟

ادهم: اكيد بس ليه بتسالي السؤال ده؟

ليلي: اصل انت بطلت تقولي بحبك

ادهم: انا؟؟؟ انا بطلت اقولها لك؟؟؟

ليلي: ايوه افتكر كده اخر مره قولتها امتي؟ بقيت بتيجي
تلاعب مع ابنك شويه وبتهمني انا خالص ركنتيني على
الرف

ادهم عدل نفسه وبصلاها وساند علي كوعه وقرب منها
وبيلعب في شعرها وجه فوقها وباسها وكل كلمه بيقولها
بيبوسها

ادهم: امال لما بصحي الصبح وابوسك قبل ما انزل بيبقي
معناه ايه؟؟؟ ولما ارجع اخذك في حضني ده ايه؟؟؟ وقبل ما
انزل تاني بضمك ده ايه؟ واول ما ارجع بالليل وارمي نفسي
في حضنك وانام معاك ايه؟؟؟ ولما اصحي تاني
وافضل احضر ملامحك جويا ده ايه؟

ليلي: ماشي بتحبني بس عايزه اسمعها من فتره للتانيه

ادهم: وطالما حاساها وعيشاها يبقي لازمتها ايه؟

ليلي: مهمه بالنسبالي

ادهم: طيب يا ستي هبقي اقولها

ليلي: طيب قولها

ادهم: ايه قولها قولها دي ماشي يا ستي بحبك

ليلي: لا ما تقولهاش كده ملهاش طعم

ادهم: ما ترسيالك علي بر قولها لا متقولهاش

ليلي: ملهاش طعم كده

ادهم: طبعا لازم يكون ملهاش طعم لانها ما بتتقالش

كده اعمالك ايه بقي؟

ليلي: يووووه تصبح علي خير

تاني يوم ادهم اخر النهار اتصل بيها

ادهم: ليلي حبيبي جهزي نفسك هنخرج نتعشي بره اوک

قدامك ساعه واجياک

ليلي: بجد اوک هجهز انا وزيزو

ادهم: لا يا قلبي انا وانتي وبس مرات عمي فتحي البواب

هتاخذ بالها من زيزو وهو كده كده هيبقي نايم هنسهر

انا وانتي وبس

ليلي: اتفقنا البس ايه بقي؟ هنروح فين يعني

ادهم: افتحي دولابي كده

ليلي: دولابك؟؟؟ ثواني ____ فتحتة اهوه

ادهم: في كيس من تحت كبير افتحيه

ليلي: اه جواه عليه ثواني ____ ايه ده؟ الفستان ده ليا

ادهم: اكيد ليك هيكون لمين يعني؟ اجهزي ساعه
وهبقي عندك

ليلي جهزت ولبست الفستان كان طويل ومفتوح شويه
وكانت زي الاميره حطت ميك اب واكتشفت انها بقالها
فتره ما اهتمتش بنفسها

ادهم اتصل بيها وقالها انه تحت تنزل

نزلت وهيا نازله من السلالم العماره وهو ساند علي عربيته
لابس بدله وشكله تحفه وهيا نازله زي الاميره بفستانها
الطويل

قابلها وعطاها وره حمرا وباسها فتحلها باب العربيه وركبها
واخذها للمكان اللي هيسهروا فيه

اتفاجئت ليلى بيخت كبير علي النيل مسك ايديها
ودخلها

المكان كان فوق خرافه الانوار والشموع والورد كان
اشبه بالحلم

ليلى: ايه كل ده؟

ادهم: ده علشان يليق بالاميره بتاعتي تعالي نرقص

رقصوا علي مزيكا ساو

ادهم: اوعي تتهميني تاني اني بطلت احبك او حبك قل

جوايا انا بعشقتك مش بحبك

ادهم بيتكلم بهمس في ودانها وهو ضاممها

ليلى: وانا كمان يا ادهم مش عارفه من غيرك كنت

عائشه ازاي اصلا، عارف نفسي في ايه؟

ادهم: شاعوري بس

شالت ايديها من حوالين رقبتة ومسك وشه بايديها الاتنين

وبصتله في عنيه

ليالي: نفسي اشبع منك.... نفسي تبطل توحشني كده
 ادهم حتي وانت معايا واحشني... نفسي ابقى زي باقي
 الستات اوصل لمرحله ان عادي لما انت تخرج

انت بتخرج الصبح بتشعبط فيك ولما بترجع الظهر يدوب
 تتغدي وحبه وتنزل وبالليل يدوب تقعد معانا شويه واليوم
 خلص علي طول واحشني مش عارفه اکتفي منك

ادهم: طيب وده شئ كويس ان احنا علي طول في شوق
 ولهفه بينا

ليالي: بس بتوجع عايزاك تفضل ولو حتي شويه بلاش
 شغل

ادهم: ونعیش منین

ليالي: انت معاك فلوس

ادهم: ده مين ضحك عليك وقالك كده؟ كان معايا
 واخده بالك من كان دي

ليالي: وبعدین؟

ادهم: انتي ناسيه مصاريف حملك والمستشفى الي كنتي
عائشه فيها ولا مصاريف الولاده وكله كوم والحضانه
الي ابنك فضل فيها كوم تاني انتي عارفه ان الليله
الواحدة في الحضانه كانت 2000 جنيه ابنك فضل
تقريبا شهر ونص فيها

انا خرجت من الموضوع ده تقريبا مفلس
ويمكن ده الي خلاني اوافق تسافري عند باباكي ومن
ساعتها انا مضغوط في الشغل
ليلي: ماشي بس برضه ده ما يمنعش انك تقعد معانا شويه
سهرنا وقضوا ليله حب وفاجئنا ادهم باسبوع اجازه اخدهم
وسافروا فيه هما التلاته

بتعدي سنه كمان زياد بقي عمره فوق السنتين

ليلي: ادهم ايه راك نخلف تاني؟؟

ادهم: انتي بتتكلمي جد ولا بتهزري

لي: لا مش بهزر انا حامل يا ادهم

الحلقة الرابعة عشر

بتعدي سنه كمان زياد بقي عمره فوق السنتين

ليلي: ادهم ايه راك نخلف تاني؟؟

ادهم: انتي بتتكلمي جد ولا بتهزري

ليليلي: لا مش بهزر انا حامل يا ادهم

ادهم: انتي بتستعبطي بقي اوعي تتخلي للحظه اني هعيش

الفترة اللي فاتت دي تاني؟ هو انتي ايه ما بتتعيش كل ما

تعدي علينا فترة كويسه تخترع حاجه تنفص علينا

عشنا كفايه بقي

ليلي: بس الحمل حصل غصب عني ويدوب عارفه

ادهم: طيب خلاص هنروح النهارده ننزله

ليلي: بس يا ادهم

ادهم: كلمه زياده واقسم بالله هطلقك ومش هتعرفيلي

طريق تاني والمرة دي يا ليلي من غير رجعه فاهمه؟؟؟

سكتت وما ردتش عليه وهو اخدها للدكتور بتاعهم
وكشف عليها كشف شامل وقعدوا تاني قدامه

ادهم: هاه هنعمل الاجهاض امتي؟

الدكتور: انتو مش عايزين البيبي ده؟

ادهم: انا مش عايز اعيش فتره الحمل اللي فاتت دي تاني

الدكتور: مفهوم بس يا ادهم الحمل طبيعي وكل الامور
طبيعيه

ادهم: يعني ايه؟

الدكتور: يعني الله اعلم ايه اللي حصل او حصل حمل
ازاي بس حاليا كل امور مراتك طبيعيه والحمل مفيهوش
اي مشكله تستدعي الاجهاض بس في الاول والاخر ده
شيء يرجعلكم

ادهم: يعني مفيش خطر علي حياتها

الدكتور: الخطر العادي اللي بتواجهه اي ست في حملها
لكن مفيش حاجه تستدعي القلق

ادهم: انت شفت الحمل اللي فات حاليا رايك ايه؟

الدكتور: راياي انكم تتكلو علي الله وتجيئوا لابنكم
اخ او اخت

ادهم اخد مراته ومشي وهيا في حاله فرحه ملهاش اول من
اخر وهو في حاله قلق وخوف

ليالي: ادهم افرح بقي وبطل خوف

ادهم: هفرح لما تقومي بالسلامه

ليالي: هجيب المره دي بنوته شبهك

ادهم: شبهي انا حرام عليك

ليالي: وليه بقي ده انت مز

ادهم: انا مز الظاهر ان احنا محتاجين نروح لدكتور عيون

ليالي: علي فكره بقي انت لو تجاهلت الجرح اللي في وشك

وده هتلاقي نفسك مز مز يعني

ادهم: ماشي يا عم

بتعدي ايام الحمل وادهم وليالي عايشين الحمل ده بحب

وترقب ولهفه

وزياد معاهم متشوق للاخت الصغيره اللي هتيجي دي

واخيرا ليلى ولدت وجابت بنوته حلوه جميله هاديه ناعمه
 ادهم مع ليلى بعد ما ولدت وابوها وامها موجوين وجابولهم
 البيبي يشوفوه

واول ما ادهم شافها ابتسم

ادهم: انتي بجد مستقصداني

ليلى: مستقصداك ليه اوعي تقول انها شبه باباك بس لو
 شبه حتبقي حلوه

ادهم: لا المره دي شبه امي مش ابويا

ليلى: وده مضايك؟؟؟

ادهم: لا يا ليلى مش مضايقني

ليلى: هتسميها ايه؟

ادهم: آيه

ليلى: اتفقنا آيه

كبرت ايه وزياذ وسط جو ملين حب وتفاهم وبقم عليه
 صغيره وجميله

النهايه

اتمني انها تكون عجبته

ههههه بضحك عليك مش النهايه اكيد

ليالي جوزها مشغول عنها شويه في مهمه جديده واخده

كل تركيزه

بناتها عندها سنتين وابنها عنده اربع سنين

ليالي: ادهم انا محتجالك انا عايزه اخرج انا والعيال زهقت

من القعهه في البيت

ادهم: اخرجي يا ليالي جبتك عربيه وعملتك اشتراك

في النادي علشان تخرجي انتي والعيال وقت ما تحبي واسف

يا قلبي بس بجد الفتره دي صعبه عليا انا كمان اخلص

بس المهمه دي وافضالك اتفقنا يا قلبي

ليالي: طيب تعالي نتغدي بره النهارده

ادهم: اتفقنا اسبقيني علي النادي وانا هجيلكم هناك
اتفقنا يا قمر

ليلي: اتفقنا حبيبي بس ما تتاخرش
باسها وخارج بنوته جريت واتشعبطت في رقبتة ومش عايزه
تسيبه

ادهم: اخلص من امك تطلعيالي انتي ___ ليلي
ليلي: ماليش دعوه اتصرف معاها انت بتنزل قبل ما يصحو
وترجع بعد ما بيناموا وانت واحشهم
ادهم: بقي المعامله كده ماشي.... بصي يا قمر بابي عنده
شغل وماما هتاخدكم وتروح النادي وانا بسرعه بسرعه
هاجي

آيه: معاك

ادهم: يا يا بنبونايه مش هينفع تيجي معايا انا هاجي

آيه بتعيط

ادهم: ليلي بقي اتاخرت ومش عايز اسيبها بتعيط

ليلي: يوكا بابي هيروح يجيب شيكولاته ليوكا العسل
ويجي النادي نلعب كلنا احنا هنلبس وهو هيجي او ك يا

جميله مامي

آيه: ابس دوقتي

ليلي: اه ابس دلوقتي يالا

اخيرا سابتة ويدوب بيقول لزياد باي مردش عليه

ادهم: زوزا باي

زياد: لا انا زعلان

ادهم: لا انتو اتفقتوا عليا كلكم النهارده لما ارجعلك

بقي اشوف الموضوع ده

زياد مردش بس وهو ماشي قال كلمه واحده وقفت ابوه

مكانه

زياد: انت مبتحبنيش

ادهم اتسمر مكانه لان ده اخر شئ عايز يسمعه من ابنه

او يحسسهو له رجعله وقعد قدامه

ادهم: انت ليه بتقول كده؟

زياد: علشان انت ما بتحبنيش انت بتحب يوكا بتاعتك
بس.... بتشيالها بتاعبها بتنام في حضنك بتضحك معاها
لكن انا ما بتحبنيش

ادهم افتر كل لحظه عاشها مع ابوه و كان حاسس بحب
ابوه لاخوه لكن هو لا واستغرب هو ممكن فعلا يكون
وصل ابنه لنفس احساسه

اخده في حضنه

ادهم: لا زياد انا بحبك انت اقدر من اي حد في الدنيا دي
كلها انت اول فرحتي انت كل حاجه في حياتي وبحبك
انت واخترت زى بعض

الفرق بس ان هيا لسه صغيره فبشيالها علشان ما توقعش
لكن الحب انت زيتها ويمكن اقدر شويه انت عمرك
طلبت مني حاجه وانا معملتها لكش

زياد: لا بتعملي

ادهم: انت لازم تبقي متأكد من حب بابا وماما ليك ديما
علي طول

زياد: يعني انت بتحبني؟

ادهم: طبعا واكثر من اي حاجه في الدنيا فهمت

زياد: طب مش بتلعب معايا ليه؟

ادهم: انت عارف شغلي والفتره دي مشغول افوق بس منها
وهنسافر انا وانت ومامي ويوكا نقضي فتره كلها لعب وبس
اتفقنا

زياد: ده وعد؟

ادهم: وعد

باسه وقام وليلي وقفت معاه على الباب

ادهم: انتي ليه سيباه يفكر كده؟

ليلي: اول اول مره يتكلم كده وبعدين يا ادهم انت فعلا
مشغول عننا تماما

ادهم: غصب عني يا ليلي والمفروض انتي اكثر واحده
تفهمي ده والمفروض تبرري غيابي للعيال مش تسببهم
يفتكروا ان انا مش بحبهم

ليلي: حاضر يا ادهم بس انا كمان زيهم عايزه حبك

ادهم: وحيي موجود ديما انا همشي دلوقتي وزى ما قلت

لزياد تخلص بس مهمتي دي ونسافر نغير جو

سابها ومشي وهيا نزلت النادي تلعب هيا والعيال

وقت الغدا قعدت واستنت ادهم اتصل بيها وقالها انه

هيتاخر شويه وانها تاكل العيال

قاعده علي الترابيزه وايه علي حجرها وزيا عايزها تاكله

وهيا مش عارفه تعمل ايه؟

فجأه جاتلها واحده شكها مريح

#تحبي اساعدك؟

ليلي: متشكره مش عايزه اتعب حضرتك

#لا مش تعب بالعكس دي حاجه تفرحني

ليلي: مش هقولك لا اتفضلي

#انا اسمي حنان

ليلي: وانا ليلى والقردة دي آيه والواد ده

قاطعها: انا زياد

حنان: اهلا بزياد باشا اهلا آيه السكره ممكن اشيلها؟
وانتي ساعدي زياد

ليالي: كان المفروض جوزي يجي بس اتاخر كالعاده
حنان: وانا برضه مستنيه جوزي بصره نستني مع بعض
اكلوا العيال وانبسطوا وليالي اخدت عليها جدا حتي العيال
حبوها قوي وشويه كده

ليالي: في واحد كده طويل عريض شبه حسين فهمي كده
بيتلفت ويبص ناحيتنا ليكون جوزك؟؟؟
حنان: حسين فهمي مره واحده (بصت ناحيته وشاورتله) هو
فعلا جوزي بس حسين فهمي؟؟ هو علي فكره اسمه حسين
ليالي ضحكت: مش قولتلك

حنان: اتفضل يا حسين اعرفك دي ليالي كانت قاعده
مستنيه جوزها واتاخر وكانت محتاجه مساعدة مع العيال
وانا قلت اتسلي معاها لحد ما حضرتك تيجي
حسين: اهلا بيكي بس انا ما اتاخرتش يعني
حنان: لا ابدا دي هيا ساعه بس

حسين: بجد محسيتش بيها ابدًا وبعدين الشغل

حنان: من ساعه يا بنتي ما رجعنا من السفر وهو الشغل
الشغل علي طول شغل

زياد: بابا برضه علي طول شغل كده

حسين: اهلا اهلا بالعسل ده انت اسمك ايه بقي؟

زياد: انا اسمي زياد ودي اختي آيه

حسين: اهلا بزياد واخت زياد

ليلي: لو عايزين تقعدوا لوحدةكم اتفضلوا انا مش
هعطلكم

حسين: لا لا نتغدي كلنا مع بعض ولا احنا متطفلين
عليكي

ليلي: لا ابدًا بالعكس

حسين: تعال هنا ياسي زياد قولني بقي

فضل يتكلم معاه ويدردش معاه وحنان شايله آيه وبتلعبها

وعدي الوقت وادهم مجاش وليلي قامت تروح

حسين: تعالي معانا نوصلك

ليلي: لا لا معايا عربيتي وبعدين انا ساكنه قريب من هنا

وصفتاهم عنوانها واتفقت هيا وحنان يتقابلو كل يوم

هنا في النادي

روح وبعده خناقه طويله مع جوزها ومحاولته يصلحها

بتحكيه عن يومها

ادهم: اسمها ايه بقي البنت دي

ليلي: مش بنت دي ست كبيره واسمها حنان وجوزها اسمه

تليفونه رن وقام رد واضطر ينزل من البيت بسرعه

ليلي: وكالعاده انت مشغول

كل يوم ليلى بتتقابل مع حنان حتي حسين بيجي

مخصوص يتغدي معاها ويلعب مع زياد

وفي يوم وهو شايله عدي حد من اصحابه

@حسين اول مره اشوف حفيدك اسمه ايه؟

حسين: حفيدي؟؟؟ لا ده مش حفيدي

@ اسف اصلي شفتك شايله مع الشبه اللي بينكم ده
حتي المدام البنت اللي هيا شيلها شبهها فقلت انهم
احفادكم اسف لو ضايقتك

حنان: عنده حق صاحبك زياد شبهك قوي

ليالي: وايه شبهك انتي هو انتو مش عندكم اولاد واسفه
لو بتدخل

حنان: لا يا حبيبتي عندنا ولد واحد وقبل كده كان
عندي ولد وبنت كمان بس اتوفوا

ليالي: انا اسفه جدا ومفيش احفاد
حسين: ربنا مش رايد ومراتي مقتنعه ان ده عقاب من ربنا
ليا

حنان: ربنا بقي هو اللي عالم بكل شئ

ليالي: ليه بس كده حضرتك انسان كويس جدا
واستحاله انك تكون عملت شئ ممكن ربنا يعاقبك
عليه

حسين: قوليلها والنبي

حنان: ولا تقولي ولا اقولها اقلوا بقي الموضوع ده

حسين: المهم صح يا ليلي احنا عاملين حفله كبيره هنا
في النادي عايزينك تيجي وجوزك يجي حتي نتعرف علي
الظابط الغامض ده

حنان: اه يا ليلي محتاجاكي معايا تساعديني واهو صح
نتعرف علي جوزك

ليلي: انا معنديش مانع وهو لو فاضي مش هيتاخر ربنا يسهل
هقوله

ليلي قالت لادهم وهو وعداها انه هيحاول يفضي نفسه
ويجي

ليلي راحت البيت عند حنان وبتساعدنا للحفله وجوزها
فضي نفسه من الشغل علشان بس يلعب مع العيال

وهما قاعدين دخل عليهم واحد

#ماما فين بابا

حنان: هناك اهو ____ ليلي ده احمد ابني

ليلي: اهلا وسهلا

احمد: اهلا بحضرتك دول عيالك الي مخلصين بابا اراجوز
كده

احمد بص لابوه بصره طويله وبص للعيال نظره كره وحقد
راح ناحيته ابوه

احمد: من امتي انت بتلعب كده؟ كان نفسك يكون
عندك احفاد صح وتلاقيك ندمت علي ابنك الثاني؟؟

حسين: انا معنديش عيال تانيه المهم عملت ايه؟
اتكلموا في الشغل والعيال كل شويه يجوا يشدوا فيه
آيه: دادو يالا

احمد: دادو؟؟ هو انت بقيت دادو

حسين: عندك مانع؟؟

احمد: وانا مالي دادو دادو انت حر

قام يمشي بس كان شكله تعب

حسين: هو انت لسه تعب؟؟ مكشفتش ليه؟

حاول تبطل شرب بقي شويه

احمد: ربنا يسهل ما تشغلش بالك انت

حسين: ولو مش هشغل بالي بيك هشغله بمين

احمد: باللي بيقولولك دادو روحلهم

سابه ومشي وليلي كمان اخدت عيالها ومشيت

حسين: كانوا عاملين حس في البيت

حنان: اكيد بس غريبه انك اتعلقت بيهم كده .

حسين: في حاجة فيهم شداني ليهم

حنان: ده بس علشان تشوف انت محروم من ايه؟

حسين: هو انتي ليه ديما بتحاولي تجرحيني؟؟

حنان: هو ده كده جرح؟؟؟ امال اللي انت عملته فيا كان

اسمه ايه؟ انت حرمتني من ابني وحرمت نفسك منه

ويمكن يكون عندك احفاد دلوقتي انت حارم نفسك

منهم

حسين: احفاد منه مش عايزهم لانه هو مش ابني ولا لاف

سنة هقول مش ابني

حنان: وانا بقول ان الايام هتثبتلك ومش عارفه انت
هيجرالک ايه تاني اقدر من كده علشان تحس

حسين : افضلي اشميتي فيا كده

حنان: هسملت في ايه؟ في ابني اللي راح مني ولا بنتي اللي
ماتت

سابتة ومشين

ليالي بتكلم ادهم وبتحكيه كل حاجه

ادهم: اخدت اجازة بكرة علشان اروح معاكي الحفله
واتعرف علي حنان ودادو ده

اللي كلکم بتموتو فيه

ليالي: دادو ده شخصيه كده عسله راجل لذین قوي

ادهم: ما تحترمي نفسك يا بت ايه راجل لذین دي

ليالي: هههه انت بتغير

ادهم: اه اه بغير عندک مانع

ليالي ضحكت وقامت وبتمشي علي ايديها وركبها زي

القطه وبتقرب عليه

ليالي: لا معنديش مانع

ادهم: انتي بتقربي كده ليه انا بحذر كده نتيجه مش

كويسه

ليالي قربت وبتبوسه في رقبتة

ليالي: وريني النتيجة اللي مش كويسه دي

ادهم: هو العيال فين؟

ليالي: نايمين

ادهم: طب مش تقولي من بدري

(نسيبهم بقي في حالهم بطلوا تطفل)

طلع النهار وليالي استعدت هيا والعيال وادهم وراحو النادي

يحضروا الحفله وهما في الطريق ادهم جاله تليفون فبص

لمراته

ليالي: لأ لأ مش هتعتذر

ادهم: ساعه بس وهاجي بجد

ليلي: لا يا ادهم انت بتقول كده ومش بتيجي

ادهم: ده يدوب ملف بس علي الكمبيوتر بتاعي في

المكتب وهما محتاجينه ولا اكرت ولا اقل

ليلي: ما اي حد تقوله ياخده

ادهم: لا طبعا ما ينفعش حد يفتح جهازى عليه اسرار شغل

ماينفعش ساعه بالكثير

ليلي: ساعه

ادهم: وحياتك انتي ساعه، هنزلك واروح واجيلكم

نزلها ومشى وهيا دخلت بالعيال واول ما حسين شافهم جري

شالهم

حسين: ما تقوليش جوزك مش جاي؟؟

ليلي: جاي ساعه بالكثير وجاي علي طول

حسين: جوزك ده بيفكرني بنفسى وانا شباب زيه تعالى

دخلت واندمجت في الجو

احمد: يا اهلا

ليلي ما حبتش احمد ده نهائي

ليلي: اهلا بعد اذنك هشوف حنان فين

احمد: استني هو انتي ناويه علي ايه بالضبط؟

ليلي: ناويه علي ايه في ايه؟

احمد: اعملي عبيطه بقي افهمك،،، قولتي اتنين كبار

وهبل خليني استغل حبهم للعيال ومين عارف

ليلي: اخرس انا ما اسمحكش

احمد: تسمحي ولا ما تسمحيش بس احب اقولك انا سبق

وخلصت من اخويا علشان ما بحبش شريك فمش هيكون

صعب اخلص منك

هنا جت حنان الي لاحظت ان ليلي متضايقه

حنان: ليلي بدور عليك تعالي

اخذتها ومشيت

حنان: اهدي كده مالک

ليلي: ابنك بيقول كلام غريب

حنان: سيبك منه خالص ومن كلامه انسيه وما تركزيش
في اي كلمه يقولها اتفقنا جوزك مش هيجي ولا ايه

ليلي اتصلت بيه

ليلي: هو هنا داخل اهوہ ثواني هروح اجيبه

حنان: روعي حبيبتي

ليلي قابلت ادهم وباسها وداخل بيها

ادهم: فين العيال

ليلي بتشاورله عليهم

ليلي: آيه هناك اهي حنان شايلها وزياد اهو راکب علي
رقبته دادو

ادهم: دادو تاني

ليلي: عايز ايه بقي؟

ادهم: عايز زي ليله امبارح

ليلي: وقته ده؟

ادهم: ماهو العيال نسيبهم مع دادو ونروح انا وانتي نقول
كلمتين

ليلي: اغراء بس لأ الناس مستنينك من بدري اجل
الكلمتين بس خليك فاكهم

ادهم: وهو انا عمري نسيت

داخلين الاتنين ايديهم في ايدين بعض بيضحكوا
حنان لمحتهم من بعيد قلبها كان هيقف وبصت لآيه اللي
في حضنها وبصت لحسين جوزها وزيايد شايلاه
ادهم قرب مع ليلي اكثر وواقف وري حسين
ليلي: دادو احب اعرفك بادهم جوزي
حسين لف وشه بابتسامه عريضه

حسين: اخيرا

وقطع الكلمه اول ما شافه وادهم كمان ملامحه كلاها
اتجمدت وبص ناحيه آيه

آيه: بابي

الكل اتجمد وببص لبعض وليلي محتاره هما مالهم في
ايه؟

احمد من بعيد واقف بيتفرج

احمد: اهو ده اللي معمولتش حسابه شكلها هتولع



الحلقه الخامسة عشر

ادهم قرب مع ليلى اكر وواقف وري حسين

ليلى: دادو احب اعرفك بادهم جوزي

حسين لف وشه بابتسامه عريضه اختفت بسرعه اول ما

شاف ادهم

حسين: اخيرا

وقطع الكلمه اول ما شافه وادهم كمان ملامحه كلاها

اتجمدت وبص ناحيه آيه

مكاوي الكتب

آيه: بابي

الكل اتجمد وببص لبعض وليلى محتاره هما مالهم في

آيه؟

وحنان قلبها هيخرج من مكانه من لهفتها علي ابنها الغايب

من سنين وحسين المفاجأة لجمته ومش عارف يتكلم

واحمد خايف ان ابوه يحن بسبب العيال

فاق حسين وراح منزل زياد علي الارض مره واحده او تقريبا
رماه علي الارض

حسين: دول عيالك؟؟؟ وانت فاكرا ان احنا هنقبلك لما
يكون عندك عيال؟؟؟ خد عيالك وامشي من هنا
احسنالك

ادهم واقف مش مستوعب ان ابوه وامه قدامه

ادهم: انا مكنتش اعرف انكم هنا يا لالا يا ليلي
حنان: ادهم

ادهم هنا بصلاها ياما اشتاق كتير قوي يسمع صوتها امال
دلوقتي ليه مش عايز يسمعها؟؟؟

قرب منها وهيا شبح ابتسامه علي وشها اختفت لما شد بنته
من ايديها

حنان: لا يا ادهم ما تاخدهمش مني ارجوك

ادهم: ارجوكم انتو ابعدوا عن حياتي

شد مراته وعياله واخدهم ومشى وسط نظرات الذهول

والاستفسار اللي في عيون الكل

وادهم ماشى شاف اخوه واتقابلت عنيهم

احمد وقف قدامه في الطريق

احمد: بقي حد يصدق ان العيل كبر ومتجوز المزه دي...

كانت عنيهما فين؟

ادهم: ابعد عن طريقي انا مش العيل بتاع زمان

احمد: اوووه تصدق خفت ههههههه

ادهم زقه بعيد ومشى ركبوا العربيه وليالي مش عارفه

تنطق تقول ايه هيا ازاي ملاحظتش او خدت بالها من الشبه

او الاسماء حسين وحنان بس اللي خلي ادهم نفسه ما

اعترضش

لا بس ادهم ما عرفش اسم حسين علي طول بنقول دادو

وعلشان كده ما عرفش

طيب تقول ايه؟؟؟ وتواسيه ازاي؟ طيب ادهم لو مكانها

كان هيقلها ايه؟

ليلي: ادهم حبيبي انا اسفه بس مكنتش اعرف و

ادهم: اسكتي دلوقتي

ليلي: ادهم انا

ادهم: قلت اسكتي دلوقتي

وصلوا بيتهم في حاله صمت ودخلو وليلي دخلت العيال في

اوضتهم وطلعت لجوزها اللي كان عامل زي الاسد الهايج

المحبوس رايج جاي واول ما شافها

ادهم: ايه ده بقي هاه؟؟ كنتي عملها لي سيادتك

مفاجأة؟؟

ليلي: مكنتش اعرف

ادهم: انتي بتستعبطي ولا ايه؟ مكنتيش تعرفي ايه هاه؟

حسين وحنان وابنه احمد عايزه ايه تاني؟

صوته كان عالي جدا لدرجة ان العيال خافو وطلعوا بره

واقفين يتفرجوا عليهم وهما بيتخانقوا

ليلي : معرفش متخيلتش ابدًا انهم يكونوا هما وبعدين
مكناش بنتكلم في حاجات خاصه كثير انا اسفه اني
حطيتك في الموقف ده

ادهم: واعمل بيها ايه اسفه دي؟؟؟ سيادته فاكر اني
باعتك انتي والعيال تحنني قلبهم عليا

ليلي: اسفه يا ادهم اسفه

ليلي عيطت وهنا العيال عيطوا بصوت عالي وجريوا علي
مامتهم

زياد: مامي هو بابي بيزعق ليه هو زعلان مننا

ليلي: بابي مش زعلان مننا احنا هو متضايق شويه

زياد: طيب احنا ليه مشينا من عند دادو؟

ايه: نانا

ايه بتعيط هيا كمانا وعايظه نانا

ادهم انفجر في اللحظة دي هو كمان

ادهم: اتفضلي اهو يا ستي دادو ونانا اعمل انا ايه دلوقتي

هاه

ولد انت وهيا مفيش حاجه اسمها دادو ولا نانا مفهوم؟ رحو
اوضتكم اتحركو

العيال عيطت اكر وجريو علي اوضتهم

ليلي: كفايه نرفزه علي العيال هما مالهومش ذنب

ادهم: والذنب ذنب مين هاه فهميني؟؟ ذنبي انا؟؟؟ ولا ذنب

سيادتك

ليلي: ذنبي انا في ايه؟؟

ادهم: ذنبك انتي _ ذنبك ان هو فاكرك دلوقتي ان انا

بعتك بالعيال تستعطفيه _ ذنبك انك مش قادره

تتلمي في بيتك ومقضيها خروج ليل نهار _ ايه يعني

اتشغلت عنك شهر الدنيا هتخرب ما هو علشان سيادتك

وعلشان عيالك ما تحتاجوش حاجه من حد

كام سنه متجوزك وديما بتيجي عليا وبسكت

وبسامحك لكن انتي ديما ما بتفكريش غير في راحتك

وبس ايه يعني مشغول مش فاهم انا لازم تخرجي وتتعرفي

علي ناس وياريك عرفتي حاجه عنهم

انتي حطيتينا في الوضع ده انتي

ليلي: ممكن تهدي شويه

ادهم: اهدي ___ اهدي ___ انتي معندكيش ادني فكره
علي اللي انا فيه دلوقتي لانك لو حاسه ولو للحظه انا
جوايا ايه دلوقتي مكنتيش قولتي اهدي دي ___ ولا
اقولك انا اسيبلك البيت خالص علشان،،، اهدي

ليلي: ادهم استني لو سمحت استني

ادهم كان خارج وراح واقف مره واحده وبص ليلي
ادهم: آيه؟ آيه اختي فين مشفتهاش ليه وليه انتي ما
اتكلمتيش عنها؟؟

ليلي: ايه؟

ادهم: ايوه ايه هيا فين مسافره؟

ليلي: لأ انا اسفه بس هيا

ادهم: اه صح انتي قولتي ان كان عندهم بنت وماتت صح

نسيت

قالها ومشى

و هو خارج وهيا بتجري وراه والباب خبط في اللحظة اللي
بيفتح فيها الباب

فتح لقي ابو ليلي وامها

ابوها وامها: مفاجأة

ادهم بصلهم ومن غير ما يتكلم خرج من الباب اللي هما
واقفين فيه ونزل جري علي السالمة

عم محمود: في ايه جوزك ماله؟؟؟

ام ليلي: اكيد مزعلاه هيا وراها ايه غير كده؟

ليلي: حمد لله علي السلامة الاول اتفضلو

دخلو وليلي خرجت عيالها اللي بيعيطو وفرحو بجدهم
وتيتهم ونسيو شويه اللي حصل مع ابوهم وليلي حكّت اللي

حصل لابوها وامها وكالعاده امها منحازه لادهم وابوها

شايف انها ما غلطتش

عند حسين

حسين في بيته في مكتبه رايح جاي هيتجنن

حسين: انا؟ انا اشيل عياله؟؟؟ والاعبهه واعملهم اراجوز
انا؟؟ وعيال مين عيال ابن ...

حنان: عيال ابنك

حسين: قسما بالله لادفعه الثمن غالي قوي

حنان: ابنك ودول احفادك فكر للحظه الاحساس اللي
حسيته لما شلت زياد وايه ده احساس الجد انت حسيته من
غير ما تعرف دول مين وده اكبر دليل ان هو ابنك الشبه
اللي بينكم! ده انت كل اصحابك لما يشوفو زياد
معاك بيفتكروه حفيدك ليه!! فكر

حسين: دي بقي خطتك الجديده علشان نفسي في حفيد
روحتي واتفقتي معاه تعلوقوني بالعيال وبعدها تقولي اهو
ابنك صح؟؟؟

حنان: انا مكنتش اعرف زيك ان ليلي مراته اصلا او دول
عياله انا كنت زيك

حسين: انتي كدابه

حنان: انت عارف انت معدتش بتصدقني ومن زمان وغلطتي
اني فضلت معاك اصلا من زمان انت الحياه معاك مستحيله

حسين: اه دلوقتي عايزه تسيبني وتروحي له تروحي

لا حفاك ماشي انا هوريكي هعمل فيه ايه؟؟؟

حنان: حسين لا هتعمل ايه؟؟؟ حسين ارجوك سيبه في

حاله

حسين ماسك التليفون وبيتصل بحد

حنان: ارجوك لا

حسين: الو ايوه؟ سياده الوزير ايوه انا حسين

اهلا بحضرتك يا افندم

انا كان ليا رجاء خاص صغير عند حضرتك

#اتفضل واحنا نطول نخدمك يا حسين باشا انت بس

تشاور

ايوه كان في ظابط مخابرات كده قل ادبه شويه معايا

#قل ادبه ده انا ارفدهولك قولي بس مين ده واسمه ايه

حنان جنبه بتعيط وتترجاه

حسين: اسمه ادهم صبري

الوزير: ادهم صبري ثواني كده

اتكلم مع حد جنبه شويه كده

الوزير: ايوه انت قصدك علي ظابط متعور كده في وشه
كام جرح

حسين: قصدك مشوه مش متعور ايوه هو ده

الوزير: اه شوف يا حسين احنا اصحاب وانا اتمني اخدمك
بس الضابط ده بالذات يستحسن كده تبعد عنه لانه اولاً
ليه وضعه ووزنه في شغله وكلمته مسموعه لاهلي مستوي
ده غير كفاءته في شغله ده غير انه بيعتبر رجل المهمات
الصعبه ليه اشغال ومهمات محدش يقدر ينساها وعمره ما
غلط مع حد

حسين: قصدك ايه انا اللي غلطت معاه؟

الوزير: لا قصدي انك تبعد عنه وما تخليهوش هو يحطك
في دماغه لان لا انا ولا انت قده ده عامل زي القطر اللي
ملوش سواق محدش بيقدر يقف في وشه واللي يقف يبقي
هو اللي غلطان فابعد عنه احسنلك انا اسف بس مع ده انا
عايز افضل بعيد ونصيحه انت كمان ابعد

حسين: طيب متشكر

قفل السكه وهيولع واتصل بالسكرتيره بتاعته

حسين: هاتيالي كل ارقام الناس المهمه اللي نعرفها

بسرعه

فضل اكثر من ساعه يتصل ونفس الرد

ابعد عنه ومالكش دعوه بيه

حنان ابتسمت وانسحبت من الاوضه وسابت جوزها واتطمنت

انه معدش يقدر ياذيه

طلعت اوضتها ولمت هدومها ونزلت ومشيت بهدوء وهيا بره

قابلت احمد اللي كان شكله تعب ان جدا

احمد: خلاص هتروحيه؟؟؟ انا نفسي اعرف انتي ليه

محبتي نيش انا مش انا ابنك برضه؟

حنان: ابني اه بس طول عمرك اناني يا احمد كانت

حياتك هتختلف لو ليك اخ تحبه ويخاف عليك وتبقوا

اصحاب وحبايب لكن انت ما بتحش غير نفسك وبس

بص كده لنفسك مراتك وسابتك ومالكش اصحاب ولو
وقعت مش هتلاقي حد جنبك

احمد: مراتي سابتني علشان ما بخلفش

حنان: لا في ناس كتيره ما بتخلفش وبيفضلو مع بعض
لكن مراتك سابتك لانك اناني عمرك ما اهتميت بيها
وبمشاعرها ما بتهتمش غير بنفسك ولو يا احمد ما

اتغيرتش بقولها لك اهو هتموت لو حدك

سابتة ومشيت وهو دخل لابوه يبخ السم شويه

ادهم قاعد لوحده النهار كله قافل تليفونه ومش عايز ولا
يشوف حد ولا يرد علي حد وبالليل روح بيته ودخل اوضته
من غير ما يتكلم مع حد حتي لبالي حاولت تكلمه رفض
يسمعها اصلا وطلب منها تسببه لوحده

حنان مشيت مش عارفه تروح فين

الدنيل ليلت وهيا بتلف بعريبتها واتفاجئت انها بقت نص
الليل ولقت نفسها قدام بيت ابنها واترددت تتطلع ولا
هيقل باباه في وشها

واخيرا قررت تطلع وتنهى بقي هروبها ده وضعفها

طلعت ورنّت جرس الباب

ادهم سمع الجرس استغرب وقام بنفسه يفتح

ادهم: استني يا عمي انا هشوف مين خليك انت

كان ليالي وامها وابوها سهرانين وهو فتح الباب اتفاجئ لما

شاف حنان قدومه

حنان: ممكن ادخل؟؟؟

ادهم: عايزه ايه وجايه هنا ليه؟

حنان: عايزه اتكلم معاك

ادهم: تتكلمي؟؟؟ دلوقتي عايزه تتكلمي؟؟؟؟

عدت عليا ايام وليالي كان نفسي اسمع ولو حرف منك

كلمه اي حاجه بس كنتي بتستكترها عليا دلوقتي

بقي انا مش عايز اسمعك اصلا

قفل الباب في وشها وهيا وقفت تعيط بره الباب

عم محمود: من امتي بتقفل بابك في وش حد هاه؟ وبعدين

شوف الساعه كام؟ هتروح فين دلوقتي الست هاه؟

ادهم: ترجع بيتها

عم محمود: انت ما شفتش الشنطه اللي في ايدها شكلها
سابت بيتها اوعي من طريقي

راح عم محمود وفتح الباب لحنان

عم محمود: اتفضلي تعالي

حنان: بس هو

عم محمود: اتفضلي الدنيا ليل والصباح يحلها المولي
دخلت حنان وبصت لليالي ولا ماما ولا بنها اللي واقف عاطيها
ظهره

حنان: ليالي قوليله انتي يسمعني

ليالي: انتو جرحتوه ورميتوه ماعتقدش ان في شئ ممكن
يتقال

حنان: بس يسمعني

ادهم بصالها وقرب

ادهم: هو سؤال واحد عايز اسألهم لك وتجاوبيني عليه

بصراحه

حنان: اسأل

ادهم: انا ابنه؟؟؟؟؟ ولا ابن حد ثاني انتي خنتيه معاه؟؟؟

حنان: ابنه والله ابنه

ادهم: طيب ليه؟؟؟

مسكها من دراعتها الاتنين

ادهم: ليه؟؟؟ ليه عملتو فيا كده؟ ليه كرهني؟؟؟ وانتي

ليه

قاطعته حنان: اوعي تنطقها انا عمري ما كرهتك وعمري
ما حببت غيرك

ادهم ضحك بصوته كله ضحكه غلب ووهم

ادهم: انتي عمرك ما كرهتيني؟؟؟ علشان كده كنت
بتوقفي تستمتعي بعذابه ليا؟؟؟ وكنت بتتفرجي عليا
وبعدها قاطعتيني خالص اخدت خمس سنين معاكي في
نفس البيت ابكي تحت رجلكي علشان بس تقولي
كلمه وبعدها رومتوني بره بعد ما شوهتوني وجايه تقولي
بحبك حب ايه ده؟

حنان: انت مش عارف اي حاجه اديني فرصه اشرحلك

ادهم: مش عايز اعرف!!! بما ان الدنيا ليل تقدرني تباتي
هنا والصبح تمشي بعد اذنكم

حنان: ادهم استني

ادهم سابههم ودخل اوضته وقفل الباب

حنان بتعيط وتقول لازم يسمعني

حنان: ليالي انتي لازم تخليه يسمعني

ليالي: دي مش بايدني اسفه

دخلتها اوضه تنام فيها وراحت لجوزها اللي كان راقده علي

السريير وباصص للسقف

ليالي: ادهم حبيبي انت

قاطعها: لو هتتكلمي عنها هسيبك البيت وانزل

ليالي: مش هتكلم عنها هتكلم عنك انت ___ انت

عندك اسئله كتير ونفسك تعرف اجابتها واهي

فرصتك قدامك اسمعها واسئلهها واعرف كل حاجه

وبعدها انت حر تتقبل كلامها او تخرجها بره حياتك بس

الاول تسمع اللي عندها

ادهم: مش عايز اسمع

ليلي: لا انت عايز __ وعايز كثير قوي __ عايز تعرف
ابوك عمل كده ليه وهيا سكتت ليه والى سؤال وسؤال
جواك واكثر من ده كله عايز حضنها

ادهم بصلها وفي دموع متعلقه ولا راضيه تختفي ولا راضيه
تنزل

ليلي: بتبصلي ليه؟ ايوه انت عايز حضنها اكر من اى شئ
فى الدنيا يبقى تسمعها يمكن تعذرها يمكن تكون
الدنيا جايه فتحالك ايديها وبتصالحك

ليلى ضمته فى حضنها زى العيل الصغير ونام فعلا فى
حضنها لحد ما النهار طلع والشمس دخلت الاوضه وصحته
من نومه

صحى ملقاش ليلي جنبه بس سامع صوت العيال بيضحكو
ويلعبوا

قام وخرج وشاف امه بتلعب مع عياله وبيتنططوا معاها
وبيضحكو من قلبهم

دخل اوضته مش عارف يعمل ايه؟ يطردها ولا يسمعها علي
الاقل علشان لو حرم عياله منها يبقي سمعها الاول

لبس هدومه وخرج والكل سكت اول ما شافه

بص لمراته

ادهم: فطرتوا ولا لسه؟

ليالي: لسه مستنينك

ادهم: جهزي الفطار

ليالي جهزت الفطار وادهم قاعد والكل ساكت حتي العيال
ساكتين وحاسين بالوضع المتوتر ده وايه راحت قعدت في

حجر ابوها بصمت

آيه: انت بتحبني بابي؟

ادهم: اكيد يا حبيبتي بحبك انتي واخوكي

هنا زياد قام وجري وقعد علي رجله هو كمان

زياد: طيب ممكن اسالك سؤال

ادهم: اسال

زياد: انت ليه زعلان من دادو ونانا

ادهم بص لحنان بصه طويله

ادهم: ده موضوع كبير يا زياد ومش هتفهمه دلوقتي
بعدين هبقي اجاوبك علي سؤالك مش دلوقتي اتفقنا

هنا جت ليالي وقالت ان الفطار جاهز ا

الكل فطر في صمت ومحدث بيص لحد ومفيش غير
العيال اللي بتتكلم بس

الفطار خلص والعيال راحو اوضتهم يلعبوا مع ام ليالي اللي
اخذتهم علشان الباقي يعرف يتكلم

ادهم: اتفضلي قولي اللي عندك وابدئي بليه هو مش
متقبلني كابنه طالما اني ابنه زي ما انتي بتقولي

حنان: لانه هو مش مصدق انك ابنه؟؟

ادهم: يعني انتي خنتيه وبناءا عليه هو مش مصدق،، مش
يمكن هو عنده حق وانا مش ابنه فعلا؟؟؟

حنان: انا مختوش ابدًا ولا انت كمان هتتهمني زيه ومش
 هتصدقني يبقي بلاش تتكلم تحسن لا حسن شكلك زيه
 في كل حاجه بتتهمه وخلاص

ادهم بصلها بغیظ: انا مش زيه ابدًا

حنان: انت حته منه وشبهه في كل حاجه حتي في
 اتهاماتك شبهه بس انت ظابط واكيد في شغلک بتجمع
 الحقائق والادله الاول وبعدها تتهمه او تبرأ وده اللي عايزاه
 منك اسمعني كظابط واتهمني او براني

ادهم: اتفقنا هسمعك كظابط قولي اتهمك ليه

بالخيانه؟؟

حنان: لازم تسمع الحكايه من اولها

حكته ازاي قابلو بعض وحبوا بعض وكانت قصه عشق
 طويله وازاي خلفوا احمد وفرحوا بيه وحكته لما ابن
 عمها جه زياده وحكته كل اللي حصل الليله دي وبعدها
 ازاي احمد اقنع ابوه ان الليله دي امه نامتها مع ابن عمها

ادهم: انتي عايزه تفهميني انه ضرب عشره السنين اللي
بينكم والحب الكبير اللي بتحكي عنه علشان كلام
عيل عنده 10 سنين الظاهر اني بضيع وقتي

قام وقف ولسه هيمشي

حنان: استني اسمع الباقي

ادهم: لا مش هسمع انتي عايزه تفهميني ان لو جه زياد
دلوقتي وقال ان ليلي واحد جه في مره وانا مش موجود
وقضي ليله معاها وقال ان ايه مش بنتي اروح انا اصدقه
واتهم ليلي واهد بيتي وارمي بنتي في الشارع انتي بتهرجي
حنان: الوضع مختلف... انا وابن عمي كنا مخطوبين قبل
كده ولما قابلت ابوك وحببته فسخت الخطوبه

ادهم: ويلي كانت مخطوبه لابن عمها ولما قابلتني فسخت
خطوبتها اروح اتهمها معاه لو قابلته؟؟؟ برضه مش منطق
ولا سبب

حنان: مش بقولك انك زيه؟ اقعد واسمعني

حنان: اولاً انا وابن عمي كنا مخطوبين وحسين مش بيحبه
ابداً وبيغير جامد منه وبعدين هو كان مسافر مش بره

البيت والليله اللي ابن عمي جه فيها كان صادف ان كل
الخدم اجازه وانا معرفتش اتصرف واحمد كان واقف
وبيسجل وهو من النوع اللي بيفرح بالشر قوي معرفش ليه؟
وفي نص الليل لما شافني خارج من عنده انا قتلته يروح
ينام

فراح وقال لابوه ان انا اديت للخدم اجازه وان انا نيمته في
البيت وان هو شافني خارج من عنده في نص الليل
فزعتله وقلته يروح اوضته وكل ده صح وحصل
هو سمعني وشرحتله الوضه ونوعا ما صدقني جيت بعدها
بقتريه اکتشفت حملي فيك

وهو جواه الشك بس مش بيتكلم متقبل كل حاجه
وساكت لحد ما ولدتك بدري عن معادك ولدتك تقريبا
في اخر الثامن بس كنت عيل مكتمل وساعتها الدكتور
قال ان ممكن يكون حصل غلط في الحساب لان شكلك
عيل كامل ابن تسع شهور وممكن يكون في غلط وفي
فرق 3 اسابيع هنا بقي الشك رجع وكبر لان 3 اسابيع دول
هو كان مسافر فيهم

واحمد كان خايف ان احنا نحب البيبي الجديد وننساه
وساعتها ام ابوك اللي هيا جدتك كانت موجودة ربنا
يجازيها بقي كانت ديما بتكرهني وتصطاد في الميه
العكره وكانت امنيه حياتها تطلقني من ابوك

هيا فهمت احمد يقول ايه ويتصرف ازاي؟

وراحت لابوك واول ما شافتك قالت انك مش شبه خالص
وانك عيل كبير واستحاله تكون مولود بدري وقائله ان
احمد بيشوف كوابيس وهو عندها من المنظر اللي شاف
امه فيه مع راجل تاني وان هيا فهمت احمد ما يقولش حاجه
علشان البيت ما يتخربش لكن تبقي النتيجة عيل فده هي
متقبلوش علي ابنها انه يربي عيل مش ابته واقنعتة ان
مفيش عيل بيتولد في الثامن ويعيش ان انت ابن 9 شهور
كاملين وانك استحاله تكون ابنه

وبناء علي كلامها صدقها واقتنع انك مش ابنه

ادهم: لما زياد اتولد امه كانت هتموت بسببه وكرهته
واول مره شافته كنت داخل عليه وعازي اقتله او اخنقه
وكان الاحساس كبير قوي جويا ومهما ابوها وامها

يهدوني معرفتش اهدي لكن اول ما ضميته كل ده اختفي
 وحبيته ولو نزلي نبي وقالي انه مش ابني مش هصدقه
 حنان: ادبك قولتها بنفسك كنت عايز تقتله ومهما
 يقولوك كنت عايز تخنقه لكن لما شيلته وحضنته
 عرفت انه ابنك حبيبك وحته منك لكن تخيل يا ادهم
 لا قدر الله ان ليلى ماتت وانك ما شيلتوش ولا ضميته
 وفضل هوه قدامك كل ما تبصله تفتكر انت خسرت ايه؟
 هتعمل ايه؟ هتجبه؟ ازاي وانت عمرك ما ضميته ولا
 حسيت ناحيته باي مشاعر كل اللي تعرفه انه هو السبب
 اللي مراتك مش معاك بسببه هو حرمك من الحب كنت
 هتجبه؟؟؟

ادهم: انتي بتحطيله اعذار للى عمله؟؟

حنان: مفيش اي عذر ممكن يبرر اللي عمله فيك لكن
 انا بشرحلك هو ليه متقابلكش

ادهم: معملش ليه DNA وعرف الحقيقه

حنان: انت بتتكلّم من 35 سنه فانت ما هو لو كان فيه
سونار حتي كان عرف عمر البيبي ايه ما بالك بتحليل
DNA مكنش فيه ساعتها الكلام ده اصلا

ادهم: طيب هو وكان معاه عذره وكرهني وما تقبلانيش
انت ايه عذرک ليه فضلتی معاه؟

ليه سمحتيله يعمل كل ده فيا؟ ليه معرفتيش تحميني
منه؟ ليه كرهتيني انتي كمان؟؟؟ ولا علشان هو كرهني
واتهمك بالخيانة فانت كمان كرهتيني لاني السبب في
ان جوزك يبعد

حنان: لا يا ادهم انا عمري ما كرهتك ويمكن حبي
ليك هو الي عمل فيك ده؟

انا حببتك من اول لحظه عرفت فيها بحملي حببتك
لدرجة ما تتخيلهاش وكل ما حبي يزيد كره احمد وابوه
يزيد

جدتك اقنعت احمد ان لو احنا حبيناك هو هيترمي في
الشارع فكان ديما يفكر ابوك باللي حصل ويقول له انك
انت مش اخوه ومش عايزه اخوه وانا كل ما احاول اخليه

يحن يتجنن اڪتر واڪتر ولما فشلت كل محاولاتي طلبت
 الطلاق رفض لانه فاکر ان انا هاخدک واروح لابن عمي
 والي زودها ان ابن عمي عرف بالمشاكل دي وجالنا وقال
 لابوک انه يطلقني وهو هيتکفل بينا ظنا منه ان هو
 کده بیساعدي مش عارف انه کده اثبت فعلا ان انت
 ابنة واکد الشک عند حسين وساعتها هو اتجنن وقال ان
 عمره ما هيطلقني وشرط عليا اني لو عايزه اطلق اسيبک
 انت وبنفوذہ کان هيقدر ياخدک مني فخضت عليك
 وفضلت وعيشت معاه کاتنين اغراب
 ادهم: اغراب؟؟؟ امال خلقتي آيه ازاي؟
 حنان: دي کانت في ليله هو راجع وسکران وتقريبا اتهجم
 عليا وکانت نتيجتها ايه

واهي ربنا اخدها منه لانها کانت جميله وطيبه وکانت
 بتحبک کثير واڪتر واحده اتأثرت بغيابک

ادهم: وبعدین ما سيبتھوش ليه؟ او ما هربتیش ليه؟

حنان: هربت منه

ادهم: وهو رجعتك صح غصب عنك؟؟ حلو الفيلم اللي
انت بتحككه بس مش عاجبني

ولسه هيمشي

حنان: هربت ورحت عند واحده قريبتنا صاحبه امي واسمها
امينه كانت في بني سويف في بلد صغيره وقاعده في
عشه صغيره

ليلى بصت لادهم لانها افكرت لما راحو البلد وقابلو
امينه دي وادهم قال انه جه المكان ده قبل كده وان
شاف الست دي قبل كده

ادهم: وبعدين رجعتي تاني ليه؟
حنان: مرجعتش هو لقاني فضلنا انا وانت هناك اسبوع
وكنت بتجري وتلعب كان عندك 4 سنين ساعتها يمكن
علشان كده انت مش فاكرو

سيبت يا ادهم عيالي الاتنين علشانك بس للاسف ابوك
عرف بينا واخدك مني وسابني هناك وقال لي عايزه
امشي يبقي من غير العيال رجعتله وملقيتكش في البيت
اترجيته يرجعتك فضلت اكر من شهر اعيط تحت رجله

علشان يرجعك تاني وخالاني اوعده اني عمري ما اخذك
 واهرب تاني والا هيقتلك وفعلا رجعت ليا وبعدها بسنتين
 حاولت اهرب بره البلد فضلت طول السنتين احوش فلوس من
 وري ابوك بحيث اخذك واسافر بره مصر خالص وفعلا
 جهزت باسبورات ليا وليك وحجرت التذاكر ووصلت لحد
 المطار واتاري ابوك كل ده مراقبني وعارف كل
 حركاتي ولقيته مستنيني في المطار وقال لي انه سابني
 اعيش في وهم اني هاخدك واهرب ورجعني البيت غصب
 عني وهنا بقي بدأ يعذب فيك بكل طريقه يقدر عليها
 بالضرب والحرمان وكل حاجه بتوقع كان بيعملها لانه
 عارف انها بتوقعني انا اكثر منك
 يوم ما جلدك بعد المدرسه فضلت اترجاه كفايه بس ما
 سمعنيش وحبسني في اوضتي وآخر الليل روحتك كان
 مغمي عليك فضلت شايلاك وحضناك وهو جه وشالني
 من جنبك وساعتها جاب الصبغه يود ودلقها عليك
 وفضلت تصرخ وتصرخ وانا بعيط في اوضتي

ورجع وقالي اني كل ما هحبك ده النتيجة وساعتها قررت
اني ما اكلمكش تاني ابدأ لان كل كلمه كان قدمها
ضربه او عذاب جديد ليك

بس كنت براقبك من بعيد لبعيد وبعمل اللي اقدر عليه

كان لما يحرمك من الاكل ابعتلك الداده من وراه
مكش الخدم اللي بيحولك كنت انا ببعتهم ليك لحد
ما الاقي حل او طريقه اهرب بيها بس بعدها حصلت

الحادثه

ادهم: وسيبتيني ليهم يشرحوا فيا

حنان: لأ مسيبتكش

ادهم: اه معاش نسيت جيتي وقولتيلي مووت بقي بعد خمس

سنين صمت كانت دي كلمتك ليا موت بقي

حنان: كنت عاجزه ولو كان الموت هو الحل يبقي

اربحاك

عيطت حنان وادهم ملامحه جامده مش متأثر باي شئ

ادهم: وسيبتيني ومشيتي

حنان: معرفتش انك في المستشفى

ادهم: كنت في السينما؟! يعني ايه معرفتيش؟ امال هروح
فين وانا متكسر

حنان: ابوك قالي انك هربت من المستشفى ورحت سالت
عليك الكل قالو انك اختفيت وهو حافلي انه
مخرجكش من المستشفى ومن جوايا اتمنيت انك تكون
هربت او مشيت او اي حاجه تانيه غير انك تكون تحت
رحمته

ادهم: هربت!!!!!! هو كان عنده حق انه مخرجنيش انا
فضلت في المستشفى متكسر ومتربط ومتبنج اني ما
اتحركش بس احس بكل حاجه حواليا

عندك فكره هما عملوا ايه فيا؟؟؟ كانت اسوأ فتره في
حياتي وانا متكسف مشاغل والطلبه حواليا بيتمرنوا عليا
كل واحد بيخيط في جرح وبعد ما يخلصوا يجوا
الممرضات يفكوا الخياطه تاني ويحطوا فتيل علشان
الجروح ما تتقفش ولا تخف وتاني يوم يعيدوا من الاول
وجديد وهكذا لحد ما ربنا بعثلي مصطفى

حنان: معرفتش ببيك معرفتش غير لما صبري جه عند
ابوك وقاله انه هيتبناك ساعتها بس عرفت ببيك
وشفتك متشوه ابني الجميل بقي متشوه عيطة عياط
معيطوش في عمري كله

وابوك قالي ان ده ذنبي انا مش عارفه ذنب ايه اللي عملته
واتعاقبت عليه كده انا وانت بس دعيت ان صبري يعوضك
ورحت بعدها لساره مراته واترجتها تقبلك في بيتها
وساعتها هيا فعلا قبلتك في بيتها هيا كانت في الاول
خايظه منك ومش قبلاك ولما روحتها وعدتني انها
هتقبلك وانا هتكفل بكل مصاري

ادهم: انتي عايزه تفهميني ان انتي اللي صرفتي عليا؟؟؟
حنان: ساره قالتلي انك عايز تدخل شرطه وانا استغلّيت
ساعتها كل معارف ابوك علشان اعرف ادخلك وفضلت
لحد ما جبّتك الموافقه وطلبت من صبري يقولك ان هو
اللي اتصرف وساعتها قالك ان الوزير عامل عمليه عنده
وهو وافق صح؟ ولما اتخرجت كنت عايز شقه صغيره
صبري قالك انه عنده شقه انا جبّتها لك وفرشتها لك
ولما طلبت منه يشوفك شقه كبيره انا دورتك علي

واحدہ کنت عایزها فی حدود 200 الف شقتک دی
 دلوقتی انا اشترتها لک دفعت نص تمنها وسیتک انت
 تدفع النص وقلت لصبري یقولک انها علشان واحد مزنوق
 وفرصه مش هتتعوض وبعدها انت طلبت من ساره
 تفرشها لک انا عملتک کل دیکوراتها وفرشتها وفي کل
 مکان بدعیلک تعیش فیها مبسوط مع واحدہ تحبک
 وتقدرک

وفعلا انت حبیت وکنت هتتجوز
 ساعتها ابوک کان بدأ یشک ان انا بکامک فبعدت
 فتره عنک لانک بقیت راجل یعتمد علیه ولما عرفت
 انک هتتجوز کانت اخر هدیہ لیک هیا (راحت ناحیه
 لیلی ومسکت ایدیها) خاتمہ جوازی هدیته لمراتک کان
 بتاع العیله من زمان وانا ساعتها عطیته لساره وقولتلاها
 تدیھولک علشان تدیہ لمراتک واهو مراتک لابساه لحد
 النهارده وبعدها سافرت مع حسین بره مصر ولسه راجعین
 والباقي انت عارفه

دی حکایتی کلها واتمینی انک تسامحنی علی ضعفی بس
 صدقنی حاولت

ابوك امبارح كان بيحاول يكلم اي حد علشان يرفدك
من شغلك فخلي بالك

ادهم: ميقدارش معدش يقدر ياذيني خلاص ولا هو ولا
غيره

حنان: عارفه لانه ملقاش حد امبارح يقبل يساعده وعلشان
كده سيبتله البيت ومشيت ولو عايزيني امشي همشي بس
عيزاك تسامحني

ادهم: وهيفيد بايه اسامحك ولا لا؟؟؟
لو مالكيش مكان وعايظه تفضلي خليك بس علاقه ام
وابن دي انسيها وياريت ما تحاوليش تقربي من العيال
وتعليقهم بيكي علشان لما تمشي بعد اذنكم

ليلى: ادهم استني

ادهم: لا يا ليلى طلبتي مني اسمعها وسمعتها
سمعتها كظابط وكابن امه اتخلت عنه ومعلش مش مصدق
ولا كلمه من اللي هيا قالتة ولا مقتنع بيه
سابهم ومشيت وراح لصبري يسأله ويتأكد منه

ادهم: كنت عايز اتكلم معاكم ممكن؟

ساره: اهلا يا ادهم اخبار زيزو ويوكا ايه؟

ادهم: كويسين

ساره: خير في ايه؟

ادهم: هيا امي جاتلك وطلبت منك تقبليني في بيتك

وهيا اللي اتكفلت بكل مصاريضي

ساره: انت عرفت؟؟؟ !

ادهم: يعني ده فعلا حصل؟؟

صبري: هيا جاتلنا وحكيقلنا علي كل ظروفها وساعتها

وافقت انها تساهم في تربيتك ولو حتي بشكل مادي

ادهم: يعني مش انت اللي كنت بتصرف عليا

صبري: ادهم انا فتحقلك بيتي وعاملقلك زي مصطفى ابني

ولو لا ان هيا صعبت عليا مقلقلتش وافقت ادهم سامقلها بقي

كفايه كده

ادهم: اسامقلها!!!! علي ايه ولا ايه؟؟؟

سابهم ومشي ولقي نفسه واقف قدام عشه امينه وهو واقف
هيا خرجت

امينه: انت تاني؟؟؟؟ تعال ادخل يا ابن حنان وحسين مش
انت ابنهم صح ولا انا غلطانه

شبهت عليك بس لما قلت اسمك ادهم صبري كدبت
عنيا بس رجوعك اكدلي ان انت ابنهم



الحلقة السادسة عشر

امينه: انت تاني؟؟؟ تعال ادخل يا ابن حنان وحسين مش
انت ابنهم صح ولا انا غلطانه

شبهت عليك بس لما قلتي اسمك ادهم صبري كدبت
عنيا بس رجوعك اكدلي ان انت ابنهم

ادهم: انتي تعرفي حنان منين

امينه: ادخل تعال ريح الاول

ادهم: ريحيني انتي الاول

امينة: ادخل بس وقولي مراتك القمره دي اخبارها ايه؟
وعندك عيال ولا لسه؟

ادهم: عندي زياد وآيه ممكن تجاوبيني تعرفيها منين؟

امينة: آيه؟ علي اسم اختك الله يرحمها صح؟ تعال نشرب
كوبائتين شاي ولا تتعشي الاول؟

ادهم: ارجوكي ريحيني الاول ولا عايز اشرب ولا اكل
حاجه دلوقتي

ايه علاقتك بحنان

امنية: انا اللي مربياها وكنت دادتها وانت اتولدت علي
ايدي ولما حسين اذاه كتر رجعت انا هنا علي البلد واتفقنا
انها تحصلني بعد فتره وفعلا هربت هيا كمان وجيتو هنا
وقعدت هنا اسبوع بحاله لحد ما ابوك رجعت واخذك
من امك وسابها هنا واتضطرت في الاخر ترجعله

يا عيني عليها كام مره تهرب وهو يرجعها تاني غصب عنها
لو ابوها كان عايش كان حماها بس للاسف كانت
لوحدها

حاولت كتير تحميك بس ما عرفتش وبعد ما الدكتور ده
اتبناك ارتاحت شويه واتطمنت عليك كانت بتيجي هنا
كل فتره تبكي علي صدري وتعيط من شوقها ليك بس
الي صبرها انها بتعرف اخبارك وتعرف انك بخير

كانت ديما تدعيك ربنا يوفقك ويرزقك ببنت الحلال
الي تستاهلك

واهوه ما شاء الله عليك بقيت ظابط قد الدنيا ومعاك
واحد زي القمر تتحسد عليها وعندك ولد وبنت ربنا

يحرصهم بطل بقي تنبش في الماضي امك واتجمعتو ثاني
بس دلوقتي انت تقدر تحميها منه

ادهم: احميها؟؟؟ مش لما اسامحها الاول

امنية: تسامحها؟؟؟ هيا ضحت بعمرها كله علشانك بس
كانت ضعيفه ومش بايدها حاجه دورك دلوقتي تاخدها
في حضنك وتعوضو بعض عن حرمان السنين اللي فاتت
فضلو وقت كثير يتكلمو وفي الاخر نام عندها وصحي
الصبح مشي راح شغله واخر الليل روح بيته لقي مامته
مستنياه والكل نايم

ادهم دخل واول ما دخل وقفت وهو بصلها وكمل طريقه
حنان: حمد لله علي السلامه مجيتش البيت من امبارح
الصبح اكيد تعبان وجعان تتعشي؟

ادهم: لا متشكر

حنان: ادهم حبيبي

ادهم: انا مش حبيبك

حنان: ارجوك اديني فرصه

ادهم: انتي عيزاني انسي 30 سنه في ليله ما اعتقدش

سابهاو دخل لمراته كانت نايمه غير هدومه وراح لمراته
وضمها ليه فهي حست بيه ولفت وشها ليه

ليلي: مالك؟

ادهم مضيش

فهمت ليلي انه محتاج لحضنها مش اكرت وفعلا ضمته وهو
فضل في حضنها الليل كله

حسين حاول يرجع مراته بس هيا رفضت ترجعه نهائي
حتي احمد حاول معاها وبرضه صدته

ادهم بيعامل امه ببرود بس بيتقبلها في بيته شويه شويه
حسين بيعاول ياذي ادهم باي طريقه بس مش عارف واخر
ما زهق راح لادهم شغله

حسين: انت اخرتها معاك ايه؟

ادهم اتفاجئ بيه علي مكتبه بس تمالك نفسه بسرعه
وبصله بكل هدوء

ادهم: افندم

حسين: رجعلي مراتي

ادهم: لو هيا تاهت منك او اتخطفت انت ممكن تقدم

بلاغ في القسم مش هنا

حسين: انت بتستظرف؟؟ مراتي فين؟؟

ادهم: دور عليها بنفسك

حسين: هيا في بيتك انا عارف

ادهم: ولما انت عارف بتسال ليه؟

حسين: متخلنيش اتصرف معاك تصرف مش هيعجبك

ادهم: في مثل بيقول اعلي ما في خياك اركبه

حسين: بقي كده؟ اوعي تفتكر اني هقباك في يوم

وحنان انا هعرف ارجعها

ادهم: لو هيا مش عايزه ترجعلك فمش هترجع غصب

الزمن اللي فات ده انتهي ودلوقتي بقي في اللي يقف في

وشك ويقولك لا

مش هتجبرها علي اي شئ تاني

حسين: سبق وجبرتها ورجعتها غصب عنها بيتي ودلوقتي
هرجعها ثاني

ادهم: زمان مكنش في حد يحميها لكن دلوقتي انا
موجود وهقف في وشك

حسين: العيل كبر وهيقف في وشي بس سبق وحبستك
قبل كده وهعيده ثاني

ادهم: ده كان زمان ودلوقتي عندي شغل
ابوه مشي وهو فضل في شغله واخر النهار ليلي اتصلت بيه
ليلى: الحقنا بسرعه ادهم باباك هناوعايز ياخذ مامتك
غصب عنها

ادهم: 3 دقائق وهكون عندكم حاولي تعطليه

في البيت حسين بيتكلم مع حنان وبيحاول ياخذها
بالذوق

حسين: يالا بيتنا ولمي الدور

حنان: مش هرجع معاك من غير ما تصلح كل حاجه
وتعوض ابناك

حسين: ابني تاني؟

حنان: ولحد ما اموت ابنك

حسين: لو مش هتيجي بالذوق هجيبك بالعافيه

حنان: متقدرش دلوقتي بقي عندي راجل يحميني

حسين: بجد وهو فين بقي الراجل ده؟

ادهم هنا كان وصل ورد علي ابوه

ادهم: موجود اهوه افندم عايز ايه؟

حسين: انت ما تتدخلش بيني وبين مراتي

ادهم: طول ما هيا في بيتي يبقي اتدخل براحتي ودلوقتي
اطلع بره بيتي

حسين: انت بتطردني؟ اتفضلي ابنك بيطردني وتقوليلي

ابنك قال

ادهم: انت كده كده مش مصدق وماشي وري دماغك

يبقي خلاص اي شئ تاني مالوش لازمه اتفضل

حسين: ماشي هتفضل بس هتندم

ادهم: هندم؟؟؟ لا وقت الندم خلص عندي انت اللي عليك
الدور

مشي حسين وسابهم وبعد ما مشي حنان عيطت وقعدت علي
اقرب كرسي وادهم واقف عايز يقرب وفي نفس الوقت
عايز يبعد بس مش عارف فقرر انه ولا يقرب ولا يبعد

ادهم بصوت جدي، : خلاص كفايه عياط انا هحميكي
منه واقف قصاده

حنان: مش عايزاك تقف قصاده عايزاكم تقفوا مع بعض
نفسى بقي تبقوا اب وابنه

ادهم: لا ده صعب قومي نامي دلوقتي
قايمة ومكنتش قادره تقوم فادهم مد ايده يقومها قامت
ووقفت قصاده

كانت عايزه تضمه.... مشتاقه قوي تاخذ ابنها في
حضانها.... تشم ريحته تشبع منه

ياما اشتاقت لابنها كتير.... املها انها تضمه وبس ويقولها
ماما من تاني

ادهم واقف قدامها....ياما كتير اتمني يرمي نفسه في
حزن امه وهيا تضمه بس مش عارف ليه واقف متجمد
قدامها كده؟

ليه مش عارف يقولها ماما ويتكلم معاها؟؟
هو تقريبا حطها عذر علي اللي فات بس ليه قلبه مش
مسامحها

حنان هتمد ايديها تضمه راح ادهم ماسكم وقالها تصبحي
علي خير و سابها ودخل اوضته يدفن نفسه في حزن
حبيبته

ادهم كل يوم بيقترب شويه من مامته والحياء نوعا ما
مستقره بينهم

في يوم راجع تعبان من شغله واول ما دخل رمي نفسه علي
اقرب كنبه وغمض عليه

امه جت من وراه وحطت ايديها علي دماغه بتدللكها زي
مساج خفيف كده

هو استمتع بالحركة دي بس كان فاكرها مراته لحد ما
هيا خلصت وهو مغمض مسك ايديها وباسها فهايا اتكلمت

حنان: احسن دلوقتي؟

ادهم سمع صوتها قام اتعدل

ادهم: اه احسن متشكر هيا ليالي فين والعيال

حنان: كانت بتحمي العيال جوه عايز حاجه؟

ادهم: لا متشكر

سابها وقام وهيا مش عارفه ازاي تقربله وبدأت تفقد الامل

وهنا ليالي قالتها جمله واحده

ليالي: انا لما قربت منه اخذ وقت كثير جدا لحد ما

سمحلي اقرب

ادهم ما بيثقش في حد بسهولة ومش اي حد بيسمحله

يدخل

لو فقدتي الامل هتخسريه هو لازم تفضلي وتحاربي لحد ما

توصليله

وفعلا سمعت حنان كلامها واهي بتحاول تقرب اكتر من

ابنها

في يوم رجع من شغله لقاها قاعده وبتعيط

ادهم: لو ما سامحتكيش مكنتش خليتک تفضلي في
 بيتي ومع عيالي بس كنت محتاج وقت مش اكر
 انا كمان كانت امنيتي الوحيدة هيا حضنك انتي وبس
 امه ابتسمت: حضن ليالي مش كفايه؟

ادهم: حضن ليالي هو اللي خالني اقف علي رجليا واكمل
 حياتي بس حضنك انتي حاجه تانيه حاجه كانت
 نقصاني ومحروم منه

حنان: اه علي فكره قبل ما انسي تعال معايا
 اخدته اوضتها وفتحت شنطتها وطلعت صندوق وفتحته
 ادهم: ايه ده؟

حنان: دي ذكرياتي كلها... كل حاجه انت عملتها في
 يوم من الايام

ادهم: بس انتي كنتي ديما بترميهم كنت علي طول
 بشوفهم في الزباله

كل عيد او مناسبه مكنش مسموحلي اجيبلك هديه او
 احتفل معاكم فكان عمي عبدالله البواب بيخليني اخد

ورده من الجنينه واديها لك او كنت برسما لك رسمه او
اعمالك طوق ورد وكنت ديما بعدها بلاقيهم في الزباله
حنان: كان حسين اول ما بيشوفهم بيرميهم قدامك
عشان يضايقك لكن بعدها كنت انا بجيبهم وبحفظ
بيهم

اهم كل حاجه قدمتها لي في يوم من الايام

كل ورده وكل رسمه وكل ذكرى

دي كانت الحاجه الوحيده اللي بقيالي منك حنيه

قلبك

ادهم فرح جدا بالحاجات البسيطة دي وهنا فعلا اختفت اي

حواجز بينه وبين امه وقدر ضعفها وخوفها عليه

ادهم: المهم مش هتقوليلي بقي كنتي بتعيطي ليه؟

حنان: سيبك انت ما تشغلش بالك

ادهم: انا عايز اشغل بالي قولي في ايه؟ حسين ضايقك؟

حنان: لا مش كده بس احمد تعب جامد واتنقل

المستشفى

ادهم: احمد! طيب تحبي تروحيله؟!

حنان: هو ايوه اناني وهو السبب في كل ده بس برضه ابني
واخوك؟

ادهم: هو فعلا ابنك وطول الوقت كان ابنك اكيد هو
عايزك جنبه روحيله

حنان: لا يا ادهم انا معرفتش اكونله ام ابدا

كان معايا في نفس البيت بس مقدرتش ابدا اقرب منه او
اضمه او اكون له ام

هو كمان اخد نصيبه من الحرمان وطول الوقت متأكد ان
انا مش بحبه وبحبك انت وبس
هو كمان اتحرم من حبي

انا فشلت اني اكون ام ليك او ليه

عيطت تاني وهو ضمها وبيحاول يسكتها

ادهم: انتي كنتي مجبره ومجروحه مكنش بايدك حاجه
قومي بقي روحيله وانا هو صلك

ادهم اخدها وداها ووصلها لحد باب الاوضه

حنان: هتدخل معايا؟

ادهم: لا مش للدرجه دي هستناكي تحت عند العربيه لو

في حاجه كلميني او ك

سابها ونازل وهو نازل قابل الدكتور اللي كان سبب في

تشويه بالمنظر ده

الاتنين بصو لبعض بصره طووووويله جدا وهما معدين جنب

بعض

ادهم استغرب هو ليه نسي الدكتور ده نهائي وليه محاولش

ينتقم منه

نزل عربيته وفضل يعيد ذكرياته ويحاول يفتكر في

الحاجات الحلوه اللي بقت في حياته

استني مامته لحد ما تخلص وياخدها

فوق عند احمد

حسين: انتي جيتي مكنتش متخيل انك هتيجي؟

حنان: هو مهما كان ابني برضه هما الاتنين عيالي

حسين: فعلا هما الاتنين عيالك وبس

حنان: مش هتكلم تاني واقول انه ابنك انت حر تصدق
ولا متصدقش انت حر انت الخسران

بتخسر ابنك واحفادك وحارم نفسك منهم
احمد صحي وسمعهم وده خلاه ياخذ قرار في خطوه هو
متردد فيها

احمد: ماما انتي هنا؟ اخيرا جيتي نفسي تاخديني في
حضنك زي ما كنتي تاخديه
مره تضميني زيه بنفس الحب

حنان: انا بحبك بس انت اللي عملت فينا كلنا ده
احمد: انا معملتش حاجه انا قلت اللي شوفته وبس

حنان: مش وقته المهم الف سلامه عليك وان شاء الله تقوم
بالسلامه

خرجت هيا وابوه بره

حنان: هو تشخيصه ايه وحالته ايه شكله تعبان قوي

حسين: الكبد بتاعه تعبان من كتر الشرب ووصل لدرجه
انه محتاج زراعه كبد عايز كبد جديد

حنان: هو الكبد بيتزرع؟

حسين: ايوه الدكتور قالي انهم محتاجين حد يتبرع له

حنان: ومين هيتبرع بكبده؟ انا ممكن اتبرع له

حسين: بجد يا حنان ممكن تبرعيله؟

حنان: هو ابني انا كمان ولا انت نسيت

حسين: لا ما نسيتش بس المهم هما بياخدوا جزء بس من

الكبد والكبد بيعيد تكوين نفسه

انا عملت الاختبار بس مش متوافق معاه

حنان: انا هعمل الاختبار ونشوف

حنان اتصلت بادهم وقالتله انها هتتاخر وانها لما تخلص

هتكلمه علشان ما يستناش

حنان عملت الاختبارات بس هيا كمان مش متطابقه معاه

الكل جنب احمد حتي طليقتة موجودة وهيا كمان عملت

الاختبارات وبرضه مش متطابقه

الدكتور: انا اسف بس مفيش حد فيكم ينفع يتبرعله
 حسين: طيب يا دكتور احنا ممكن نشوف حد بالفلوس
 باي مبلغ

الدكتور: الموضوع ده هياخد وقت وده احنا ما نملكوش
 لازم نتصرف بسرعه والا انا اسف

مفيش اي حد تاني في عيلتكم ممكن يتبرعله

حنان: لا مفيش

حسين: لا في هو عنده اخ كنت ناسيه

الكل بصله بذهول وخصوصا حنان

مكاوي الكتب

الحلقه قبل الاخير

الدكتور: الموضوع ده هياخد وقت وده احنا ما نملكوش
لازم نتصرف بسرعه والا انا اسف

مفيش اي حد تاني في عيلتكم ممكن يتبرعه

حنان: لا مفيش

حسين: لا في هو عنده اخ كنت ناسيه

الكل بصله بذهول وخصوصا حنان

الدكتور: طيب هو فين كلاموه يجي بسرعه

حنان: ابعد عنه يا حسين مش هسمحلك تاخد اي شئ
منه وعلشان مين؟؟ علشان اللي كان السبب انه يطرد من
بيته لا والف لا

احمد: طول عمرک بتحبیه وقد افعی عنه

مش عايز من حبيبک حاجه شوف اي حد بالفلوس
وهتلاقي كتير

حسين: متشغلش نفسك انت انا هتصرف

خرجوا بره

حنان: حسين كفايه الي انت اخدته من ادهم

حسين: انا اخدت منه؟؟؟ اخدت منه ايه؟ عمري ما اخدت
منه حاجه

حنان: اخدت عمره كله اخدت امه وابوه واخوه منه.
اخذت شكله وشوخته ودلوقتي عايز تاخذ الكبد بتاعه
انت ايه؟

حسين: جزء منه مش كله وجسمه هيكون الباقي
بسهوله

حنان: وانا قلت لا مش هسمحلك روح دور علي حد
بالفلوس

حسين: ربك يسهل ونلاقي

حنان روح البيت

ادهم: ايه الاخبار اتمني تكوني اتطمنتي عليه؟

حنان: الحمد لله

ادهم: خير ماله؟

حنان: محتاج لزراعه كبد وعاييز متبرع

ادهم: اهمم ان شاءالله يلاقي بس ايه اللي تعب الكبد من
الاول هو كان بيشرب ولا ايه؟

حنان: مكنش بيطل شرب مش قلتك انا بعدت عنه

المهم قوم ارتاح علشان شغلک وانا کمان هدخل ارتاح
علشان اروحله الصبح تصبح علي خير

ادهم: وانتی من اهله

تاني يوم الام راحت وحاله احمد بتتدهور ومش لاقين حد
متناسب معاه

الدكتور: لو ملاقيناش حد خلال ال 48 ساعه دول.....،

حسين ابنه بيروح منه وقبله بنته راحت ومقدرش ينقذها
مفيش قدامه غير حل واحد

مشي من المستشفى وركب عربيته وساقها لحد بيته ووقف
قدام شقته ومتردد يخط ولا لأ بس لازم ينقذ ابنه

واخيرا ضرب الجرس ووقف

ادهم قام فتح الباب واتصدم لما شافه

ادهم: انت هنا في بيتي وده من ايه؟

حسين تجاهله ودخل وبیتفرج علي المكان ادهم دخل وراه
ومستنيه يتكلم

زياد خرج ولسه هيجري عليه

ادهم: خش جوه يا زياد دلوقتي

زياد: اشوف دادو الاول

ادهم: اسمع الكلام وادخل اوضتك حالا

زياد: لا اشوف دادو

ادهم: يا ابني اسمع الكلام

زياد: لا انت سيبي الاول

ادهم: وبعدين بقي هو مش عايز يسلم عليك افهم بقي

جرب بنفسك

زياد راح واقف جنب جده وبيسلم عليه بس هو رفض يسلم

عليه

ادهم: صدقتني؟؟ ادخل جوه بقي

سابهم زياد ودخل وهو زعلان

ادهم: هاه افندم مراتك مش هنا عند احمد في

المستشفى

حسين: انا مش جاي علشانها انا جاي ليك انت

ادهم: ليا انا؟؟ عايز ايه مني؟؟ وبعدين انت جاي بنفسك

ليا انا؟؟؟ جديدة دي

حسين: انت اخو احمد

ادهم: وبعدين؟؟؟؟

حسين: وهو محتاج كبد

ادهم : اه وبعدين برضه؟؟؟؟

حسين: انت عندك كبد هيا دي فيها بعدين

ادهم: ايوه انا عندي كبد انت عايز منه ايه؟

حسين: تتبرع لاخوك

ادهم: افندم؟؟؟

حسين: الي سمعته تتبرع لا خوك

ادهم: انت جاي بعد السنين دي كلها وعايزني اتبرعله؟؟؟؟
طيب اديني سبب واحد يخليني اوافق او اخاطر بنفسني
علشانه

حسين: هو اخوك ده سبب كفايه

ادهم: يعني انت جاي تعترف بيا دلوقتي

حسين: لا طبعا انت اخوه من امه

ادهم: ااه اخوه من امه وده سبب كفايه بعد كل الي
عملته فيا ده وطردني من البيت بسببه وكل الي مریت بيه
ودلوقتي جاي تقولي اتبرع انت الظاهر اتجننت
حسين: لا ما اتجننتش اخ يتبرع لاخوه ايه الجنان

ادهم: اخ؟؟؟ دلوقتي بقي اخ؟؟؟؟ وكان فين الاخ ده طول
السنين الي فاتت ولا دلوقتي افكرت ان انا ابنك وان انا
ليا اخ؟؟؟

حسين: متخلطش الامور ببعض انا ما قولتش انك ابني انا
قلت انك اخوه انتو الاتنين ليكم نفس الام بس مش
نفس الاب

ادهم: ايه؟؟؟ انت برضه لسه مصر؟؟؟

انت عارف انت حر تصدق ما تصدقش الموضوع معدش مهم
وبالنسبه لطلبك فبقولك اسف شطبنا

حسين: يعني ايه شطبنا دي؟؟؟

ادهم: يعني كان فيه منه وخلص!!!! يعني كان زمان!!!!!!
يعني زمن التبرع والتضحيات ده علشان حد ما يستاهلش بخ
خلاص

فهمت بقي يعني ايه شطبنا؟؟؟؟

حسين: كنت متأكد ان ده هيكون ردك بس حببت
اثبت لنفسي اني دقيت كل الابواب حتي بابك انت

ادهم: والله جيت علي نفسك قوي

هنا ليالي رجعت من بره ومعها آيه بنتها واتفاجئت لما لقت
ابو ادهم في البيت

آيه: دادو بيبي

ادهم: خدي بنتك وادخلي جوه

دخلت ليالي علي طول

حسين: اتكلم معاك باغه انت تفهمها؟؟؟ تاخذ كام؟؟؟

ادهم: اخذ كام ايه؟؟

حسين: فلوس عايز قد ايه وتتبعر؟؟؟؟ مليون اتنين؟؟؟؟

ادهم اتصدم من اخر سؤال ده وواقف معرفش يرد وجعه

كان اكبر من انه يرد عليه

حسين: ولا ايه رايك ما نحددش فلوس تاخذ اللي

يكفيك تسافر تعدل الخريطه اللي في وشك دي

ادهم: الخريطه اللي في وشي دي كانت بسببك ابنك

برضه ولا انت لسه مقتنع ان انا اللي كنت سايق ابنك اللي

كان سايق وانا ساعتها فكيت حزامي علشان اقدر اربطله

حزامه ودي كانت النتيجة وانت جيت واتاكدت اني

هفضل مشوه كده

دي كانت اخر توضيحاتي ليكو

ولعلمك شكلي المشوه بقي عاجبني ومش عايز اعدله
 ودلوقتي بقي بره بيتي وروح دور علي حد تشتريه بفلوسك
 قبل ما تخسر الابن الوحيد اللي فاضلك بره
 حسين: بره؟؟؟ ماشي هطلع يا.... يا ابن حنان

خرج حسين وادهم انهار علي اقرب كرسي رجليه خلاص
 مش شيلاه

ليلي خرجت اول ما سمعت صوت الباب والعيال وراها واقفين
 بعيد وساكتين وحاسين بان في حاجه بس هما مش
 فاهمينها

ليلي جريت علي جوزها اللي راسه بين ايديه حضنته
 ليلي: ادهم في ايه حبيبي مالك؟؟؟ باباك كان عايز
 ايه؟

ادهم: عايز يشتري كبد لابنه

ليلي: يشتريه منين؟؟؟

بصاها جوزها وابتسم بحزن ووجع

ادهم: هيكون منين مني انا

ابويا عايزني اتبرع لابنه

ليلي: هو اتجنن يعني يوم ما يجي يبقي عايز ياخد منك

كبدك ده ايه ده؟

اوعي تفكر ولو للحظه انك تتبرعه؟؟؟

ادهم: لا ما تخافيش انا طردته

ليلي: احسن المهم قوم العيال واقضين وخايفين ومش

فاهمين ايه اللي بيحصل

ادهم بص لعياله وخصوصا ابنه لقاء واقف بعيد

ادهم: تعالو

جريو علي ابوهم شالهم وقعدهم علي رجله

زياد: لو انت مش بتحب دادو احنا كمان مش هنحبه بس

انت ما تزعلش

ادهم ضمهم جامد ليه

ادهم: انا بحبكم انتو وبس ايه راك؟؟؟

اما دادو في مشكله بيني وبينه وهو اللي ما بيحبنيش مش

انا!!!! فهمت؟؟؟

زياد: فهمت بابا انا بحبك انت وماما قوي

ليلي: واحنا كمان بنحبك قوي وكتيييير

قومو كلنا ناكل

ادهم: تعالو نخرج ناكل بره ايه راكـ؟؟

الكبل هيص وخرجو ادهم كان عايز حاجه يلهي نفسه

بيها وما تخليهوش يفكر

قضي اليوم كله مع عياله ورجعه بالليل

واول ما رجعوا

حنان: حمد لله علي السلامه بقي تخرجو من غيري

ادهم: سوري يا ست الكل بس انا كنت فاكـ انك بره

وانتي ما اتصلتيش

حنان: انا لسه راجعه حبيبي انا بهزر بس

العيال نايمين دخلوهم يرتاحو

دخلو العيال وخرجو كانت ليلي مع حنان وقالتها علي

زياره ابوه واول ما ادهم خرج

حنان: اوعي تكون وافقت علي طلب ابوك

ادهم: انتي ما قولتليش ليه؟

حنان: لان هو ما يستاهلش ضفرک مش انک تدخل عملیه

علشانہ وتتبرع لواحد سکري قلت لابوک ايه؟؟

ادهم: رفضت طلبه

حنان: احسن يروح يدورله علي حد بالفلوس

قوم ارتاح انت ومراتک تلاقیکم تعبانين قوم

دخل نام مع مراته وطول الليل كوابيس ما بتنتهيش

واخيرا الصبح طلع فطروا وحنان راحت المستشفى والعيال

نزلو حضانتهم وادهم وليلي مع بعض

ادهم سرحان تماما ومش مركز نهائي مع كلام مراته

ليلي: ادهم بقي خليك معايا

ادهم: ما انا معاك اهوہ يا قلبي

ليلي: قلبک ايه بقي؟ ما خلاص قلبک اتزحم ومعدش فيه

مكان ليلي مامتک وعیالک وکتير غيري

ادهم شدها ليه: روح قلبي انتي.... مامتي وعيالي حاجه
وانتي حاجه تانيه

انتي اول واخر حب في حياتي

انتي اللي بتخلي قلبي يدق بسرعه اول ما اشوفك

انتي اللي مليتي حياتي حب وفرح

انتي الاساس والباقي كله صوره

انتي الشخص الوحيد اللي مقدرش ابعد عنها واستغني في
يوم عنه

انتي اصلا كل حاجه فاهمه انتي وبس ومحدث ابد
هيشاركك قلبي

ليلي: بجد يا ادهم انا كل ده؟؟؟

ادهم: طبعا انتي كل ده واكثر من ده انا محبتش ولا هحب
حد غيرك

ليلي: وانا يا ادهم عمري ما حببت ولا هحب غيرك ولحد
النهارده كل ما تبصلي ابقى عامله زي المراهقه اللي
حبيبها ببصاها وتبقي هتموت عليه بس مكسوفه منه

وقلبها يبقي هيخرج من مكانه وكل ما تلمسني ببقي زي
عروسه في ليله دخلتها كانها اول مره حد يلمسها كلها
شوق ولهفه وحب

كل ما بتلمسني بحس كاني بتولد من اول وجديد
ادهم قرب منها وباسها بوسه طووووويلاه قوي لانهم الفتره
الي فاتت كلها كانو مضغوطين بالمشاكل

ادهم: انتي مش ملاحظتة حاجه؟؟؟

ليالي: حاجه ايه؟؟؟

ادهم: ان العيال مضيش وانا وانتي لوحدا وبنرغي ومش

مستغلين الوضع ده كويس

ليالي: طيب قول لنفسك بقي

ادهم: اقول لنفسي؟؟؟ ماشي هقول لنفسي

قام شالها و

(هتموتوا علي الباقي مضيش باقي سيبوههم في حالهم شويه
بطلوا تطفل)

ادهم مراته في السرير وهو قام الحمام وخرج لبس هدومه

ليلي: حبيبي رايح فين ما تيجي تخليك جنبي

ادهم: ورايا مشوار مهم يا ليلي

ليلي اتعدلت وشدت الغطا عليها

ليلي: ادهم بصلي انت رايح فين بالظبط اوعي تكون

بتفكر في اللي انا بفكر فيه اوعي تجرا

ادهم: وقف وبصلاها بعد ما لبس شوزه وقرب منها وباسها

ادهم: هحط النقط علي الحروف يا ليلي سلام

ليلي: ادهم استني طب فهمني ادهم

سابها ومشى وراح لابوه في شغله كان في اجتماع

والسكرتيه رافضه تدخله بس هو ما سمعهاش اصلا ودخل

علي الباب وزقه وفتحه ودخل والكل اتفاجئ مين ده اللي

دخل بالشكل ده علي رئيسهم

ادهم: انا موافق اتبرع بس عندي شرط

حسين: سيبونا واطلعوا بره واقفلوا الباب

الكل قام بسرعه وخرجو وقفلوا الباب

وحسين طلع دفتر شيكاته

حسين: عايز كام ولا هتسافر تتعالج؟؟؟
 حب اكتب كام
 مبدئيا؟؟؟؟

ادهم: فلوسك دي تخليها لنفسك اشبع بيها

حسين: امال ايه هو شرطك واوعي تقول اعترف بيك لان
 ده مش هيحصل

ادهم: برضه مش عايزك تعترف بيا

حسين: امال عايز ايه قول شرطك؟؟؟؟

ادهم: انا لسه جاي من المستشفى وعملت تحاليل وطلعت
 مطابق لابنك يعني ينفع اتبرعله

حسين: طيب كويس قول شرطك ايه علشان نلحقه وانا
 موافق مبدئيا

ادهم: عايزك تنزل معايا دلوقتي

حسين: انزل فين بالضبط؟

ادهم: هنلعب انا وانت لعبه رهان صغيره

حسين: هنلعب؟؟؟ عايز تتراهن علي ايه؟؟؟

ادهم: هننزل انا وانت للمكان اللي انت تختاره وهنعمل

تحليل DNA

حسين: تحليل DNA؟؟؟ وبعدين ايه الرهان؟

ادهم: لو انا مش ابنك هتبرع لاحمد ابنك وتعيشوا في

سعاده وحب انتو الاتنين ويبقى الف شكر انك فتحت

بيتك ليا في يوم من الايام

حسين: تمام وبعدين؟؟؟

ادهم: اما لو انا ابنك فعلا مش هتبرع لاحمد وهسيبه

يموت قدام عنيك ويبقى ده تاني عيل يموت قدامك

وفلوسك مش هتنقذه

ومش هيفضالك غيري بس ساعتها بقي هسيبك تعيش

بالذنوب وهفكرك بكل حاجه عملتها في ابنك

وهتتحسر كل الباقي من عمرك علي عيالك اللي موتهم

بايدك وعلي احفادك اللي حرمت نفسك منهم وهتندم

علي مراتك اللي ضيعت عمرك كلها تتهمها وضيعتها من

ايدك

ده شرطي

حسين: وانا موافق انت عمرک ما كنت ابني ولا هتكون
ولا هعيش في ندم انت اللي هتندم وخيانته امك هتبان
اتفقنا

ادهم: اتفقنا يالا بينا

نزلو الاتنين مع بعض وراحو للمستشفى اللي فيها احمد لان
معظم الدكاتره حسين يعرفهم وبيثق فيهم

ليلي بتتصل بادهم واخيرا رد عليها وقالها مكانه
عملوا تحليل ال DNA وقالولهم النتيجة بتاخذ وقت
الكل عرف براهنهم حنان وليلي واحمد والكل مترقب
النتيجه واكثر واحد خايف كان احمد لانه عارف
النتيجه

احمد استغل غياب الكل واتصل بمحاميه

احمد: ايوه نفذ اللي اتفقنا عليه دلوقتي اتحرك الكوره
دلوقتي في ملعبنا بكره مش هتبقى

المحامي: اوک هتتحرك دلوقتي

ساعات الانتظار كانت طووويله جدا ومليانه قلق وخوف
كل واحد خايف من حاجه جواه

حسين بي فكر

لو طلع ابني هعمل ايه؟؟؟

لا لا مش ابني عمره ما كان ولا هيكون؟؟؟

بس ممكن حنان طول عمرها مصره؟؟؟

حنان خانتك خليك فاك ر هيا السبب؟؟؟

بس ممكن تكون صادقو ويكون فعلا ابنك؟؟؟

انت عارف انت عملت ايه فيه؟؟؟ انت فاك ر اذيتو قد

ايه؟؟؟ وعذبته وهنته قد ايه؟؟؟

بص ناحيه ادهم الي مراته جنبه وماسكه ايده

حتي لو مش ابنك ممكنش حقك تعذبه كده؟؟؟

انت ازاي بقيت كده؟؟؟ انت عمرك ما اذيت حد ابد

اشمعني ده اذيتو كده؟؟؟ انت ازاي شوته كده؟؟؟ انت

ازاي خليتهم يعذبوه في المستشفى بالشكل ده؟؟؟ ده

كان مجرد عيل صغير لا وبعدها كمان رميته في الشارع

رميته لناس تانيه يربوه؟؟؟ ياتري هو ازاي واجه الناس
 بشكله ده وعاش ازاي؟؟؟ انت استحاله تكون بني ادم انت
 مسخ انت الي مشوه مش هو!!! الي يعمل كده في عيل
 صغير يبقي وحش؟؟؟ طول عمرك بتقوله مسخ وانت هو
 المسخ انت المسخ انت المسخ؟؟؟

حسين وقف مره واحده: بس بس كفايه

ادهم وليالي بصوله باستغراب

حسين: انا داخل الحمام وجاي

سابهم وراح الحمام ولاول مره دموعه تنزل

اول مره يواجه نفسه ويقف قدامها

افتكر قصه حبه لمراته ازاي حبه واتخلت عن الكل

علشانه وازاي هو قابل حبا ده وازاي اتهمها بالخيانة؟؟؟؟؟

حنان عمرها ابد ما تخونه؟؟؟ ازاي صدق كلام امه الي

عارف انها بتكرها وازاي صدق احمد ومشى وري

كلامه؟؟؟؟ ازاي بايد خسر مراته وابنه؟؟؟

ابنه؟ هو فعلا ابنه؟؟؟ اه والف اه لو طلع ابنه؟؟ هو ازاي
عمره ما فكر في الاحتمال ده؟؟؟

ليه اخدها حقيقه مسلم بيها انه مش ابنه؟؟؟؟
هنا الباب خبط وادهم فتحه

ادهم: النتيجة طلعت تعال

قلبه هيقف ويوجعه جدا ومش قادر يتحرك
اخيرا اتحرك وراح وري ادهم

الدكتور جه وسلم صبري ظرف النتيجة

ادهم: افتحه واعرف النتيجة اعرف الحقيقه اللي منغصه
عاشتك السنين اللي فاتت دي

اعرف ان كانت مراتك خانتك ولا صانتك وانت اتهمتها
بالباطل

ابوه يبصله وايديه بتترعش وهو بيفتح الظرف
فتحته وشاف النتيجة وهنا وقع علي الكرسي اللي وراه ومش
قادر حتي يتنفس

حنان: ايه مستغرب ليه؟؟؟ كنت محتاج ورقه تقولك انه
ابنك؟؟؟ وريني بقي هتعمل ايه؟؟؟



الحلقه الاخيرہ

حسين منهار من النتيجة بقي معقوله بعد كل ده ادهم
يطلع ابنه

طيب يعمل ايه ويواجهه ازاي ويواجه مراته ازاي؟؟؟

حسين: حنان انا _____

حنان: انت ايه اسف؟؟؟ اهو دي بقي مينفعش فيها الاسف
انت اخترت طريقك بنفسك

شوف بقي هتعوض ابنك ازاي؟؟؟

بص لابنه المشوه وافتكر كل كلمه قالها له في يوم من
الايام

كام مره قاله انا بكرهك... انت مش ابني.... انت مسخ

كام مره ضربه علي حاجات عارف انه ملوش ذنب فيها؟؟؟

كام مره اهانه ووجعه وحرمه حتي من ابسط حقوقه انه

ياكل معاهم او ياكل اصلا؟؟؟

كام مره ينومه من غير اكل جعان بردان وليه؟؟؟

حتي لو مش ابنه ده بيحن علي عيال الشوارع يعمل كده
في ابنه؟؟

كام مره جلدته بالكرباج كانه عبد في زمن العبيد وهو
كان مجرد عيل؟؟؟؟

كام مره وجعه وهو بايدته شوهه

شوه ابنه وطلب من الدكتور يعذبه

تخيل للحظه انه متكثف وبيخيطوه مره وري مره وري مره
قد ايه هو اتوجع؟؟؟

لدرجة دي هو كان ابليس ده ابليس نفسه مش زيه
بالقسوه دي

بص لابنه ومعرفش ينطق

ادهم: انا كسبت الرهان وانت خسرت انا لو مكانك هقوم

ادور علي حد يتبرع قوم طلع دفتر شيكاتك يالا

احمد الوحيد اللي فاضلك قوم بسرعه؟

حسين: ادهم ابني انا

قاطعہ: ابنک؟؟؟؟ لا انا مش ابنک انت من شويه اتخلت
عن حقک ده اوعي تقول ابنک؟

اوعي تنطقها مش مسموحاک تتکلم دلوقتي
بعد اذنک

اخذ مراته وامه ومشي وساب حسين لوحده

فضل قاعد مش عارف يقوم او يتکلم

الذکريات بتدمر فيه شريط حياته بيعدي قدام عنيه
شايف وحش شرير عمال يضرب وياذي في عيل في ابنه
قلبه بيوجعه مش قادر يتنفس واخيرا وقع من طوله
الدکاتره شالوه وكشفوا عليه وطلع عنده ازمه قلبيه
احمد في ساعاته الاخيرہ مش لاقى حد يتبرعله

ادهم في بيته مع عياله وامه مبسوطين ظاهريا لكن من
جواهر كل واحد مهموم بحاجه الكل دخل ينام بس
افکارهم صاحيه

حنان

ابني وجوزي هخسرهم؟؟؟ بس حبيبك رجع لحضنك
واحفادك يعوضوكي؟؟؟

ليلي

اخيرا يا ادهم ابوك اعترف بيك بس يا تري هتعمل
ايه؟؟؟ انت مش النوع اللي ممكن تتخلي عن حد
محتاجلك؟؟؟ يارب يا ادهم تطلع اناني المره دي وتفكر

في نفسك وبس

ادهم

كنت محتاج يعني الورقه دي علشان تثبت اني ابنك؟
كان لازم تخليني اتصرف معاك كده؟؟
وانت يا احمد طول عمرك اناني بس يا تري تستاهل
الموت؟؟؟؟ انت كمان خسرت زي

واخر الليل ادهم خرج من اوضته لانه مخنوق

سمع صوت عياط امه

دخلها

ادهم: في ايه اللي حصل اوعي يكون احمد؟؟ !

حنان: لا لسه

ادهم: طب بتعيطي ليه لو عايزاني اروحلهم دلوقتي هروح
واتبرع علشانك

حنان: لا لا مش عايزاك تتبرع

ادهم: طيب بتعيطي ليه دلوقتي؟؟؟

حنان: ابوك جاتله ازمه وتعبان جدا الظاهر ان الصدمه
كانت شديده عليه ادهم حبيبي انا لازم اروحله ارجوك
ادهم: بترجوني لايه بالظبط ده جوزك وحبيبك تعالى
هوصلك هروح البس وانت اجهزي

راح ادهم لاوضته يلبس

ليلي: في ايه انت رايح فين؟؟؟

ادهم: رايح المستشفى

ليلي: اوعي تكون رايح علشان

ادهم قاطعها: لا ما تخافيش انا رايح اوصل امي بس لان
حسين تعب وجاتله ازمه وهيا عايزه تروحله

ليلي: وانت عامل ايه؟

قامت وضمته

ادهم: انا كويس يا ليلى ما تخافيش عليا

هوصلها واجي سلام

اخذ امه ووصلها لحد اوضته واول ما حسين حس بيهم فتح
عنيه

حسين: جيتو؟؟؟ كنت مستنيكم

ادهم: هسيبك انا لما تخلصي كلاميني اجيلك

حسين: ادهم استني

ادهم: فات وقت الاسف خلاص انتهي

سابهم ومشي

حسين: حنان سامحيني وخليه يسامحني

حنان: يسامحك ازاي ولا انا اسامحك ازاي واسامحك علي

ايه ولا ايه؟ المهم مش وقته خليك انت بس واتحسن

وربك يعدلها من عنده

ادهم خرج من عندهم مشاعره متلخبطه راح عند اخوه

لقاه تعبان جدا واسلاك كثير وصلاله

الدكتور جه وهو واقف

الدكتور: خلاص

ادهم: خلاص ايه بالضبط؟؟

الدكتور: لحظاته الاخيره اعتقد الليله او بكره بالكثير

اخره جسمه مش هيستحمل اكر من كده

ادهم: ولو لقيناله كبد

الدكتور: لو بقي بس ده مش زمن المعجزات

ادهم: زمن المعجزات عمره ما بينتهي انا هتبرعله انا

متطابق معاه

الدكتور: انت الي عملت تحاليل الصبح؟؟؟

ادهم: ايوه انا تحب تعمل العمليه امتي؟؟ !

الدكتور: دلوقتي مضى وقت نضيعه هروح اجهز كل

حاجه واقول لابوه يفرح

ادهم: لأ متبالغش حد مش عايز حد يعرف دلوقتي

مممكن؟؟؟ والا مش هعمل العمليه؟؟؟

الدكتور: خلاص اتفقنا مش هبلغ حد

جهزوا لكل حاجة وجهزوا ادهم للعمليات ويدوب دخل
اوضه العمليات وهيخدره

ادهم: استنوا عايز تليفون الاول

الدكتور: مش وقته

ادهم: لا وقته عايز تليفوني الاول

اتصل ادهم بمراته يسمع صوتها لانه كان خايف

ليلي: الو حبيبي اتاخرت ليه تعال يا لا

ادهم: ليالي

ليالي: ادهم في ايه صوتك ماله ادهم اوعي اوعي يا ادهم

ادهم: الصبح عايزك تيجي هنا المستشفى وتاخديني

فاهمه الصبح

ليالي: ادهم لا استني انت هتعمل ايه ادهم ارجوك

ادهم: ليالي خلاص متعودتش اقف اتفرج علي حد بيموت

وانا اقدر اساعده واقف كده الصبح هستناكي

ليالي: طيب استني اجيالك

ادهم: انا في اوضه العمليات خليكى علشان العيال الصبح
تعالى سلام

ليلى: اد

قفل السكه وبص للدكاتره

ادهم: انا جاهز ابدؤا

خدره وادهم بدا يغيب عن الوعي ويتخدر شويه شويه

الدكتور: مشرط

مسك الدكتور المشرط

ادهم جواه: ايه ده هو انا سامع ليه مش المفروض اكون

متخدر لا لا اكيد بيتهيالى

ااااااه لا لا استنوا انا حاسس

صوته مش بيطلع ومش بيتحرك

لا لا مش هيقدر يستحمل ده تانى

عايز يصرخ او يتحرك او يقولهم انه حاسس بيهم بيشرحو

فيه

فتحو بطنه مش قادر خلاص

ادهم اشغل نفسك باي حاجه فكر في ليلي في عيالك

فكر في ليلي حضنها افكر يالا

لا لا متفكرش في الاله فكر في ليلي

ليالي وبس افكر اول مره لمستها فيها وبوستها فيها افكر

يا ادهم

اااه بيقطعوا في جسمه

الدكتور: الكبد اهو هنتأصل جزء منه

لا يا ادهم متسمعهمش متركزش معاها خليك مع ليلي

افتكر زياد وايه

هنا ادهم حس بحد بيفتح عنيه وبص لقاء نفس الدكتور

القديم

الدكتور: فاكرنى؟؟؟؟ اكيد طبعا فاكرنى!!! حاسس

بايه اه سوري مش هتعرف تتكلم او تتحرك لانك

مشلول!!! ياتري اخد بقي منك ايه بطنك مفتوحه

قدامي اهي اخد كليه ولا اتنين؟؟؟

ولا اخد قلبك؟؟؟؟ خساره مراتك صغيره وعيالك
صغيرين هيتيتموا بدري؟؟؟

هسيب قلبك للاخر واستمتع انا بقطع كل عضو مهم
فيك ودلوقتي غمض عنيك واستمتع بالعرض

الاله مستمر اكثر واكثر واكثر

ادهم _____ ادهم _____ ادهم

دكتور هو مش بيضوق ليه؟؟؟؟

ادهم افتح عنيك ده صوت ليلى افتح يالا خليها تاخدك
من هنا افتح بقي

الدكتور: اهوه بيضوق اهوه حمد لله علي سلامته _____
حمد لله علي سلامتكم يا بطل

اسيبكوا ترتاحو بقي

ليلى: ادهم حبيبي اخيرا قلقتني عليك

ادهم: خديني من هنا

ليلى: مش سامعاك بتقول ايه؟؟؟ ما تحاولش تتعب نفسك
انا جنبك اهوه

ادهم: ليالي خديني من هنا الدكتور

ليالي: اخذك ليه انت لسه خارج

ادهم: ارجوكي خديني من هنا ارجوكي

ليالي: انت مش هتقدر تقوم اصلا نستني بس تفوق

ادهم بيحاول يقوم مش قادر وليالي بتمنعه

ليالي: انا هنادي الدكتور

ادهم مسك ايديها

ادهم: استني الدكتور هو نفسه

ليالي: نفس ايه انا مش فاهمه حاجه ارتاح

ادهم: افهمي بقي هيقتلونني هنا

ليالي: انت لسه اثر البنج ماثر عليك

ادهم: افهمي الدكتور هو اللي شوهني هو نفسه وعملي

العملية امبارح وانا مش متبنج حسيت بكل حاجه جوه

كنت حاسس مش متبنج افهمي نفس اللي فات نفس الحقنه

بتشل بس ببقني حاسس خديني من هنا بقي

ليلي: انت بتقول ايه؟؟؟؟

ادهم: بقولك خرجيني من هنا؟؟؟ الدكتور هو نفسه اللي
شوهني في ايه مالك؟

ليلي: لا طبعا هيا فوضي ولا ايه استني؟؟

ليلي: خرجت وادهم بيحاول يقوم مش قادر

دخلو تاني ليلي ومامته والدكتور

حنان: حمد لله علي السلامه حبيبي ليه عملت كده

ليلي: الدكتور اهوه اللي عملك العمليه

ادهم: لا مش ده مش ده يا ليلي بيضحكوا عليك

الدكتور: انا اللي عملت العمليه مالك يا سيادة المقدم

معترض علي ايه حاول ترتاح

ادهم: لا مش انت وانا مكنتش متبنج كنت حاسس بيكم

وبعدين انتو سرقتمو كليه مني

حنان: ده انا اخرب بيتكم واجيب صرفها فاهم

الدكتور: يا فندم هو تحت تأثير البنج لسه انا اللي عملته

العمليه بنفسني وما اخدناش غير جزء صغير من الكبد

بتتم زراعته حاليا في اخوه وهو كان متبنج تماما وبعدين
لو مش متبنج زي ماهو بيقول مجرد ما نبداً كان هيغمي
عليه من الالم ده مجرد كابوس هو عايشه

ادهم: ده كداب ما تصدقهوش

الدكتور: ثواني هثبتلكم

خرج الدكتور ورجع بجهاز اشعه ومعاه دكتور تاني

الدكتور: ده دكتور التخدير

دكتور التخدير: انا باكدلك ان سيادتك كنت متخدر
تماما ومحسيتش باي حاجه

ده اثر البنج بس

ادهم: لا مش مصدق انا كنت حاسس كنت حاسس يا ليلي

الدكتور: دليل تاني

مسك جهاز الاشعه وحطه علي بطنه

اهوه الكليتين اهم دي واحده ودي التانيه

ليلي: ادهم كلامه صح

ادهم: لا انتو بتكدبوا عليا وروني الجرح
 الدكتور شال الغطا اللي علي الجرح وادهم شافه
 جرح صغير متخيط كويس بطريقة سحرية
 معقوله كل ده كان كابوس مش اكر
 ادهم: ليلى برضه خديني البيت مش هقدر افضل هنا مش
 هعرف اعيش في الكاوبيس دي ارجوكي
 وقدام اصراره اخذته ليلى البيت وهما ماشيين قابله ابوه
 حسين: ليه عملت كده؟؟؟ ليه بتوجعني اكر واكر
 ليه ما سبتنيش اتحمل عقابي؟؟؟
 ادهم: انا معمولتوش علشانك علشانها هيا
 وبص ناحيه امه وكمل طريقه
 وهما خارجين حد بيجري وراهم ويناديهم
 وقفوا واتفاجئ ادهم بالدكتور اللي شوهه
 الدكتور: استني ارجوك انا بحاول ادور عليك من زمان
 مش لاقيك ارجوك استني

ادهم: عايز ايه مني؟

الدكتور: تعال معايا لحظه عارف انك تعبان بس تعال

ارجوك

ادهم: اجي معاك فين انت مجنون

الدكتور: هوريك انتقام ربنا يمهل ولا يهمل

تعال ارجوك

ادهم راح معاه ومعاه مراته

اخدهم الدكتور وفتح اوضه فيها عيل صغير

بس مشوه جامد جدا مشوه لدرجه تخطت ادهم بمراحل

الدكتور: ما تستغربش ده محدش شوه ده اتولد كده ده

حفيدي تاني حفيد ليا

الاول برضه اتولد كده وفضل كام سنه ومات وده كمان

مشوه بالمنظر ده وقلبه تعبان واعتقد ان هو كمان هيموت

مرات ابني حامل دلوقتي وابني مات في حادثه من شهرين

فارجوك سامحني خلي ربنا يسامحني ويخليالي حفيدي

اللي جاي ارجوك

انا بقالي سنين بدور عليك علشان تسامحني بس مكنتش
عارف الاقيك ارجوك

ادهم: دلوقتي عايزني اسامحك لا مش هسامحك مش
هسامح اي حد ولا انت ولا ابويا

الدكتور: ربنا انتقملك من الكل الممرضات كل واحده
خدت جزاتها واحده ماتت واحده اتسجنت والتالته مريضه
والمرض بياكلها واحده واحده وانا اهوہ قدامك بترجاك
ابوس رجلك سامحني

وطي الدكتور علي رجل ادهم يبوسها بس ادهم سحب
رجله

ادهم: روح منك لربنا انا عمري ما دعيت علي حد ولا
طلبت من ربنا ينتقملي ولو كنت فكرت في الانتقام
كنت جيتلك بنفسي

اخذ ادهم مراته وامه ومشى يتعافي في بيته واحده واحده

احمد فاق لقي ابوه جنبه وسال ايه اللي حصل

حسين: ادهم اتبرعلك وانت هتبقى كويس ان شاء الله
وهنعيش كلنا مع بعض تاني انافضل وري ادهم لحد ما

يسامحني ونعيش مع بعض استني لما تشوف ايه وزيا
هتحبهم كتير

احمد: ان شاء الله

سكت احمد بس اتاكد جواه ان قراره صح

كلم محاميه يخلص الاجراءات بسرعه وفي سرية تامه

جدا

ادهم في بيته تعبان بس بيتحسن واحده واحده

تعدى الايام وهو بقي احسن والحياء رجعت لطبيعتها

حسين بيحاول يقرب من ادهم او حنان بس الاتنين رافضين

نهائي حتي يسمعه

بيروح عند مدرسه العيال علشان بس يلمحهم من بعيد و

ادهم عارف بس بيسيبي بمزاجه لكن ما بيسمحلوش يقرب

اكثر من كده

وفي مره قرب منه

حسين: اديني فرصه اعوضك ماهو انت سامحت امك

ادهم: سامحتها لانها كانت مجبره مش زيک

حسين: ادهم انت بتحب مراتک انت اکر واحد المفروض
تقدر

ادهم: وعلشان انا بحب مراتي مش مقدر

حسين: تخيل لو مراتک انت عرفت انها خانتک والنتيجه
انها خلقت هتعمل ايه؟؟؟ هتسامحها وتاخذ ابنها في
حزنک؟؟؟؟ جاوبني بصراحه

ادهم: علشان بحب مراتي اصلا عمري ما هصدق انها خانتني
ولو الدنيا كلها شهدت عليها مش هصدق الا لو شوفتها
بعيني مع واحد لكن ولا هفترض ولا هستنتج ولو ده حصل
وشوفتها بتخوني فعلا يبقي هيا مش بتحبني ساعتها
هنسحب من حياتها بهدوء لان الحب مش بالعافيه هديها
حريتها تكملها مع الانسان الي تحبه وسواء كانت
النتيجه بيبي او غيره هيا تتحمل مسؤوليته لكن مش هبقي
جلاد ابد لمراتي وابنها ابد

حسين: طيب انت ملاک انا كنت انسان عادي

ادهم: انت كنت وحش مش انسان وسبق وقولتلك ان الدور
جاي عليك في الندم عيشتنا 30 سنة في عذاب جه الدور
عليك اشرب من نفس الكاس لاني مش هسامحك ابدا

سابه ومشى

احمد لاحظ ان ابوه مشغول تماما بمحاولاته يقرب من ادهم
وعياله وده خلي خطته تمشي زي ما هو عايز

وفي يوم ابوه معاه

حسين: احمد احنا لازم نحاول نرجع كلنا عيله واول
خطوه هو ان احمد ياخذ حقه وياخذ تعويض مناسب عن

السنين اللي اتحرمها مننا

ان هكتب نص املاكي كالحا ليه ولعياله

احمد: كنت عارف انك لو عرفت ان ادهم ابنك هتجبه
ستي كان عندها حق لما قالتلي اكرهك فيه كان
عندها حق

حسين: ستك؟؟؟ وستك ايه دخلها؟؟؟ انت بتقول ايه؟

احمد: عملت كل ده علشان ابعدهم وجاي دلوقتي
ترجعهمولي وتقول تديله نص املاكك دي املاكي انا
وشغلي انا وتعبي انا لا ده بعينك

ايوه مراتك كانت بريئه وستي حفظتني الكلام اللي
اقولهمولك

حتي الدكتور ستي رسته علشان يقولك ان ادهم مولود
في معاده مش بدري

وانا سبكت الدور وانت صدقت واوعي تقول ان احنا السبب
لا انت السبب

انت لو كنت بتحب مراتك بجد مكنتش صدقت كلمه
عليها بس انت صدقتنا بسهولة وعذبت ابنك واحب
اقولك ان اي حاجه عاقبت ادهم عليها كنت انا السبب
فيها كنت بعمل وارمي عليه وانت تجلده

حسين: انت بتقول ايه؟؟؟؟ انت اللي عملت كل ده وليه انت
ابني؟؟؟

احمد: ابنك اه بس مبحبش شريك

هنا الباب خبط ودخل المحامي

المحامي: مبروك كسبت القضية

حسين: قضية ايه انا مش فاهم حاجه؟

احمد: قضية الحجر عليك لاني كنت عارف انك

هتفكر تدي حاجه لادهم ولا عياله انت حاليا مفلس روح

بقي لابنك خبط علي بابيه يمكن يفتحلك ولا روح مد

ايدك

حسين مش مستوعب ايه اللي بيحصل ده

هو من ساعت ما عرف ان ادهم ابنه وهو تعب ان بس بيقاوم

علشان يخليه يسامحه

خلاص بقي ابنه مش مسامحه وبنته وماتت وابنه اللي قضي

عمره كله يحبه طرده من بيته

قام من قدامه وخرج بره الاوضه ومشى خطوتين وقع

ادهم عايش في سعادته مع امه ومراته وعياله بس هو ملاحظ

ان امه زعلانة

ادهم: علي فكره انتي لو عايزه تروحي بيتك الكبير
وتعيشي مع جوزك وابنك انا مش هزعل

بيتي هيفضل مفتوح

ليلي: هنفضل نحبك وبعدين محدش يسيب فيلا وخدم
وحشم ويجي يعيش هنا

حنان: لا يا حبايبي محدش يسيب الدفا والسعاده اللي هنا
ويروح لفيلا طويله بارده ابدًا

ده كفايا عليا ضحكه ايه وزياذ بالدنيا

ادهم: وابوهم يلعب بعيد يعني ولا ايه؟؟

حنان: لا يا حبيبي ده انت قلبي وروحي وسندي في الدنيا
دي

ادهم: طيب امال في ايه مالك؟

حنان: ابوك

ادهم: امممم حنيتي ليه،،، قولتلک سامحيه

حنان: مش حكايه حنيت بس حالته صعبه قوي واللي

احمد عمله صعب عليه

ادهم: حالته ايه واحمد ايه انا مش فاهم حاجه انتي
بتتكلمي عن ايه؟

حنان: هو انت معرفتش باللي جراه؟؟؟

ادهم: لا معرفش حاجه عنه

حنان: ابوك كان عايز يديك نصيبك

ادهم: انا مش عايز منه حاجه

حنان: ماعلينا المهم احمد كان خايف ان ده يحصل
فخطط واستولي علي كل حاجه

كتب معظم الاملاك باسمه وبعدها حجر علي ابوك
واخذ كل حاجه

ادهم: مش مستغرب اللي حصل من احمد من يومه اناني
عادي اللي عمله ده

ماهو انتي لما تربى تعبان اول واحد هيقرصه هي بقي
صاحبه

وبعدين حسين عمل ايه؟

حنان: تعب والازمه جاتله تاني بس المره دي سابتة مشلول
وحاليا احمد طرده من البيت ورماه في دار مسنين

هنا ادهم وقف

ادهم: دار مسنين؟؟؟ ليه فقير مش هيعرف يصرف عليه في
بيته ويجيبه بدل الواحد عشره يخدموه

احمد فاق كل النداله اللي في الدنيا

ادهم طول الليل مش عارف ينام ودماعه مشغوله وعمال

يتقلب يمين وشمال

ليالي: مش هنام احنا الليله دي

ادهم: سوري يا قلبي بس دماغي مشغوله

ليالي: عارفه ان دماغك مشغوله وعارفه كمان مشغوله

بايه

ادهم: ورايك ايه؟

ليالي: اللي انت عايزه اعمله

ادهم: بس ده هيكون لود اوفر عليكى وحاجه مش من

حقي اطلبها منك

ليلي: ادهم انا بحبك وبحب اي شيء يخصك وبيتي مفتوح
لاي حد من رحتك ولو الارض ماشالتوش اشيله انا فوق
راسي فاهم

ادهم: انا بحبك

ليلي: وانا كمان بحبك

نايمين جنب بعض باصين لبعض وبیدردشوا بحب

ادهم: هو انتي امتي بقيتي عاقله كده؟

ليلي: ليه علي اساس اني كنت مجنونه قبل كده؟

ادهم: هو انتي كنتي مجنونه بس انتي تخطيتي الجنان

كنتي بتدخلني ابوكي بينا كل شويه

كنت بتعملي حاجات غريبه وخصوصا اول سنه في جوازنا

عذبتيني فيها

حنان: انا اسفه حبيبي بس كنت لسه عيله مش فاهمه

الدنيا ولا عارفه الحب الحقيقي يبقي ازاي ولا فهماك انت

كويس لكن دلوقتي فهمتك وفهمت الدنيا حواليا

وكبرت معاك

ادهم: ليلى ممكن اسالك سؤال بس تجاوبيني عليه
بصراحة تامه

ليلى: اسال ياقلبي

ادهم: هو انتي عمرك اتضايقتي من شكلي او اتمنيتي
يبقي غير كده

ليلى مسكت وشه بايدىها واجابتها كانت بوسه علي كل
حته في وشه

ليلى: ابدأ عمري

وسكتت شهرزاد عن الكلام المباح

طلع النهار وادهم نزل وراح لدار المسنين

راح لابوه عمل كل المطلوب وابوه اتفاجئ بيه في اوضته

ادهم: ده مش مكانك انا هاخدك

حسين: اهمممم اهممم

ادهم: ايه عايز تقول ايه مش فاهم (بص للممرض) في ايه

ماله؟

الممرض: الازمه سابتة كده مشلول ومش بيتكلم بس
ممکن مع العلاج يقدر يتكلم ويقف من تاني

ادهم: هو ما بيتكلمش؟؟؟؟؟؟؟؟

الممرض: للأسف ايوه

ادهم: انا جاي اخذك بيتي يالا

قرب ادهم منه وبيشيله يحطه علي الكرسي وابوه معترض

ادهم: في ايه مالک معترض ليه ماهو مش هسيبك هنا

ابوه عنيه دمعت وعيط

عيط علي كل حاجه عملها فيه في يوم من الايام

ادهم: كفايه عياط بقي يالا بينا زياد واياه هيفرحوا

بيک

مسحله دموعه واخده علي بيته

طلعه لحد شقته ودخل شقته وهو زاق ابوه علي الكرسي

ادهم بينادي علي امه

ادهم: حنان!! حنون تعالي عندي ليكي مفاجأة

مامته خرجت

حنان: حنون كده

سكتت اول ما شافت جوزها وبصت لادهم نظره طويله
نظره شكر انه ما اتخلاش عن ابوه ليلي كمان جابت
العيال اللي جريو علي دادو بتاعهم وركبوا علي رجله

ادهم حاول يشيلهم بس ابوه رفض

ادهم اخد امه وابوه في بيته

وابوه تانيب الضمير بيقته من جواه وكل يوم يطلب من
ادهم يسامحه وادهم من جواه مسامحه لانه عمره ما كرهه

في يوم من الايام

وكل ما ادهم يشيله او يعمل حاجه يعيط وادهم يمسح

دموعه ويقول كفايه

حسين وهو مع ادهم في يوم طلب منه ورقه وقلم

حسين بيكتب لادهم: عايزك ترجع تشيل اسمي

ادهم: لا انا اسف بس اتعودت علي اسمي ده غير شغلي

وكل اوراقى وحياتي بالاسم ده مش هغير انا كل ده

حسين: عارف انك مش عايز تشيل اسمي بس انا ليا غرض
من كده

ادهم: غرض ايه؟

حسين: بعد ما تغير اسمك وتبقي اسمي هيبقي من حقك
ترفع قضيه علي احمد وتسترد حقك وحق عيالك
وامك

ادهم: ارفع قضيه علي احمد علشان الفلوس
هو انت ما اتعلمتش ان الفلوس ملهاش اي قيمه مقارنه براحه
البال

عملتلك انت ايه الفلوس؟؟ لا اسف مش عايز فلوسك
ومش هرفع قضايا

انا كده مبسوط والحمد لله مراتي وعيالي مبسوطين الا اذا
كنت انت مش مبسوط؟؟

حسين: انا علشانك انت

ادهم: وانا مش عايز حاجه

احمد بقي امبراطور علي كل شيء ومالك كل شيء بقي
هو الملك وفجأه حن لابوه وامه وراح يشوفهم

راح لبیت ادهم وخبط وفتحوله

دخل البيت كانوا بيحتفلو بترقيه ادهم والكل بيهيص
وعيله كامله مجتمعه

ليلي وابوها وامها وادهم وابوه اللي كان بدأ يتحسن وامه
وعياله

العيال زياد مع دادو وايه مع حنون

احمد دخل وشافهم مبسوطين جدا وقلبه وجعه لان هو
كمان عمره ما حس بالدفاء والحب والسعاده اللي حاسسهم
في بيت ادهم واتمني ان يكون عنده زي ادهم

وقف قدام ادهم

احمد: انا عملت فيك كل ده واتشوهت واتطردت
واتبهدلت بس في الاخر ليه حاسس انك اغني مني
ادهم: اغني منك ايه؟؟؟ هو انت في زيك؟؟؟ انت

ملياردير

احمد: فلوس؟؟؟ انا اكتشفت ان الفلوس مش بتغني
 الانسان واكتشفت انها ما بتشتريش حاجات كتير
 قوي؟؟؟

ما بتشتريش واحده تحبك (بيص ليلي)

ولا عيال في حضنك (بيص للعيال)

ولا بتشتري حب ام (بيص لحنان)

ولا حب اب (بيص لحسين)

ما بتشتريش كل اللي عندك هنا في بيتك ده

ادهم: ياه اخيرا عرفت ان الفلوس ما بتشتريش السعاده انت

لازم تستحقها

انت بيعت الغالي بالرخيص يا احمد

اتخليت عن كل حاجه حلوه في حياتك علشان الفلوس

كنت فاكرا اني لو اتولدت هاخد حب ابوك وامك

وحرمت نفسك من اخ في حياتك ومتعرفش ان الاب والام

لو عندهم عشر عيال بيعبوهم كلهم

حرمت نفسك من امك وحنيتها وحتى ابوك الي كان
 بيحبك حرمت نفسك منه تقدر تقولي كسبت ايه في
 الاخر

احمد: بقيت ملك

ادهم: ملك علي ايه بالظبط؟؟؟ تقدر تقولي واخر الفلوس
 دي ايه من غير حد يستمتع معاك بيها

لازمتها ايه من غير حزن يضمك اخر الليل

او ضحكك تشوفها علي وش حد بتحبها

او اجازة تقضيها وسط عيله تحبك

مش بقولك اخترت الرخيص

وعلي فكره انا كان ممكن بسهولة ارفع قضيه عليك

واسترد كل حقوقي وشغلي واسمي كان هيساعدوني بس

ما لقتش حاجه عندك تستاهل اخداها منك

امشي يا احمد وعيد حساباتك من تاني وشوف ايه المهم

وايه الي ملوش لازمه

احمد: اعمل ايه؟

ادهم: انا اللي هقولك تعمل ايه؟؟؟ بس اناولو مكانك
هرجع حبايبي ليا وهبدا اول حد بمراتي

وهشوف مين خسرتة وارجعاه

السعاده بالناس اللي بيشاركوك نجاحك وحياتك مش
بالفلوس اللي بتملكها

لان لو مفيش حد يشارك في الفلوس دي يبقي ملهاش
لازمه

احمد مشي وعمال يفكر في كلام ادهم
دخل فيلته الباردة الطويله الفاضيه وقارنها ببیت ادهم
الصغير المليان دفا وضحك وحب وناس واتمني يبيقي
عنده بيت صغير زيه

راح لمراته اخر الليل وخبط عليها وكان اسمها سهر

احمد: سهر انا احمد افتحي

فتحت مخضوضه

سهر: في ايه مالك؟

احمد: تتجوزيني من تاني

سهر: لا يا احمد انا سبق وجربت انت اناني قوي

احمد: هتغير اوعدك بده وهصلح كل حاجه غلط عملتها

هصالح ابويا وامي واخويا

ولو عايزه عيال نتبني ايه رايك

سهر: اتغير الاول وبعدها افكر

قضت الباب بس فتحت طاقة امل جديده

ومع الايام اتصالح الكل مع بعض واتلموا في بيت كبير
بقي بيت العيله

وادهم مع اصرار ابوه وامه واخواته سافر يعمل تجميل واصر
هو يروح وحده ورجع راجل وسيم جدا وده جنن مراته لانه
بيمشي يتعاكس من كل اللي حواليه بس هو مش بيشوف
غير حبيبته ليلي وبس

انتهت حكايه أدهم ورحلته عذابه وبدأت حياه جميله

مليانه حب ودفا وعيله

واحمد مع الوقت اتعلم ازاي يشارك ويحب واتعالج وخلف
كمان

وتوته توته خلصت الحدوته حلوه ولا ملتوته

***** تمت بحمد الله *****



حكاوي الكتب للنشر الالكتروني